

S P E A K E R : ‘Hnamte zing ata ka hruaichhuak ang che u a, ram zawng zawng ata ka khawm ang che u a, in ram ngeiah ka hruai lut dawn si che u a. Thingrahte ka ti pung ang a, thlawhhma ka ti hlawk ang a, tam avanga hnamte zinga mualphona intuar tawh lovang’. Ezekiel 36:24,30

QUESTION HOUR

Zawhna leh chhanna hun kan hmang ang a, Starred Question No. 81 – na zawt turin Member zahawmtak Pu Andrew Lalherliana ilo sawm ang.

PU ANDREW LALHERLIANA : Pu Speaker, ka lawm e. Ka Starred Question No. 81-na kan Minister zahawmtak PHE changtu ina a chhan atan tihian ka zawt e -
(a) Tun Financial Year chhungin Greater Aizawl Water Supply Scheme - I & II maintain na leh running cost ah sorkarin pawisa engzatnge a sen? (b) A hmangtu mipuite hnen atangin Tariff sorkarin engzatnge a dawn? Ka lawm e.

S P E A K E R : A chhang turin PHE Department changtu Minister zahawmtak Pu Tawnluia ilo sawm ang.

PU TAWNLUIA MINISTER : Pu Speaker, member zahawmtak zawhna kan ngaihthlak tak chhanna - (a) Tun Financial Year (February thla thleng) chhunga Greater Aizawl Water Supply Scheme Phase -I maintain na leh running cost atan sorkarin Rs. 1078.27 lakh a seng a, Phase – II atan Rs. 284.63 lakh a seng. (b) A hmangtu mipuite hnen atangin Tariff Sorkarin January 2008 thlenga a dawn chu Rs. 308,72,393.00 a ni.

S P E A K E R : Pu Andrew Lalherliana.

PU ANDREW LALHERLIANA : Pu Speaker, ka lawm e. Zawhbelhna – Hei kan hriat angin Aizawl Water Supply Scheme Phase – I kan hman bakah khan Phase – II kha lawmawm takin kan
...379/-

dawng a, khata pawisa sanction Phase – II atana vaibelchhe 71, nuai 80 a kha kan Split (then) in contract in vaibelchhe 32.7 kha Johnson Eastern Power hnenah khan contract in vaibelchhe 99.32 daih khan kan pe a. Chumi avanga harsatna kan lo tawh chhoh na-ah khan namen lovin a kal ta a. Tui pek chhuah tur nitin litre maktaduai 36 tur kha kan han hawn khan Phase-II kha litre maktaduai..... amaherawhchu, ka zawh duh chu tiang hi a nia tuna kan tui hmanlai khatianga reduce a nichung pawh khanheta a maintenancea cost a pahniha han belhkhawm khan nuai 1300 chuang a ni daih mai a ni. Chumi chu crore 13 chuang a maintenance nan hman a ni a. Tahchuan mipui hnen atanga kan hmuh hi nuai 308 vel chauh kha a ni si a. A awmzia chu kan tui pump na hi a hautak em em mai a ni tih hi a langchiang em em mai a. Litre maktaduai 36 phei kha chu pump chhuak thei turin siam ta ila, a cost hi kan lo zo dawn lo hle niin a lang. Ka zawhna tak chu Pu Speaker, hemi hi solve-na a awm rinna avangin ka'n zawt duh deuh a.

Kum 2005 October khan Delhi-ah

Jarboard nena interaction neiin Subject Committee – V kan kal a, interaction kan nei, chutah chuan Delhi chu kan hriat angin ruahtui khu a tla tlem em em mai a. Inches 18/20/24 vel chauh khu kum khatah a tla a ni. Chuti chung chuan an Water Supply (augment) tihpun nan hian rainwater harvesting scheme hi tihtak zetin an lo bei a. Tahchuan a scheme pakhata langah chuan chungte tan a theihna hmun a piangah khan rainwater harvesting scheme siam tur khan subsidy an pe a, chutah chuan cheng sing nga ang zel chhungkaw pakhatah subsidy a thlawnin an pe tawp mai a ni, tui a awlsamna tur khan. Chutiang khawp chuan an tih laiin keini Mizorama kan lo haw in kan tuirawn tla, ruahtui tla hi inches 80-120 chuang a ni a. Chuvang chuan a prospect hi a tha em em mai a. A pumphead tuna kan neih lai water supply scheme a kan neih lai pumphead meter 1000 vel atanga tui an pump chhuak chho a, hetiangte hi a to lutuk zel dawn a, kan state deficit lohin kan thei dawn chuangin a lang lo a ni.

Chuvang chuan Delhi a sorkar pawhin a rainwater harvesting scheme-ah mipui tan a siam theihna turin pawisa a sem theih si chuan a siamna hmun..... keini ah pawh hian a tihtheih ve lom ni? Aizawlah te hian chhungtin tan..... Khatianga rainwater harvesting scheme atan khan subsidy leh loan pawhin min pe ta se nuai ½ emaw theuh min pe thei ta se sorkar (Central sorkar) hian awlsam taka min pawmsak theih ka ring a.

Tichuan, tuna kan tui pump hautak tak, a man sang lutuk, kan minus na em em mai hi engchen emaw khatianga pump to lutuka pump ngailo khan kan rainwater harvesting chutianga mipui hnen a ti tur /siam tura kan tih chuan a chhawk ang a, sorkarah pawh pawisa tlem zawkin tui pump nan leh hetiang atan kan hmang thei dawn niin ka hria a. Hemi scheme hi khawngaihtakin kan P.H.E Minister hianin ti ve thei turin hei hi plan a siam thei ang em aw tih ka zawt duh a.

Pahnihna-ah chuan, a aia lian chi deuhte hi Water Harvesting Scheme hi kan sorkar khan a study mek niin kan hria a, Tuithum impounding Dam siamte pawh kha khawngaihtakin hemi hi chakzawkin bawhzuiin kan tui harsatna hi solve naturin hemi te pahnih te hi Sorkarin ati thei lawm ni? Chuti a nih loh chuan a pump na hi a sang si a, a maintenance na a sang si a, kan pawisa neilo nen kan indaihlo nasa si a, chu chu kan zawt duh a ni a ka lawm em.

R.LALZIRLIANA

Pu Speaker ka lawm e. Zawnha tak tak chauh Phase II hi pump house neih tur anih laiin Phase I pump House hi tawm a ni em ni? Bill lakna ah chuan Phase II Pump House hi sak vek tawh niin alang si a, tih leh 2 na ah chuan Transformer te hi Phase II hian a hrana nei tur a nih lai leh a bu ah chuan Transformer tepawh lei vek ni a langin Phase I Transformer kha Phase II hian a chawm ta mai em ni? tih leh, kha kha an in pump chhawk thin a ni a sawi ani a. 3 na ah chuan private connection hi hemi Phase II install hnu ah chuan a area bik entirman Sihphir te Luangmual te khawi khawi emaw kha sawi ani thin a helai House zahawm takah hian. Hemi install anih hnu hian Private Connection te hi engang a khar nge a nih? 4 na ah chuan 32 lakhs litres tho hi em ni? Phase II install anih hnu hian pump chhuah? a hma ang tho khan 5 na ah chuan Ai-i Puk boruak helai a han buaipui luai luai lai khan, a boruak depression atan, Sihphir ah khian hemi Phase II pump chhoh na tur metre 100 vel kan phum luh luh kha engatinge chhonzawm anih tak loh? tih kha kan zawt teh ang.

H.LIANSILOVA

Pu Speaker, zawh belhna pahnih ka nei a 1-na chu Durtlang ho khian tui a thlen hun an ngahkhlel hle mai a, Durtlang area te khi engtik ah nge tui kan pek ve theih ang? tih ani a. 2-na ah chuan Aizawl Water Supply Phase II han hawn hnu hian Aizawl North II ah a bikin, Chaltlang atanga feed ho khian tui kan hmu tha danglam chuang miah lo mai a, keini bawr lai vel ah phei saw chuanin kan hmu manglo fo mai a, kan Minister hianin Phase II hawn man awm deuhin, mi hmuh ang deuhin kar khatah vawi hnih te min pe turin min ensure sak thei em? tih ka zawt duh e.

PULIANSUAMA

Pu Speaker, fur lai hian Aizawl Water Supply Scheme in a tui a khuahna a process tur hian tlak lam tui, tuikual lui hi a hmang tlat mai a. Vawi khat chu

Committee in kan zuk en laiin chung tui chu an bawhlawh em em khawp mai a, mahse an process hnuah phei chuan a fim tha khawp tho a. Enge a chhan kan tih chuan Tlawng tui hi hip a buaithlak zawk an ti a. Reiek tlang pangah leh Ailawng tlang pangahte khian tui thianglim tak tak fur laiin hniang hnar taka khu khawla rawn chhun thlak tur hian a awm tho a. Chuvang chuan technician ten a thianglim e pawh ti se ngaih hi a tha duh lo khawp mai a, kan khawpui thli nilo ei tur hian tan a lak theih ang em?

Tin, Lawngtlai leh W.Phaileng, Tuidam, Kawrtethawveng Water Supply Scheme kha enge a chanchin ni ta le, a then hi chu project siam mekte leh a then chu zawh hnaih tawhte an ni a, an tun dinhmun, hun remchem nen, kan member dangte kan zawh kep a ni.

SPEAKER

: Awle, chhang turin PHE Minister i lo sawm ang.

**PU TAWNLUIA
MINISTER**

A hnuhng atang khan kan chhang mai ang a. Hemi Tuikual lui kan dawt khu ni e, kan hria a. Tin, hemi Serlui B pawh hi Aizawl thli kan ei alawm tih mai tur

chu a ni a. Amaherawhchu, hei chen hi kan ei tawh a, hemi kan dawt avang hian chuti tak chuan kan hriselna lamah harsatna kan la tawng rih lo hi chuan a lang a. Chumi pumpelhna atan chuan tuna Phase II hi chu Serlui khalh khuan ware an ti a, a dawtna taka khu Serlui zawnah khu chuan leihlawn kan dawh anga chu chu la tih tur a ni reng a ni. Tichuan hetah Reiek lampang tlang sang atang khuan Puanpho lui a mi khu tunah pawh khuan nasa takin furah chuan kan dahlut thla tawh a, khu in hmuin ka ring a, Tlawng luiah khuan a inkhawh kai khu, chung chu furah chuan kan dawt thin a. Helam hi, Tuikual lui lam hi pumpelh kan duh khawp a. Amaherawhchu kan la thei chiah lova. Chutiang chuan department dang pawhin khalai kha an en lai mek a ni e tih kha chhanna a ni a.

Tin, Tuidam leh Kawrte Water Supply Scheme, Pumping Scheme kan nei a, chu chu tunah hian kan zo tep a, tun thal chhung hian kan Commission hman ngei kan ring a ni.

Tin, Lawngtlai leh West Phaileng hi detailed project pawh pekluh vek tawh a ni a. Hei hi Lawngtlai tak pheih hi chu District Capital ani a, mahselangin Town List ah hian a awm lo laklawh a hman atanga awm kha a ni a. Chuvangin hemi District Capital ang Category a tih dawn pawh khan a buaithlak a, hetah khan census an han en a, Scheme siam dawn chuan an fet ve a. Chuvang chuanin District Capital angin emaw Town angin emaw priority a pek theih lohva. Chuvangin Lawngtlai pawh hi JNURM leh hemi a small town han tihah khan kan khung a, cheng vaibelchhe 30 chuang estimate kan siam a, Phaileng pawh hi chutiang chuan Estimate peih vek tawh a ni a chu chu Doner ah hian kan vawmlut a chuvangin tun financial year thar lo thleng turah hi chuan a bul tan ve theih ngei tumin hei hi chu kan ngai pawimawh khawp mai tih kha kan chhanna a ni e.

PU LALRINLIANA SAILO : Pu Speaker, Biate kha nikum khan min puan sak kha ani a, enge ni a chanchin ve le ?

PU TAWNLUIA MINISTER : Biate pawh khi JNURM Scheme tharah hianin District Capital kha an privatise tlat mai a, chuvang chuan Biate Composite Scheme khilai tlangdung zawng zawngin an khamkhawp tur pump chhuahna tur pawh kha kan peihfel tawh a. District Capital kha an privatise si a, tunah hianin chumi chu District Capital zinga hnawhluh kha a remlo ang a, khami dawtah kha chuan No.1 a ni a, engtin emaw vawmluh hram kha kumin financial year tharah hi chuan khilayah khian hna tan theih hram hi chu kan tumdan a ni a.

Lungdai pumping scheme kha tunah hian zawhfel tawh a ni a, Session zawhah hian kan hawng dawn nia.

Tin, Aizawl North- II MLA zahawmtakin Durtlang lam khi engtikah nge ni ang Phase-II kan chhawr theih ang tih kha Doordarshan T.V tlangah khian zonal tank reservoir lianpui mai nuai 30 man dawn thaw an siam luih luih a, tin Bawngkawn Brigade Durtlang kawngah khian Booster pump siam tur a ni a. Chu chu land acquisition avangin nikum atang khan hna kan la tan thei lova, tunah hian D.C lam atangin award an siam tawh a, payment pek anih chuan Booster pump kan bun ang a. Tichuan, T.V tlangah kan pump chho ang a, chuta tang chuan Durtlang mai nilo, Sihphir zawng zawng pawh kha kan pe vek dawn a ni. Chu chu kuminah hian kan hna kallai mek a ni a, Sihphir pawh kha kan chhunzawm zel dawn e. Durtlang lampang atan pheih chuan

pawisa pawh engemaw zat dah a ni a, Durtlang Booster pump tur chu chutiang chuan tunah hian a bul tanna turin payment pawh D.C ah kan pe vek tawh a, khami compensation pek tur kha. Chuanin, payment a fel chuanin hna bul tan theih kan inring a, khawl zawng zawng pawh a thleng vek tawh a ni. Tin, pump phum tur pawh kan nei tawh a, tichuan kan hna hi a la kal ve mawlh mawlh a, Durtlang pawh kha a huntak hriat nilo mahse a rang thei ang bera thawh zawh kan tum a, tunah chuan tui kan harsa em mai an ti a, motor kan ngaihtuahin kan chawi mek in ka hria.

(**PU K. LALRINLIANA** : Ka lo in rawlh lawk, hemi Haulawng leh a chhehvel tana Vanva tui pump engchen nge hmalak anih tawh tih kha kan Deputy Speaker bial kan zawh sak ang e) Awle, North - II Area-ah chuan tui Phase-II avangin kan hmu thalo anih chuan enchiang ta ila, kan lo chhut dan chuan Phase-II nikum May thla a kan Minister zahawmtak Central Minister, DoNER Minister in min hawnsak hnu-ah kha chuan tui hi kan sem kar dan hi a zim tawh a, a hma kha chuan chawlhkar hnih danah vawi khat kan sem thei che che a. Tunah chuan kumin kumthar atang ngat phei chuan chawlhkar tin tui hi kan sem ve tawh a, chu chu sawlaihah khan kan lo la fill lo anih chuan enchiang ta ila awmze nei deuhin a tih dan pawh a awm ang.

PU H. LIANSILOVA : Chhungkaw experience pawh a ni a, ni 14 danah calendar-ah kan chhinchhiah a, chu chu kan hmuhdan a ni a, thenawm khawveng pawh a ni hlawm a, kan veng sawlai hlawm saw, a chhan ni-a an sawi chu Chaltlang Tanky atanga feed lo hian an hmu tha lo niin a lang a, chulaite chu a personal viau na a, a harsa ho kha kan thahnem angreng fu a, ka'n sawilang a ni e.

PU TAWNLUIA MINISTER : Vawiinni-ah Phase-II lawmna atan pawh a ni ang a, North - II ah chuan kan lo enchiang ang a, abik takin kan member zahawmtakte phei chu special in kan lo en turah ngai ila. Hetia kan han ngaih maih hian kartin vawikhat sem tawhah hian kan inngai ve tawh a ni a. Tin, harsatna erawhchu distribution line tana awmsa hi kan ring rih mai lo thei lova, heng zawng zawng pawh hi a semchhuahna pipe hi a te a, tunah hian tui pek chhung hi tui kha kan sem chuan a rei ta a, a tui

kha awm baww mahsela kan distribution system hian min la phak lo deuh hlek ni chuan kan hria a. Tunah hian khami North-II kha abikin kan lo enchiang ngei ngei ang e. Kan line kha harsatna kan nei ve deuh a, pipe a la te deuh hlek a, chu chuan kan tui neih daihzai ang zawnga sem tur pawh khan tlem a harsatna kan nei e tih erawh kha chu min lo hriatpui ta ula.

Tin, Aizawl West lampangah hianin khutah Zonuam-ah, Luangmual-ah, Chawlhmun-ah tiang hian Phase-II tui hi public point-ah kan sem vek tawh a, kan ei dar dar tawh a. Tin, Luangmual baww velah khu chuan connection pawh 500 vel chu permission peihfel tawh a ni a, deposit-an tih chuan private connection pawh tih theih turah kan ngai a ni.

Tin, Phase-II chhawrbaww tur baww chhimlamah hian Hualngohmun thleng sawn pipe kha kan zam tawh a, mahse kawnglah sawn min tibuai ta a. Ngaizel khampheiah te, sawtah Hualngohmun thlen hma sawlai khampheiah te sawn kawng laih thar avang sawn development hi a kal nasa khawp a, a in kalthuah a, chu chuan engemaw chenah harsatna min siam a. Chuvangin, sawlam pang pawh saw thui tak N. Lungleng thleng sawn pipe a heta tanga chawm vek tur a ni a, chuvang chuan helam pawh hi pipe phum kha kan bei mawlh mawlh a ni e tih kha ka chhanna ni sela.

PU LALHMINGTHANGA : Pu Speaker, kan Minister zahawmtakin a improvement a'n sawi khan keini khutilai baww khu Phase-II hawn hnu hian kan harsa zawk tlat mai a, hmanni khan Assembly Staff Quarter thar tepawh khuan an lei ringawt mai a. Pi Nguri, a Driver hi Zova a ni a, MZ-01/407 D 3177 chutiang khawp chuanin khulai bawrah te khuan kan harsa a, min enchian sak ve thei ang em le, tih kha ka zawt e.

PU TAWNLUIA MINISTER : Chu chu kan lo chhinchhiah e, abik takin kan lo en ang.

PU R. KHAWPUITHANGA : Pu Speaker, helamah pawh hian kan lo ti ve zawk thei ang em? Phase-II hi kan la hre pha ve reng reng lo tih ka bial lamah sawn an awm ve a, distribution line kha

engtingge a lokal ve theih ang aw tih, veng thenkhat Hlimen te, Saikhamakawn, Tlangnuam, Salem vengah te pawh sawn a ni a, a distribution line tihbelh tur lai kha engnge ni ?

**PU TAWNLUIA
MINISTER**

: Phase-II pawh South kan tih khan a huam vek a, Tlangnuam te pheih chu khithah khian lianpui kan nei a, tunah pawh hian Hlimen lampang, Saikhamakawn lampang saw sawlaih sawnin Tank te kan nei a, Hlimen-ah pawh kan nei a, kan sawi ang bawh khanin a inpek chhawna tur pipe line kan lo zo fel lo deuh a ni e, kuminah hian chaktaka thawh kan tum ani, vengtinah tih hram hram kan tum a.

Tin, Sihphir kha a pipe phum kha Durtlang atang khian khilai bawrah khian pawisa thawhna tur kan nei sa a, thawh kallai mek a ni a, kan chhunzawm mek e tih kha a ni. Tin, Phase-II atan tih hianin Phase-I nen hianin transformer te a intawm a ni tih kha a intawm lova, hriatsual palh anih ka ring a. Ka'n sawi chiang deuh ang a, Phase-I hi tunah hian renovation turin crore 16 vel GNURM atangin kan nei a, chu chu existing machine ho hi tuna kan kawh ho hi a thlak ang a, chu chuan a efficiency a tipung dawnin kan ring a. Chu pawh chu tunah hian thawk ve reng si khan Phase-I chawh chuang lova renovate dan kha kan ngaihtuah a. Tunah hian Phase-I & II hian a thiangan kan thawk a ni a.

PU R. LALZIRLIANA

: Clarify atan Pu Speaker, Phase - II kha hawn a ni tawh a, chutiang anih chuan tui hi kan hmu tam chuang lo reng reng a, tumah hian. Engatinge hawn anih hnuah tunah kan thawk reng a ni tih chauh reng mai kha....

**PU TAWNLUIA
MINISTER**

: In te pawh hi han luah theih tirh hi chuan kan invawm lut mai a. A hnu- a zawhfel tak hi a tam khawpin ka hria a. Chutiang chu hetiang project lianpui hi chu a kalphung a ni tih kha kan hailo chuan ka ring e. Tin, transformer hi chu a intawm lova, khutah Dihmunzawl-ah khuan Sub-station Phase-II atan kan bun a, a khawl pawh a awm tawh a. Kumin June thla bawh ah hi chuan a installation pawh zawhfel a, fully pump theih kan inbeisei a, tunah hian 12 MLB in kan pump chho a ni. Chumi Sub-station power

kha a generate na kha kan din zawhah chuan 24 MLB kan pump thei dawn a ni a, a double dawn a, chu chu kan beiseina atang chuan June thla-ah chuan 24 chu kan pump thei mai awm mang e. Transformer kha a intawm love, a hrang a ni e tih kha ka sawi leh ni ta selangin a tha ange.

Tin, connection hi kan khar awzawng lo mai a, a process na hi a awm ve a, E.E-ah hian dilna form a awm a, LSC nei pangngai tan lo chuan a har a, churang chuan fimkhur a na a, engemaw harsatna in nei anih chuan min rawn hrilh teh u, connection chungchangah chuan kan khar lovin kan hria. Tin, Phase-II hawn hian tui hi chu kan pe tam a.

PU R. LALZIRLIANA : Khawngaihni Pu Speaker, a clarrify atan tukinah Luangmual In $\frac{3}{4}$ vel ka phone a, connection hi kan ti thei reng reng lova an ti a. Tin, tui pawh hi kar khatah vawikhat pawh kan dawng ngai lo, Phase-II an hawn tih pawh hi kan hrelo an ti a, chulai chu han sawifiah leh a va ngai ve. (**MINISTER** : Chutianga sawi duh chu i tawngfuh ve pawh aniang a) Pu Speaker, a nilo, tumah ka hre lova, an number ka en a, a thlang awm deuh a then Chhangurkawn an ni a, a then chu a tlang ami an lo ni a.

PU TAWNLUIA MINISTER : Telephone No. chu in pe ila a tha ang a. Connection chu 500 vel permit kan nei tawh. Chu chu tukin-ah pawh C.E te nen kan sawi vek a, khulamah chuan 500 vel permit an pe tawh a, a tihdan phung a awm a, connection ti tawh vek in ni a, in hria a, Deposit a ngai a, an la deposit lova, a deposit hunah connection chu Luangmual bawrah khuan tih theih a ni tih kha Pu Speaker, ka'n sawi ni sela.

Tin, Pu Speaker, tui hi tunah hian nikum Phase-II Commission hma February thla thlenga Water Tariff kan collect chu Rs. 46,686,385 a ni a, kumin February thlengin Nuai 56,837,908 kan hmu a, crore chuang hian thla khatah khan nikuma kan hmuh leh kumina kan hmuh Phase-II kha May thla a hawn chauh a ni a. Chulai kara a ratio kha, kha kha tui pek tam loh chuan kha kha alo kal in ka ring lova. Churangin, tui kan hmutam lo tih zawng ai khan chuan hei aia tha zawkin tan han lak nise ti zawng khan nise chuan a hriat a nuam deuh chuan ka ring.

Pu Speaker, hemi Chhipphir leh Haulawng kha tunah hian a project kan siam zo vek a. Pumping tur a ni a, tunah hian kan thelut tawh a, kumin kan kumthar lo thleng tur atan hian kan work schedule a kan hmalak mek na a ni tih kha ka'n sawi duh bawka ni e.

North Hlimen leh Thingthelh kha pumping a ni a, tunah hian hna kan tan mawlh mawlh dawn e, a thawktu turte pawh kan siam fel vek tawh e tih kha kan chhanna nisela.

Tin, a zawhna neitu Pu Andrew Latherliana'n subsidy in Rain Water Harvesting hianin mimal ah hian a tih ve theih lawm ni tih kha keipawh ka ngaihtuahna-ah hian a lut tam khawp mai a, tiang hian pumping scheme hian kan kal lo thei lova, chungkarah chuanin a maintenance ah kha a expensive si a, chu ai chuan ruahtui van tla control in, in tin mai hi chuan a dawn khawlina hi chu nei ta ila chuanin a dang hi chu kan ngailo mawle tih hi Mizoram-ah chuan Department-ah pawh kan sawi thin a. Amaherawhchu, Aizawl khawpui ah chuan intin hian tunah pawh hian khami Water Provision hi kan site plan-ah hian kan House Site Plan-ah hian a tello laklawh tawh a, a buai chu a buaithlak viau mai a, tuna a thar turah hi chuan tel ta sela chuan mahni inchunga ruahtui lo tla hi dawh khawlina awm se chuan kan thal tla hi chu kan dawhkhawl thei ang. A tha khawp mai a, hei hi Rain Water Harvesting Scheme hi a hmung pawh kan sawi mai ang a, Pu Dunglea kan C.E hi Rain Water Harvesting Scheme ah chuan Pioneer tak mai a ni a, Switzerland ah pawh a kal tawh a ni. National Level-ah pawh vawiinni thleng hian kan Meeting-ah pawh hemi Rain Water Harvesting Scheme ah hian min la rawn hmanpui a, hmanni lawk pawh khan an Engineer 15 leh mithiam te Assam sorkarin kan tihdan rawn zir fiah turin a rawn tir a, an Minister in. Tahchuan ni hnih zet hengah hian an kal kual a, seminar-ah te zir hona te an nei a, chutiang ang chuan kan Officer ten hma an lo sut sa hi midang pawhin an rawn entawn a, lawmawm pawh kan ti a.

Tin, subsidy emaw chungchang thu kha chu engtiang nge tih kha chu kan zavai hian kan ngaihtuahna -ah awm sela. Hei, kan Chief Minister hian a ti fo a, fur-ah ruahtui a tam si a, kan dawhkhawl lova, luiah a luang thla te te a, chu chu kan pump chho leh a, a themthiam loh thlak em mai a ti fiamthu thin a, thudik lutuk a ni. Chuvang chuanin tui dah khawlina tunah pawh hian heti hianin ruahtui tla hi tanky lian pui pui a siam ta a ni. Reservoir lian pui pui thingtlangah hetah Tuikhuahtlang tih ang khian chu chuan thala kan mamawh zual hi chu min phuhruk ang a, a maintenance cost tlem si hian tih te pawh hi kan hisap-ah a awm a. Chuvangin advise thatak kan dawng a, a lawmawm a, khati zawng khan member te pawhin ngaihtuahna hmangtlang ila in finchhuah ta ila a tha in ka ring a ni. Ka lawm e, Pu Speaker.

PU ANDREW LALHERLIANA : A la chhang zo lo, Tuithum Impounding Dam leh thil pakhat ka'n sawi duh chu Point of Order Delhi-ah pawh an tihdan ang khanin a nazawngah a theih chuang lova, rain water harvesting subsidy a pek te kha a theihna hmunah Sq. Meter 100 chuangin a building in a cover na chauh tih kha a ni. Aizawl-ah pawh mi zawng zawng tih ni lovin, a theihna ah kha chuanin khang khan an benefit dawn avang khan kha kha ka zawhna in an ti deuh hlek a ni e.

PU R. LALZIRLIANA : Pu Speaker, khawngaihin a tui hi a pawimawh em em a, zawhbelhna pakhat emaw chauh. Pu Speaker, sorkar hnathawk hi an inang lo viau a, Pu te eiruk eiru ve duh tho te pawh an ni thei a, mahse eiru miahlo a ka hriat te hnen atanga ka thil hriat a ni a, ka thil hriat hi chu a dik ve thawkhat turah ka ngai a ni. Niminah pawh khan diktak chuan Official ten Minister te an venna-ah khanin Vety Department ah khan wrong information Minister te an pek avangin min chhandan kha a dik lova, tukinah kha Doctor ngei kha a lo kal a, Bird Flu avanga an man nimahse a hralh a kha chu Bird Flu avang a nilo tih kha chiangtakin an rawn sawi a. Chuvangin, House a Minister te wrong information pek hi a pawl ka ti a, vawiimi-a ka zawhna -ah te pawh hian a awm nual ka ring. Ka'n zawh leh duh chu hei tui thianghlim lo tak keini mimawl ber pawhin a ni a kan hriat Aizawl khawpui thli kan in ta a, hei hi tih thianghlim leh vek a ni tih a ni. Thiamtawka tih thianghlim chu anih ka ring a. Amaherawhchu, lo thianghlim taw lo deuh ang a cancer vei kan tam em em na chhan te hi hetiang hi a ni thei mai lo maw tih enna atan ka zawhna-ah khan tui tih thianghlimna te hi eng emaw tiin cancer natna te hi a kai chhuak thei a ni lo maw test na in nei tawh em tih ka zawt a. Nei lo, a tulna pawh kan hre baw lo tiin min chhang a. Hei hi chu han test ve hrim hrim a tha lo maw le, cancer te a paw chhuak thei lo maw tih kha ka'n zawt belh duh a ni.

**PU TAWNLUIA
MINISTER** : Pu Speaker, nia zawhna kha keipawh ka lo hmu a, a dangah hi chuanin intlak a tui in tlaka pawm a ni a. Hei, pathian zarah kan tuiin hi chuti lutukin infection lamah chuan harsatna kan nei lo ni ten a lang a. Cancer bik kha chu keini kha a detect thei kan ni lova, ka laboratory hian cancer awmtir thei leh thei loh a hre pha lova. Chuvangin kha lamah khan chuanin engtinng e ni cancer taka kha chu kan tuiin avang hian a lo awm thin em tih kha chu a zawn chhuah theihna lam pang te pawh dap tlang ta ila, infinchhuah ta ila a tha ang e.

Tin, hemi Tuithum impounding hi Chief Minister ho pawhin kan tawh a. Hemi a same model pawh siam vek tawh a kan Engineer te hian Detail Project Report te pawh siam ani vek tawh a, chu chu ADB Asian Development Bank-ah te leh JNURM ah te hian hei hi kan project pakhat a ni a, khu khu khutah khuan kan khuap ang a, tichuan tuin in kha chu thukhat ni selangin, engeni Recreation atan kan nula/tlangval te an tualchai na turin lawng te pawh an tih theihna turin khulai ami khu khuap teh ang kan ti a, kha programme kha a la kal reng a, kan la bawhzui reng e tih kha kan chhanna a ni e.

S P E A K E R : Le, a pawimawh baw k a ni. Tui hi, keimahni thukhawm hovin kan tihchuan i ti ang aw tih pawh kha kan bawhchhe ham ham tlang a, a pawimawh a ni e.

Starred Question No. 82 na zawt turin Member zahawmtak Pu R. Lalzirliana ilo sawm ang.

P U R. L A L Z I R L I A N A : Pu Speaker, Excise Department changtu Minister zahawmtak chhan atan a) He Department hmalakna, he Department tih hian Excise Department tihna - hmalakna hrang hranga pui tur hian Mizoram Sorkar hian Mizoram Village Council te hi Dan, Acts, Rules, Regulations and Orders etc. thuneihna emaw, mawhphurhna emaw fel takin pek a nei em? b) A nei anih chuan chu Dan hming leh bung leh chang leh eng chungchanga thuneihna leh mawhphurhna nge? tih ka zawt e.

S P E A K E R : A chhang turin Excise Department changtu Minister zahawmtak Dr. Lalzama ilo sawm ang.

Dr. LALZAMA MINISTER : Pu Speaker, a chhanna chu hei hi a ni e - Department hmalakna hrang hranga pui tur hian Mizoram sorkar hian Mizoram-a V.C te hi thuneihna emaw, mawhphurhna

fel takin pek a nei em tih hi chu 'Nei e' tih a ni mai a. A nei anih chuan Dan hming leh bung leh chang leh eng chungchanga thuneihna leh mawhphurhna nge tih kha 'The Mizoram Liqour Total Prohibition Act, 1995 bung 5 na Section 55 nah mawhphurhna pek an ni a. Hetiang hian - Mi tupawh Village Council Member emaw, VDP Member emaw, mi tupawh kha anih chu, midang pawh V.C member nilo pawh kha a ni a. He Dan bawhchhiatna a awmin emaw, a awm dawn nia a hriatin emaw, bawhchhiat tuma thilti an awmin Excise emaw, Police Station emaw hnai berah chutiang thiltih chu hriattir tura mawhphurhna a ni.'

PU LALHMINGTHANGA : Kha Excise kha Pu Speaker, kan sawi ta rau rau a, a relevant tho turah ka ngai a. Hei, sorkar hianin sorkar hnathawkte hlawh chungchang thu-ah uluk taka ngaihtuah hnu in an hlawhte pawh tihsan chhoh hrat hrat zel a ni a. A statement kan lo dawng ve a, kan han enchiang ve a, engtizia nge Excise-a hnathawk ho hi Uniform Cadre ni theuh theuh si, Police te leh Jail lampanga hnathawkte aikhan an hlawh hi a hniam tak tulh tulh mai a, an san ve loh? Hei an thawkrim nasa si a, kan ramah zu chauh nilovin, Drug leh thildang zawng zawng an hma a. Tin, anmahni an tam lo bawk si a, churang chuan sorkar hian a enwn sak leh thei ang em? Anmahni tlukpui pangngai an service-ah te pawh angkhat ho kha chu angkhatin a siam sak theih lawm ni? tiin ka'n dil pui a, ka'n ngen sak bawk a ni. Pu Speaker.

S P E A K E R : Minister khan a chhang thei turah beisei ila, a thei em? ilo sawm teh ang.

Dr LALZAMA MINISTER : Pu Speaker, ni e, a awm khawp mai. Hei, kan Excise Force te hi an thawkrim em em mai a, chhunanin an thawk a, an hlawh pawh hi han tih hniam bik thu chu a awm lova. Engpawh nisela, hei hi thuneitu ten an en zel ang a, tihsan pawh an phu khawp mai. Hmundanga tunhma-a a tir atanga an lo dah hniam tawhna ang hian a tlangpuih chuan hlawh siam thar lehah pawh hian an en thin a. Tunhma-a a lo hniam dan kha en hi a ni tlangpui a. Engpawhnisela, a awm khawp mai a, kha kha chu enthat zel turah pawh ngai ila a tha ang e.

S P E A K E R : Starred Question No. 82 na Pu Lalthlengliana leh Pu D. Thangliana zawhna intawm a ni a. Tu zawkin nge han zawl ang ? (Khatiang kheuh ngai ho kha control helam atang hian an rawn ti tawh dawn a, kheuh ngai tawh lovin)

PU LALTHLENGLIANA : Pu Speaker, ka lawm e. Starred Question No. 83 na Minister zahawmtak Agriculture Minister chhan atan a) Mizoramah KVK engzatnge dah a nih tawh ? b) Khawi hmun hmunah nge dah a nih ? c) Engtianga function tur nge ? tih hi ka zawhna a ni e.

S P E A K E R : A chhang turin Agriculture Department changtu Minister zahawmtak Pu H. Rammawi ilo sawm ang.

PU H. RAMMAWI MINISTER : Pu Speaker, zawhna a) na kha Mizoramah KVK engzatnge dah a nih tawh ? tih a ni a. Pu Speaker, tah hian ka chhanna turah hian sorkar lam atanga buatsaihah khan Mizoramah tia kan buatsaihah khan Mizoram sorkar hnuaiyah tih tur a ni a. Mizoram sorkar hnuaiyah KVK 7 dah a ni tawh. Khawi hmunah te nge dah a ruh tih hi 1) Kolasib-ah 2) Hnahthial 3) Khawzawl 4) Lengpui 5) North Vanlaiphai 6) Lawngtlai 7) Saiha. Mizoram sorkar hnuaiyah lo hian Pu Speaker, ICAR atangin helaia kan Agriculture University, Selesih Vety College-ah khian pakhat an enkawl tir bawk a ni. Pu Speaker, kan tihpalh a ni e. c) na chhanna chu KVK hi ICAR Govt of India, funding a ni a, State Govt. in ICAR Guideline hnuaiyah enkawl a ni a. Mizoram sorkar hnuaiyah KVK 7 te hnuaiyah pahnih KVK Hnahthial leh KVK Kolasib te hi a taka function a ni a, a thar panga dangte hi a function theihna turin staff recruitment buaipui mek a ni.

PU D. THANGLIANA : Pu Speaker, ka lawm e. Nimin lamah an sawi fiah viau tawh na a, han zawhbelh ka duh chu KVK hi kan han hriat dan in nimin lamah kan Minister zahawmtakin a rawn sawifiah ang kha a function dan tur anga function anih hi chuan Mizoram loneitute tana pawimawh tak a nih tur chungchang thu te kha kan han hria a. Chutiang hmun tur Mizoram in pasarih ngawt mai kan han nei pawh hi a lawmawm hle in ka hria a. Ka zawhbelh duh chu pakhatna-ah chuan KVK hmuna thawk tur hian KVK dahna hmun ami, a khaw neitu leh a bial ho kha duhsak theih an ni ang em? tih kha pakhatna nisela. Tin, pahnihna ah chuan KVK-ah thawk tur hian Drivers ho kha lak tura Interview te pawh neih tawh niin alang a, hei hi la tihfel loh niin a lang a, hei hi engtikah nge tihfel a nih ang? Chutiang bawkin KVK hnuaiia Driver chauhlo hnadang lak tura ruahmante kha engtik ah nge lak theih a nih ang tih kha ka'n zawhbelh a ni e.

S P E A K E R : A chhang turin Minister ilo sawm ang.

PU H. RAMMAWI MINISTER : Pu Speaker, ka lawm e. North Vanlaiphai bialtu member zahawmtak zawhna kha KVK staff lak turah kha a khua a mi te, a area ami te duhsak dan a awm ang em? tih kha Pu Speaker, hei hi ICAR Govt. of India in guidelines feltak an siam a, a tihdan tur ruahmanna feltak an rawn siam a, qualification engkim prescribe vek a ni a. Khang qualification leh thiamna anga lak kha a ni a. Thildang anga a area ami han induhsak theihna provision kha a har khawp mai a. Govt. of India guideline ang leh chumi mil chuan keimahni in a rules kan siam ve leh tawh a, khami mila lak tur kha a ni tih kha ka'n sawi duh a. Tin, Pu Speaker, Driver kha chu kan la tawhin ka hria. Department lam atangin an tihfel tawhin ka hria, ka hriatsual ka ring lo. A dang officer rual Pu Speaker, KVK pakhatna hian officer rual hi sawm rual lak tur a ni ta a. KVK pakhat zelah, khami tur kha chu tun thla ni 25-26 chho-ah hian interview neih a, lak chhoh tur a ni a. Khami kan tih zawh hnuah kha chuan a building hi training hostel leh administrative building zawh loh tlem a la awm na in May thla chho ah hi chuan heng KVK te hi a nihna tur diktaka function tan tir theih beisei a ni.

S P E A K E R : Starred Question No. 84 - na zawt turin Member zahawmtak Pu S. Hiato ilo sawm ang.

PU S. HIATO : Pu Speaker, Starred Question No. 84 na Rural Development Minister in a chhan atan - Saiha leh Lawngtlai District a NREGS atanga hna an thawh hi kum 2006-2007 chhungin ni engzat chiah nge Block Development Officer theuh hnuaiiah hian an thawh tih ka zawt e.

S P E A K E R : A chhang turin Rural Development Department changtu Minister zahawmtak Pu H. Vanlalauva ilo sawm ang.

PU K. VANLALAUVA MINISTER : Pu Chairman, Saiha bialtu zahawmtak zawhna chhanna chu hetiang hi a ni e - kum 2006-2007 chhunga Saiha leh Lawngtlai District-a Block Development Officer ten NREGS hnuaiia an hnathawh dan dinhmun chu hetiang hi a ni. Tuipang ni 100, Saiha ni 100, Lawngtlai ni 100, Sangau ni 100, Bungtlang South ni 100, Chawngte ni 80, hei hi fund release sa in a daihloh vang a ni. Ni 100 tlinglo a ni a, release a ni tawh a, ni 100 tling turin thawh chhunzawm tir mek a ni e.

PU S. HIATO : Pu Speaker, 2006-2007 ah khan ni 100 an thawk a, 2007-2008 March a tawp dawn a, ni 14 chiah Saiha District in an la thawh a, Lawngtlai in ni 27 an la thawk mek chauh a. Tunhnai mai February ah khan nuai 300 sanction a lo kal a, chung ho belhkhawm chuan kumin hi an thawh tam ber pawh ni 30-40 chauh Saiha District hian an thawk hman dawn a. Khami inkar thawhloh kha engtin nge an luahkhah sak ang tih ka'n zawt belh a ni e.

PU ZODINTLUANGA : Pu Speaker, zawhbelhna. Hei tuna kan Saiha bialtu zahawmtak sawi ang khan Lunglei District ah pawh sawn ni 20 te, ni 30 vel te chauh thawh a la ni a, ni 70 vel

chuang hi kha operation guideline MLA te minrawn sem theuh a, para 6,4,1,2,3,4 in a sawi ang kha kumin chung hian kan thawh zawh hman hmel si lohva, unemployment allowances kha min pek sak thei ang em? tih karawn zawt bawk a ni.

PU H. ROHLUNA : Pu Speaker, ka zawh belh duh chu Champhai District-ah pawh khian ni 50 pawh an la inhlawh lo a ni. Kum 2007-2008 chung hian. Ni 100 tal inhlawhna tur ni si kha ni 50, a chanve pawh an inhlawh phak lo a ni a. Chumi anih avangin, helaia harsatna kan tawhah hian Central nge mawhphur zawka State hian tih ka zawh belh duh a. Chutah chuan state a lo nih chuan eng harsatna nge kan nei? tih ka zawh belh duh a ni e.

S P E A K E R : A chhang turin a changtu Minister ilo sawm ang.

PU H. VANLALAUVA MINISTER : Pu Speaker, zawhna neitu in a zawhna leh Pu Zodintluanga zawhna leh tuna Ngopa bialtu Pu Rohluna zawhnate pawh kha hmun khatah a chhan theih deuh maiin a lang a. State in nge mawhphur a, Central sorkarin tihah chuan ka chhanna chu mawh kan phur ve ve a ni. Pakhatna ah chuan Central lamin a fund an release mai lo thin a, chutihlai chuan state sorkar lamah Department hma a zau a, Central Sponsored Scheme chi hrang hrang enkawl a lo ni a, duh angin state sorkar lam pawh kan inpeih chhuak hma lova. Hemiah hian Central leh state sorkarin a mawh kan phur ve ve a. Zuk sawifiah vek tur chuan hun a duh rei dawn a, mahse tuna ni 50 chauhte ni 20 chauhte thawk pawh hi ni 100 a tlin theihna turin tam kan tuar kum anih bawk si avangin ni 100 inhlawh tir ngei tuma Department in hmalak chhoh zel a, chaktaka kalpui a tum a ni tih kha ka chhanna a ni e.

PU ZODINTLUANGA : Pu Speaker, hei financial year a zo si a, ni 100 inhlawh turin hmalak chu a theih tawh loh hrim hrim a, kum khat chhunga National Rural Employment Guarante Act,

ni 100 inhlawhna tura dan siam a ni a, financial year khatah. Tunah hian kum alo thar leh anih chuan kan budget speech ah te kan hmu a. NREG atana state matching share kan dah angte kha a awm ta a, kha kha chu tun financial year thar tur hi a ni a. Engtingnge nikuma kan thawh bang kha ni 150 te tunkumah hian min thawh tir dawn em ni tih kha ka rawn zawt leh a ni.

**PU H. VANLALAUVA
MINISTER**

: Tunah financial year kumthar kan thleng mai dawn a, engtingnge ni ni 100 inhlawh tir theihna a awm dawn em ni tih kha Department in tun 2007-2008 sanction hi

AC Bill a draw in a dah that theih a, kumkhatah ni 360 a awm avangin 2008-2009 ah pawh hian kan khung leng vek theiin kan hria a, chuvangin inhlawh tir ngei kan tum a ni.

S P E A K E R

: Starred Question No 85 - na zawt turin member zahawmtak Pu Lalhmingthanga ilo sawm ang.

PU LALHMINGTHANGA

: Pu Speaker, ka zawhna Starred Question No. 85 na Minister zahawmtak School Education changtu in min chhan atan - Sorkar hian engvangin nge Primary

School te hi 2/3 a kaihkawp, a amalgamate tak ? tih ka zawt e.

S P E A K E R

: A chhang turin School Education Department changtu Minister zahawmtak Dr. R. Lalthangliana ilo sawm ang.

**DR. R. LALTHANGLIANA
MINISTER**

: Pu Speaker, kan member zahawmtak Pu Lalhmingthanga zawhna chhanna chu - Sorkarin Primary School te 2/3 kaihkawpna a neihna chhan chu khaw

thenkhatah naupang school lut rual awm zat child population phu lova school a tam avang a ni ber a, a kaihkawpte zirna in hma a sawn theih beisein leh zirtirtute indaih zawk nana hei hi kalpui a ni tih ka chhanna a ni e.

PU LALHMINGTHANGA : Pu Speaker, zawhbellna. Kan Minister zahawmtak rawn chhanna kha partially in a dikan ka ring a, a tamtakah hi chuan sorkar Primary School Standard hi a that tawk loh avangin nu leh pa tamtak hian School dangah an kaltir avangin School pakhat a enrollment kha a zirtirtu awm zat te nen khan a in hmeh ta lo niin a lang a. Han kaihkawp ringawt hian zirtirtu tam deuh mahse naupang tam chuang silo a la chhuak tho mai si a, chuvang chuan khalai tak va ti dam tur khan a pawimawh lai nia lang ta chu kan zirtirtu neih lai ho sorkar Primary School a mite hian Quality Education an naupangte hnena an pek theihna turin training tha siamsak thar leh a ni zawk awmin a lang a. Mi service neih lai kan thlawm tir ringawt kha sorkar tan khan an duh lo a ni tih a chiang a, khatiang zawng khan a kal theih lawm ni? Tichuan Education Quality tha Government Primary School-ah pek leh theih anih chuan enrolment pawh Automatically khan a sang chho ve leh mai si ang a, chuti zawng chuan sorkar hian kal tum na a nei em? A neilo anih chuan a siam thar thei ang em? tih ka'n zawt a ni e.

PU K. LALRINLIANA : Pu Speaker, hei tunhnai mai khan Cabinet in Middle School leh High School thenkhat te sorkarah hlangkai turin a pawm a ni tih kan hria a, keini bikah pawh T.S Luaia Middle School leh Vengthara Middle School te a pawm zingah a tel niin kan hria a, kan lawm hle a. Chutih rual chuan Private High School, Middle School leh Higher Secondary School te engngemaw zat Mizoram-ah kan nei a. Keini bialah pawh khuan Higher Secondary School 1, High School 3 leh Middle School 1 kan la nei a. Lumpsum a enkawl mek an ni a. Chungte chu tun kumtharah hian sorkarin engngemaw ti tala upgrade tumna a nei em? tih kha ka'n zawhbelh duh a ni e, ka lawm e.

S P E A K E R : Minute khat chiah chiah a awm a, Pu Thlenga kha a phar hmasa zawk a, i ti mai ang hmiang.

PU LALTHLEGLIANA : Pu Speaker, ka lawm e. Ka bial Rawpuichhip-ah khuan amalgamate tumna awmin an hria a, an huphurh khawp mai a, naupang an tam ve ve a, zirtirtu pawh a mawi tawk an awm a, hei hi min amalgamate anih chuan a fello khawp ang a. Min lo sawisak teh an ti a, Rawpuichhip khua khu tih leh tumna a awm em ni? Tin, amalgamate ah hian kan kal lutuk ang tih te pawh a hlauhawm lo maw? tih kha ka zawt duh a ni.

S P E A K E R : Khawngaihin tikhan a tawp ta chiah a, kan question hour, mahse chhanloh kha chu a dik silova, chhang law law mai dawn em ni ang? Aw, anih chhang turin Miniser ilo sawm ang.

**DR. R. LALTHANGLIANA
MINISTER** : Pu Speaker, Pu Thlenga zawhna kha Rawpuichhip amalgamate tumna a awm em? tih kha kan en a, amaherawhchu hei hi tihluhna a nilo tih kan hriat ka duh khawp mai a. Kan rawn zau viau a, VEC (Village Education Committee) ah mawhphurhna latu VC mai bakah sorkar hnathawkte, NGO dangte an tel vek a. Chungte ina concensus tha an tihna ang kha kan kalpui dantur ang a ni a. Nimirah pawh hei Khumtung lamah Pu Lianzuala'n a bial lam a rawn sawi a, han enfel leh deuh teh u ka ti a. Tihluhna anilo a ni tih hi a hmasa in ka'n sawi duh a, chuvang chuan engngemaw ti taka khatianga force a tihluhna tur ang chi thil a nilo tih kha ka han sawi duh a. Rawpuichhip pawh kha an duhloh ngei kha chuan kan tilui lovang tih kha ka'n sawi duh a.

Tin, Pu Hminga'n a rawn zawhna kha nia quality hi kan ngai pawimawh khawp mai a, tunah pheih hi chuan district zawng zawngah quality drive kan nei a, kan zo tep tawh a. Champhai, Serchhip leh Aizawl te kan la bak a, kan sawi uar a. Tin, training hi kumin chho atang hian kan nei tha thei turah ka beisei a, Block Resource Centre (BRC), Central Resource Centre (CRC) te kan nei a, Class Resource Centre te. Tin, chubakah DIET te pawh Pu Speaker, District tinah kan nei tawh a. Chumi avang chuan training tha pek kan tum a ni tih kha ka'n sawi duh a ni a. Ka assure thei ang tih kha. Amaherawhchu, reitak training hi a buaithlak khawp mai a. Zirtirtu indaih loh te a ni a, engpawh nise a duration kha chu a remchan dan ang kan enturah ka ngai a. Kha kha kan ngaih pawimawh a ni tih kha ka'n sawi duh a ni.

Tin, hemi amalgamation ah hian thil hi pawngpaw tih tawp a nilo a, Govt. of India hian Human Resources Development Ministry hian a ngai pawimawh hle a. Chumi avang chuan amalgamate tih khan khami khuaah khan naupang an tlem viau chuan school kha hmun tam taka dah kha a economical lova, senso awmzia a nei lo a ni. Chuvangin, lehkha te leh tawngka in State Sorkar tinah tih nise tiin min rawn nawr a. Chuvangte pawh chuan ti kan ni tih ka'n sawi duh a. Tin, amalgamate an nih khan K.M I khuaah thleng thui deuh khami piah lampang ang chi, naupang tan pawha kal buaithlak ang chi an lo tlem bawk si laiah guideline feltak neia thil ti kan ni tih ka'n sawi duh a. Hetianga amalgamation kan tih hian School 3 te I ah kan club khawm chuan nikum lama an uniform te kha a lo danglam ta a, uniform te pawh free in Govt. of India atanga sum hmuh atangte pawhin kan in beisei a. School Building pawh tha law law, nuai 9 bawr vel chuan rawn propose rawh u an ti a. Chungte pawh chu hmuh theih kan inbeisei. Facilities tam tam kha hei hian a keng a ni. Thil neuh neuh a zirtirtute seniority leh inang khat tlang lo nihna boruakah te, tu tute emaw kha an lo va hawlh ve thiam khawp a. Chu chuan tunge Headmaster dawn tihna buaina kha a awm duh a, chinfel hi a buaithlak duh viau a. Tunah hian School 33 bawr vel ah chuan khaw mite duhdanin kan kalpui a ni.

Pu Rintea zawhna kha tunhnaia Middle School leh High School Cabinet in provincialisation an tihsak a, khang kha a case a dang a ni. Kum tak fe tawh basic pay half allowances a zirtirtu hlawh kan pek te, Govt. Aided School khang ho kha an ni a. 2003 kum khan anni hi kan lo hmail nen harsatna te pawh a ni ang. Chuvangin, tunhnaiah kan Chief Minister thahnemngaihna azarah provincialisation kha kan han tifel ta a. Tunah hian thil pakhat kan hriat fuhlo a awm zauh zauh thin a. Pu Speaker, i bial ngei pawh, Vairengte High School i te khu a senior em em tawh a, private a reitak lo awm tawh a ni. 2003 i thahnemngaihna azarah Lumpsum Grant-ah kan han dah chho ta a. Khatiang ang School, lumpsum grant a kan han dah nuai khat te, nuai 12/15 a hlawma kum khat a school kan pek ang chi hi school 200 chuang ang hlek kan nei a. Chu chu kum 5 dawn kan kal chho ta a. Pressure nasa tak a lo lut a, uluk takin kan en a, school mimalin a neihna ang chi kha chu kan ngaipawimawh vak lo a ni. Sum harsatna vangin. Mahse, khawlangina an enkawl bika hi chu kan thliar hrang a, chuvangin ngaihtuahna thar kan nei chho mek a ni tih kha he House ka hrih duh a. Nimin lamah kan Chief Minister nen kan sawi a, engpawhnise he kumtharah hian kan dinhmun en in tih ngei tul chu kan ti hle a. Provincialisation ni lovin, engemaw khawtlang buaipui ngai tawhlo dinhmun pangngai deuh hlek han dah theihna tur atan theihtawpin sorkarin hmalak a tum tih kha ka chhanna nise.

I bial Vairengte pawh kha, min lo hrethiam hram hram rawh u kan ti hle a ni, Pu Speaker.

S P E A K E R : Awle, zawhna leh chhanna hun a tawp a, List of Business ah kan kal ang a, chumi hma in kan member te zingah Ratu bialtu Pu Lalduhoma, hmanni atang khan vawiin thlengin a lo kal thei lova, a that leh thuai pawh kan duhsak a. Tin, vawiin hian Pu H. Lalsangzuala, Suangpuilawn bialtu leh Pu A.B Chakma, Chawngte bialtu an lo tel thei lova, vawiin atan list of absence an rawn dil a, House hian kan remtih sak thei mai em ? (MEMBER : Aw) Awle, a lawmawme.

LAYING OF PAPERS

Tunah chuan Laying of Paper Dr. R. Lalthangliana, Minister, Mizoram State Information Commission Annual Reports 2006-2007, House dawhkanah lay turin ilo sawm ang.

**DR. R. LALTHANGLIANA
MINISTER** : Pu Speaker, i remtihna leh he House remtihna in The copy of the Mizoram State Information Commission Annual Reports 2006-2007 hi he House-ah ka lay e.

S P E A K E R : A copy kha han sem nise a tha ang e.

LEGISLATIVE BUSINESS

Legislative Business Minister zahawmtak Pu Aichhinga The Mizoram State Agriculture Produce Marketing (Development and Regulation) Bill, 2008 House-ah introduce lo dil sela, ilo sawm ang.

**PU AICHHINGA
MINISTER** : Pu Speaker, The Mizoram State Agriculture Produce (Marketing and Regulation) Bill, 2008 hi he House-ah introduce ka rawn dil e.

S P E A K E R : Kan remti tlang em? Kan remti tlang a, tunah introduce turin kan sawm e.

PU AICHHINGA MINISTER : Pu Speaker, i phalna leh he House zahawmtak remtihna in The Mizoram State Agriculture Produce Marketing (Development and Regulation) Bill, 2008 hi he House zahawmtakah ka introduce e.

S P E A K E R : A Bill copy kha sem nise a tha ang e.

FINANCIAL BUSINESS

Financial Business kan khawih ang a, Discussion and Voting on Demand for Grant a ni a, List of Business a a landanah khan vawinah Minister 2 Demand kan rel dawn a ni. Nidanga tih thin angin a hranga tilovin, a rual khan kan la mai ang a, a tha kan ti tlang em? Tha kan tih chuan tunah Dr. R. Lalthangliana, Minister zahawmtak a Demand no. 6,20,26 leh 36 te House-ah pulut turin kan sawm e.

DR. R. LALTHANGLIANA MINISTER : Pu Speaker, on the recommendation of the Governor of Mizoram and with your permission. Sir, I move Demand No. 6,20, 26 & 36 for Rupees 304,22,15,000/- only for meeting expenses during 2008-2009 in respect of the following Departments :

1)	Demand No. 6	:	Land Revenue & Settlement Rs. 10,03,95,000/-
2)	Demand No. 20	:	School Education Rs. 2,59,91,85,000/-
3)	Demand No. 26	:	Information & Public Relation Rs. 5,28,55,000/-
4)	Demand No. 36	:	Environment & Forests Rs. 28,97,80,000/-
Total :		:	Rs. 304,22,15,000/-

Thank you.

S P E A K E R : Tunah Minister zahawmtak Pu H. Vanlalauva, a Demand No. 16,27 leh 38 te House-ah pulut turin ka sawm e.

PU H. VANLALAUVA MINISTER : Pu Speaker, Mizoram Governor recommend ang leh i remtihna in ka Demand No. 16,27 leh 38 atan Rs. 183,05,40,000/- hi kum 2008-2009 chhunga ka enkawl Department te tan he House zahawmtakah hian ka rawn submit a. Min pawmpui ngei ka duhin ka dil nghal bawka ni. Ka Demand kimchang chu :

- | | | | |
|----|---------------|---|--|
| 1) | Demand No. 16 | : | Prison
Rs. 9,11,10,000/- |
| 2) | Demand No. 27 | : | District Council Affairs
Rs. 84,96,00,000/- |
| 3) | Demand No. 38 | : | Rural Development
Rs. 88,98,30,000/- |
| | Total | : | Rs. 183,05,40,000/- |

Ka lawm e.

S P E A K E R : Awle, tikhan Minister pahnih ten an Demand an rawn pharh ta a, kan sawiho ang a, amaherawhchu kan sawiho hmian thil rel fel ngai a awm a. Parliamentary Affairs Minister atangin lehkha ka dawng a, naktuk hi Good Friday a ni a, zaninah inkhawm pawimawhte a awm dawn a, churang chuan vawiin kan rorel hi ban hun pangngai dar 4:00 PM aia tlai lovah bang thei ila, hei hi ruling lam leh opposition lam pawhin kan duh tlang e, a ti a. Kan duh tlang anih chuan thusawitute kan in tih tlem deuh a ngaiin ka hria a.

Tin, wind up na-ah na na na kha chuan a tawi deuhte pawh a ngaiin ka ring a, chu chu tha kan titlang em? Chuti ni ta sela group hrang hrang atangin sawi duh kan awmin ka ring a. MPC atang chuan Pu Sailothanga'n sawi se tiin Group Leader in min rawn hrilh a. Tin, ZNP atang chuan Pu Andrew chauh kha a ni mai a, Congress atang khan engzatinnge sawi se awm tawk vel ang?

PU LAL THANHAWLA : Pu Speaker, kamhnih khat lek, vawiinah Chief Minister zahawmtakin hetiang a rawn rawt hi lawmawm kan ti a, zaninah inkhawm pawimawh tak tak, Biakin hrang hrangah a awm dawn a, hemi avanga a rawn rawt hi lawmawm kan ti a. Tin, nidangah pawh Pu Speaker, hmun dang dangah pawh an practice thin a, ka sawi ve loh chuan ti a sawi tur hre mang silo pawh sawi ve ringawt kan tamin ka inhria a, chuvangin tuna kan tih tum ang hi nidangah pawh ti thei ila chu a tha mai awm mang e aw ka ti a. A sawi lo, normal practice-ah nei ta ila. Tin, sawi tur pawimawh kan nei a, Legislature Party in min ruat lo anih pawhin a sawi turte pawh kan pe chhawng thei tho a, kan lo tanpui thei a, hei hi thil lawmawm tak niin ka hria a. Tin, keini lamah chuan pathumin sawi se in tih chuan kan pawm tho a, pali pawh kan pawm tho a. Mahse a aia tam kha chu kan duhna purpose kha a defeat dawn avangin kan phut miah lo a, ka'n dinchhuahna chhan chu kha kha tha ka ti hrim hrim a, tun kher lo atan pawh tih ka'n sawi duh a.

Tin, a wind up tu Minister pawh tlak duah bik lo sela, time kha limit sak ve tho la, tha in ka hria a. keini hi minute 10 or 12 ka hre lo a, chutiang bawk khan anni pawh kha restrict ve la thain ka hria.

S P E A K E R : ZNP leh MPC kha 50% in an sawi dawn a, chuan Congress Legislature atangin Pali in an sawi pawhin 50% kha an tling lo deuh dawn a, a awm tawk mai lawm ni? chuan treasury bench kha a sawi thei chi kha engzatnge kan awm aw.

PU H. RAMMAWI : Pu Speaker, nia, pali emaw, panga emaw ni ila, panga emaw nisela. Tin, CLP lam pawh kha pali ni ve ta sela kan inkhung thei mai ang a.

S P E A K E R : Le, MPCC Legislature pali, MNF lam pali ti ta ila. Tin, kan Minister te kha ni e, darkar kha chu tling lo sela, minute 30-45 ah chuan a hrual mum that theih tho in ka ring a, sawite pawh point kha a tlem deuh dawn a, tin hun in pek bik a, mi zawng zawngin sawi loh tih hi ka support ang a. Ka thinlung tak takin tha ka ti a.

Term hmasa-ah pawh khan rawtna ka siam tawh a, BAC ah. Mahse, a tlang zo lova. Tin, tunah pawh hian GPC-ah ka sawilang a, mahse a tlang rih lova. Parliament-ah pawh khuan hun khu Legislature Party ang khan an tam leh tlem azirin an inpe mai a, a sawi thei deuh phei chu darkar khat lai an sawitir a, a then minute 15 a chang tlem deuh. Khatiang khanin duh ang zawng hi a sawi theih zawk mah mah a. Inbuatsaihate a lo tha a, khami chungchang erawh kha chu heta tanga ruling han siam mai chi pawh a ni lovang a, ngaihtuahna-ah nei tlang ila.

Kan practice theih chuan kan thil sawite pawh hi tlema research base deuh leh chiangkuang deuh zawk hian kan sawi theih ka ring deuh hlek a. Rilrua a lolang lang sawi mai chiah lo deuh hlek hianin mumal leh zahawm zawkin rorelna hi a kal theih ka ring a, kha kha member tin ten ngaihtuahna nei tlang ila, a tul phei chuan tunah pawh hianin tun tum session kal mekah pawh hianin i practice zui teh ang u a in tih pawhin kei ka thilung tak pawhin tha ka ti a ni.

Chuan, khatiang ang deuh hlek khanin remruatna siam ta ilangin, Legislature a sawi tur tam deuh pawh kha in in phar chak siak dawn nge? hming min rawn pe dawn ka hre chiah lova. Aw, entirnan, Congress Legislature atangin pali anih chuan min rawn pe thei ta ula. MNF atang khan pakhatin a sawi hnuah pawh hming te kha min rawn pek theih chuan, tilo chu hmuh hmasak sak kha koh leh kha a ngai dawn si a, min ko duh lo bik tihte kha a awm ang e.

PU K. VANLALAUVA : Pu Speaker, keini lam atang chuan hming kan rawn pe ang che.

S P E A K E R : Awle, tunge ni bul han tan ang le? (PU K. VANLALAUVA : Pu Speaker, keimah hi em ni ni mai dawn chu le? Aw, a tha tho a, i chuh helh nge an phalsak che le i thian ten? (PU K. VANLALAUVA : Min phalsak a ni) Anih leh tikhanin kan tih dan thin ang deuhin a tlangpuii minute 10 ah khanin zawh tum ta ila. (PU ANDREW LALHERLIANA : Pu Speaker, an tlem deuh ta rau rau baw a, khalaiah khan 10 hi ziaka han tih pawhin har chu a har deuh hlek a, 12 ahte chuanin tawlh chho ta ila engemaw khawngaihate nen a tha lo maw?) Group Leader leh pakhat chauh sawi tur kha chu 12 kan phalsak mai dawn em niang? An duham deuh thin a. Anih aw, phalsak mai ang aw.

PU K. VANLALAUVA : Pu Speaker, ka hun a intan e. Chutilo chuan din chhung kha ilo chhiar mai chuanin, Demand no. 26 na-ah ka tan nghal thuai mai ang a. Information & Public Relation Department hi Department lian lo tak, tangkai tak an lo ni a. Hei Minister feltakin a awp bawk a, a hmun tihfel tawh leh sum dah mek khatiang kha ala awm thluah mai a. Hei hi a pawimawhna chu keini Champhai District chhung ami kan ni a, a buaithlak khawp mai a, mi inluahin an awm a, han zin nikhua-a an lokal ve dawn tumte pawh hianin an mangang em em mai a, mi inluah atangin an rawn pen chhuah nawlh zel mai a. Kha kha tunah chuanin an nei mumal tan tawh a, an lawmpuiawmin ka hria a.

Tin, Information Centre tihchangtlun tuna an tih mek hi khaw 16 laia an lo siam hi an tan pawh thil thar niin ka hria a, lawmpuiawm ka tiin fakawm pawh ka ti khawp mai a. Anni hi keini ho tan chuanin sawiselna tur an awm hauh lo nilem lovin han fak ve an tulna a awm a, bial lamah T.V te, Radio te min pe tu an ni a, kan fak lo thei lo a ni. Midangin min pe miau lova, midang min pe chu a hunah kan sawi ve leh mai ang a. Tun tuma T.V min pekte hi a tha em em mai a, hmanna ka biala ka han kal pawhin a tha khawp mai a, pakhat chuanin 'Kan kawmthlangah a disc kan dah dawn a, a fiah lova, kan kawtlai takah kan dah mai' a lo ti a, 'A fiah tha sia maw?' ka ti a. 'Kan kawtlai takah kan dah a, kan hung mai' a ti a. Chu chu mipui pawh khanin VCP inah an lo en laih laih mai a. VCP in kha an zauh a, a tangkai viau mai a ni. A T.V pawh kha a entu an tam tum chuan an hung chhuak a, an en thup mai a ni.

Tin, All India Journalist Conference kan han thleng thei pawh kha a ropui a, an tanrual zia a langin ka hria a. Hengah te pawh hianin han fak tur awmin ka hria a. Anmahni hrim hrim ah hi chuan fak harna tamtak a awm ve ang e, Chanchinbu a kan dawn a rual lo, tlem bik tihte pawh tamtak a awm ang. Amaherawhchu, heng zawng zawng hi a reh dawn lova, eng ang pawhin han ti mah selangin helaiah hian House pawh hian tamtak kan hriatpui sen loh a awm ang. Amaherawhchu a tlangpui thuah erawh chuanin an Department len loh thuah erawh chuanin kan ram an cover in ka hria.

Tin, Central India a Mizoram programme pawh hi anmahni atanga kan hmuh leh kan dawn anih avangin a ropui em em mai a. Remna leh Muanna kum 20 - na, 2006 a lehkhabu an tihchhuah te phei kha chu khawvel lehkhabu siamah hian a tha pawl tak ni ve in ka ring a. Heng te pawh hi kei ka dahtha khawp mai a. India President kalchhuak ta APJ Abdul Kalam a naupangte chibai a buk lai thla lo langte hi kan la ngai dawn hle in ka hria. Heng zawng zawng lehkhabu-ah hianin Department chi hrang hrang an rawn ziak a, mahse Department naupang deuh an ziak langlo chauh a ni a, hei hi keini ho tan chuanin thil tangkai tak a ni in ka hria.

Pu Speaker, Demand No. 20 na-ah ka'n kal nghan mai ang a. School Education Department hi an pawisa pawh a tam nangieng reng a, nikumah khanin R.E ah a tulna avangin pek belh chian an ni a, kumin - ah hian a tam pawh a tam khawp mai a, hei a tam dan hi nuai 11,484,37 ngawt mai hi budget-ah hianin kan nei a ni a. Hei hi an hmanthiam chuan a tangkai ngawt ang tih ka ring a, an hmang thiam turah ngai ta ila. Tuna an hman turah hianin rawtna neih duh nghan ka nei a, a hmasa berah chuanin tunhma a Kani kan tih thin, tuna Zokhawthiang nita ah hian Primary School Sorkar an neilo a ni, kan neilo tlat a ni. Amaherawhchu, tunah hian SSA atangin a hmingin an kalpui mai mai a, hei hi kan Minister zahawmtak hianin han ngaihtuah selangin report ala hmu lo anih pawhin report-ah ngai nghan mai sela, he Zokhawthiang-ah hianin School neilo tawp ni chiah silo, temporary School a ni a, Department in kan School an tih theih loh tluk a ni a. Hei hi a pawimawh hle in ka hria a, he pawisa hianin emaw, SSA atangin emaw, mumal deuha siam atulin ka hriat thu ka'n tarlang hmasa ber a.

Tin, pahnhna-ah chuan he khua ah hian a khaw pumpui ah P.A Set an nei lova, Mizoram-ah khua a tam tehlu nen, khaw khatah YMA in information centre atanga an au kulh kulh lain he Zokhawthiang - ah hianin P.A Set a awm lo. Chuvangin, hei hi chu a kawng a dap thiam ang tih ring ila hei hi ka sawipui bawk a ni.

A dawtah chuanin bial nei kan nih angin he School Education Department - ah hianin lawmthu sawi tur bial angin kan ngah hle mai. Nikumah khanin +2 Exam Centre leh HSLC Exam Centre min pe a. Tichuanin, exam pawh passed percentage a tha hle mai a. Kan lawm hle nghe nghe a ni.

Tin, Middle School leh Primary School hi a zat ka sawi lo ang a, min thik palh takin, kan bialah kan sa tam em em ani. A chhan chu tunhmain kan nei chhe em em mai a, Private a khawtlang lungrualin kan lo sak te pawh kha tunah chunin thatak vekin kan nei tawh hlawm a. Hei hi kan lawmna zingah a tel a ni tih hi kan sawi hmah phal hauh loh a ni.

Tichuan hemi in a kentel pakhat pawimawh deuh a neih thung chu Primary School IV Farkawn-ah khianin din a ni a. Vawiinni thlengin zirtirtu qualified vek dah a ni chungin a zirtirtu te kha an la mumal hleithe lo erawh khi chu kan rilru a tap a ni. Hemi tihpuitlinna hi kan pawisa hian a daihin ka hria a. Department amite hi lehkhathiam vek an nia, Farkawn Primary School IV zirtirtu dah ngheh hi chu an chawh chhuak thiamin ka ring a. Hei hi chu zaninah pawh ka han phone chho nghan ang a, House-ah pawh a nihdan phungah pawh hian pawisa in a daih dawn e, han tih pawh ka duh nghe nghe a ni. A chhan chu kum tamtak, kum 17 lai an lo kal tawh laia vawiinni thlenga zirtirtu dah ngheh ni lo, pass percentage tha bawk si, hei hi chu ngaih pawimawh tlaka ka

ngaih zing ami a ni. Pu Speaker, kha kha warning ti raw. (SPEAKER : Hun i hmang zo ti raw?) Anih chuanin minute hnih pek belh kha lehlam deuh chauh em ni ? Anih chuanin ka hun dik taka hman ka'n tum ang a.

Tunah hianin RD Block hi 26 kan neihah hianin DADP nei Block 16, nei lo 10 an awm a. A nei block 10 te hi RD Department hian kawng hrang hrangah vei bik thei se a tha khawp mai tih ka'n rawt a ni. Ka lawm e.

S P E A K E R : Tunge han sawi leh ang ? Pu H. Rohluna.

P U H. R O H L U N A : Pu Speaker, ka lawm e. A hmasain hun hi kan duhthawh thin a, chuvangin Demand ah lut nghal mai ilangin a tha in ka ring a.

Demand No. 26 na – Information & Public Relation-ah hian Khawbung bialtu zahawmtakin a rawn sawi ang khan tunhnai maiah Central atangin National Integration atan te leh kan ramah Information Technology te a lo sang chho zel a, chuvang chuan thingtlang mipuite mamawhna hria in Information Department kaltlangin TV leh DTH set te, MLA te kan bial tan min han tih tir ve thliah thliah a, hengah hian a Department- ah Minister chungah lawmthu ka sawi duh a. Tichuan, Information Department hi a pawimawh a, kan thu leh hla puangdarhtu an ni a, an hmalakna hrang hrangah pawh. Demand No. 6 na kha chu kan duhtawk mai ang a, a dang sawi tur tamtak awm mahse.

Demand No. 20 na – Literacy percentage ah hian helai House-ah pawh India rama pakhatna kan nih thu te kan sawi tam a, Literacy percentage a kan san theihna tur atana hmalatu, Village Level a hmala tu hi kan ngaihthahin ka hria a. Kum hnih lai hi an hlawh la lovin ka hria a, hengte hi ngaihsak deuh hlek ila, kan literacy percentage san theih nana thawktute hi. A result sang laia kan duh lai khan a thawktute kha chhawmdawl zui an pawimawh tih kha ka'n sawiduh a.

Tichuan, literacy percentage ah te leh thildangah kan tha viau emaw kan tih lai hian Women & Child Development report, 2007 ah hian corporal punishment ah hian Mizoram hi pahnihna an ni tlat mai, India ramah hian. Helai te hi ngaihtuah ngun a ngain ka hria a. Assam hi pakhatna an ni a, keini hi pahnihna kan ni tlat mai a ni. Chu chu 90.86 % hi kan ni a, Assam chu 99.56% an ni a. helai hian Supreme Court thu pekte pawh a awm a, chutiang chuan state hrang hrangah HRD Ministry pawhin lehkha in an hriattir

tawh a, Education Law te pawh hi amend a siamtha turin he corporal punishment nasat lutuk avanga dropped out rate India rama sang lutuk mai hi kan ngaihtuah ngun a ngai in ka hria a. Keini ang hnam tlemte a dropped out rate te lo sang ve a, naupang inhremna nasa lutuk avanga hruaisual te, tunlaih chuan Private School kan nghah tawh a, zirtirtu training mumal pawh awm lova, a remchang apiang inhlawh nan te leh thawh nana hmangte kan nih avangin naupang enkawl dan kawngah pawh hian kan fimkhur lehzuat a tulin ka hria a. Chuvangin, helai hi kan sorkar pawhin lo enzui deuh sela, dan siamthat deuh te a tul anih pawhin siamthat zui kha a tha in ka hria a. Tunah pawh hian han hriattheih maiah pawh naupang inhremna nat lutuk avanga rilru kalsual ta tepawh ka hria a ni. Chutiang chu anih avangin helaiah hian zirtirtu zawng zawng an susal kan zuk ti lova. Tin, naupang an duhsak lo e pawh kan ti lova, Discipline erawh hi chu kenkawh a ngai a, zirna tha pawh kan neih a ngai a ni. Chutihruat chuan helaiah hian thil ti diklotu erawh hi chu hremtheihna dan erawh hi chu kan neih ve a tul a ni tih hi ka sawilang duh a ni.

Tin, hei Demand No. 36 - Champhai, Hnahlan, Khuangphah road khi Forests in harsatna an siam avangin BRTF in an hnathawh mek an chawlsan a ni a. Hei hi Department lam pawhin nasa takin Central lamah min nawrpui a ni tih ka hria a, chutihruat chuan, hei Working Season a zo leh mai dawn a, tunah hian BRTF an in withdraw vek tawh a, an la inbun leh ta lo a ni. Chuvang chuan hei hi chak lehzuat Department lam pawhin lo umzui a, a hna hi chhunzawm leh vat anih hi ka duh a, chu chu ka sawilang duh a.

Tin, hei Forest Area chungchangah hian zawhna te ka han thehlut a, a lo chhuak anih chuan a detail zawkte pawhin kan la sawiho ang a, tun angah hi chuan hemi ringawt hi sawi dawn ila sawitur tamtak a awm a, hetah hian LSC leh Periodic patta te zawhna chhanna ah khan a lo lang a, 1734 Forest Area-ah pek a ni a. Tunah hian kan Minister hi Land Revenue & Forest Department a changkawp hlah a, a ni hian helai chungchang hi chinfel a tul hle in ka hria a, tunah hian Forest Area nia hriat si, lo neia in leh lo neia chhungkua a khawsa tamtak an awm a. Hemi chungchangah hian harsatna an tawk ani. Chu chu chinfel a ngai hle in ka hria a.

Tunah hian Schedule Tribe leh other Traditional Dwellers Recognition of Forest Right Act, 2006 nen pawha kaihkawpin a nodal Department-ah hian Social Welfare an tang anih pawhin co-ordination thatak kan neih a, kan mipuite tana hamthatna tur zawk hi kan ngaihtuah a ngai a. Central lam leh Forest & Environment Ministry atangte leh Supreme Court lam atang te pawhin thupek a lo awmpalh anih pawhin hengah hian kan mi leh sa te, ka ram chhung ami na na na hi chu inhriatthiamna thui tak nena hemi Central order kalh si lova kan kal thiam pawh a tulin ka hria a. Tunah hian kan mipuite, a bikin Inner Line huamchhung amite phei chu mangang takin an awm a ni. Helaiah hian Central lam thupek kenkawhna tur kawnga harsatna tawk hi an awm a, chungte chu sorkar hian uluktakin ngaihtuah se, chu chu Revenue Department te nen pawh chinfel dan kawng an ngaihtuah chuan harsatna kan tawk zui zel ang tih ka hlau a, chu chu ka'n sawi duh a. A detail kha chu kan Minister ten an hrechiang zawk turah ngai ta ila...

Tichuan, Demand No. 38 na Rural Development -ah hian ka'n sawi duh chu District 200 ah hian 2006-2007 ah NREGS ni 100 inhlawhna kan tih mai hi tih a lo ni a. Mizoramah chuan Saiha leh Lawngtlai District in hma an la hmasa a. Champhai leh Lawngtlai District in kan zui a, nichina question hour a kan sawi tawh ang khanin ni 100 hi tunah hian kan inhlawhlo nasa a ni. A chanve pawh kan inhlawh phak lo a ni a, kan Minister zahawmtakin min chhanna-ah khan Central leh State in a mawh kan phur ve ve a ti na a, lehlamah chuan State hian a mawh kan phur zawk a ni. State share kan pek that loh avangin Central ina installment a rawn released leh tur kha min pe thei ta lova. A awmzia ah chuan 60% hi kan hman tawh hnu-ah hian utilization certificate Central-ah kan theh thla tur a ni a. Tin, State share kan pekna-ah hian Bank Statement te, Non - diversion Certificate te hi Central in an demand a, an strict em em a ni. A chhan chu pawisa a crore tel min pek avangin kan tih zuzi mai an hlau a, chung 2.2 chu chak lehzuala kan kalpui loh chuan tunah hian mau tam tam tuar mek mipuite hi BAFFACOS a awm tawh bawk si lova. NREGS ah hian kan inngah tir dawn a ni a, hei hi tun anga kan kalpui anih chuan kan mi leh sa te tamna hi kan chhawmdawl zo loving tih hi ka hlau a. Nasa lehzuala kan sorkarin tan a lak a tul hle in ka ring a, anih loh chuan State share ah hian nuai 2000 lai dah mahsela Central atanga an released theihna tur atana a paper work te, thildangah te hian kan tifello anih kha chuanin kan duh angin mipuiten inhlawh nan an hmang thei loving a, tam hi kan chhawmdawlllo palh ang tih ka hlau khawp mai a, chu chu ka'n sawilang duh a. A detail deuha sawi pawh a chakawm a, hunin min daih si lova.

Tin, BADP ah hian tunah hian tender te in an ti leh ta a, he Border Area Development Programme hi mipui inhlawh nan hman theih a ni. A chhan chu tunah hian Party Worker tena induhsakna atan te leh contract ang zawnga in pek ai hian mautam tam a thlen laia kan mipuite mangang a an awm lai hian inhlawhnan hian kan sorkar hianin hmang thei hram sela ka duh a, tender alo nih tawh hi chuan a lo nghet tawh a, contractor mimal hi chuan mipui inhlawh nan an pe phal dawn lo a ni. Chuvangin, kan sorkar hianin hengte hi Border Area a chengte tan chuan Central sorkarin a tum dan ang bawk hian kalpui hram sela ka duh a.

Tichuan, Pu Speaker, point khat lek, a pawimawh em a, buhfai rice component Champhai DRDA Project Director in zawhna pawh ka thehlut a, oral a chhan tura alo chhuah loh hlauh takin buhfai quintal 340 hi 2006 September, 19 a SGRY work order a mi October 2006 a Ngopa RD Block hnuai mipui ten inhlawh nana an lo hman tawh hi vawiinni thlengin rice component quintal 340 kha an la dawnglo a ni. Hei hi tun ang tam mipui an harsat lai hi chuan a serious khawp mai. Chuvang chuan kan sorkarin a zawnchhuah hram loh chuan a mawhphurtute pawh hi hrem a tul a nih pawhin min hrem sak rawh se. Hetiang khawpa mipui te chung a harsatna siamtute hi, ka lawm e.

PU SAILOTHANGA SAILO : Pu Speaker, ka lawm e. Demand No. 20 na Education-ah han kal hmasak ka duh a. A bikin SSA sorkar laipui ruahmanna angin Mizoram-ah SSA hi kum 9 dawn lai kalpui a lo ni tawh a. Heti chung pawh hian SSA thil tum engemawzat chu tihpuitlin a la ni lova. SSA pawisa enkawl dan leh virkual vel dan pawh hian duhthu a sam lo hle a hriat a ni a.

Chutih rual chuan Financial Transaction pawh hi diktak leh felfai taka tih a nilo niawma hriat a ni bawka. SSA hi chhunglam leh pawnlam sum leh pai in enkawl na leh in control na internal audit an control loh vang leh enzuina mumal proper monitoring te hi an tlachham deuh nia hriat a ni.

Pu Speaker, tichuan sorkar hian state Rajya Mission chungchang pawh hi fimkhur lehzuala kalpui turin ka chah duh bawka. Pu Speaker, sorkar laipuiin Mizorama drop out rate a dik thei ang bera survey nei tura a tih chung pawhin Mizoram sorkar hian harsa a ti hle nia hriat a ni a. Engemaw ti chuan he survey hi a thelut hram niawm tak a ni. SSA thil tum 2010 ah chuan naupang kum 6-14 inkar, naupang zawng zawng te hnenah zima elementary education pek vek tura tih anih lain leh a landanah chuan 2006 thleng kha chuan thingtlang khaw 387 emaw chauh hnenah zima hi pek nia hriat a ni. Naupang zawng zawng school luh tirma programme Universal Enrollment chungchang pawh hian report diklo awm ngeia rin a ni. March, 31st 2007 thlenga a landanah chuan khaw 187 ah Primary School tak ngial pawh awm lohna la awm nia hriat a ni. Tichuan, Pu Speaker, thingtlang khaw 204 ah pawh Middle School hi la neilo nia report a ni a, tichuan, Pu Speaker, SSA thiltum te implement ala nih loh avangin kum 14 hnua lam mi 30,000 dawnlaite chu SSA in tanpuina facilities pek theihte la dawng theilo in an awm phah niin hriat a ni. A pawl khawp mai.

Mizoram-ah SSA programme te rangtaka tih hlawhtlin anih theihna tura annual plan siamte pawh tihkhawtlai a ni fo thin a hriat a ni. Hei vang hian SSA programme hlawhtlinna turin nasa takin Mizoram pumpui a nghawng nia hriat a ni. Chuvangin Pu Speaker, SSA dan in a phalsak angin ruahmanna siamthiam thiamna bik nei professional tun atang hian sorkar hian ruai tawh sela, tichuan SSA programme te hi hlawhtling takin a kalpui theih ka ring.

Pu Speaker, ka'n sawi leh duh chu Private High School leh Middle School te dinhmun tha zawka hlankai sorkarin a tih kha lawmawm hle in ka hria a, tunah hian sorkar kan ngen leh duhna chu Kawnpui bial chhungah middle School leh High School te harsatna tamtak kan tawk tih min hriatpui turin kan duh a, a biktakin Green Hills High School, Kawnpui ami khu tuntuma sorkar a hlankai tur zingah min telh ve ngei turin he House Leader zahawmtak leh kan Education Minister zahawmtak hi kan ngen duh bawka.

Tichuan, Pu Speaker, Demand No. 36 na- Environment & Forests-ah kal leh ila, National Bamboo Mission sorkar hnuaiah heng Committee pathum, Stearing Bamboo Committee, Bamboo Development Agency leh District Bamboo Agency te hi siam a, chung ho chuan Bamboo Plantation leh Nursery siamin, a zau lam bithliah sakin chungah chuan Employment Generate tura ngaih a ni a, amaherawhchu hei hi enge ka hre lova, vawiinni thleng hian an la siam lo anih chuan siam a tha viau a. Tin, National Bamboo tihhlawhtlin nan hian Mizoram-ah ram te pek tumna a awm tih kha Pu Speaker, tih hlawhhtlin a ni tunge ti kha, kan Minister hriatah ka'n sawi duh leh bawka.

Tichuan, Demand No. 6 na - Land Revenue & Settlement-ah hian hmana ka zawh tawh Survey Institute kha din tur a hmalak kha a ni ta zel em? He Survey Institute hi din anih chuan he sorkar hian nasa takin kan tangkai pui dawn a ni tih kha ka'n sawi duh bawka.

Tin, Demand No 26 na - Information & Public Relation ah hian kan hotute Pu Speaker, kan Minister zahawmtak hmalakna azarah TV te min pe a, lawmawm ka ti hle a. Ka bial chhungah pawh sawm lai kan dawng a, amaherawhchu, a la daih lo deuh a, a daih bak pathum emaw, pali emaw min pek belh leh turin Pu Speaker, kan Minister zahawmtak hi kan dil nghal nise langin.

Tichuan, Demand No 38 na - Rural Development Department ah hian ka'n kal leh lawk ang a. Thingtlang lam hmasawna khawih tu leh ngaihtuatu bik a ngaih a ni. Chui chuan DRDA Governing Body, DC Chairman na hnuaiah Block tin te scheme hi ennawn leh vekin, a tlangpua pawm a ni thin a. Mahse, heng scheme tam zawkte hi Aizawl atanga rawn tih danglam leh thin anih avang hian block tin ten harsatna tamtak hi kan tawk thin a ni tih kha ka'n hriattir nise langin. Tichuan, he RD hnuaiah hianin CSS programme pawimawh tak tak SGRY han tih te, SGSY te, IAY te leh IWDP te hi khawtlang leh mipuiin a chhawr tur a ni tih laiin Party mi leh sa induhsak na- ah in kaltir fo thin a. A diklo hle in ka hria a. Tin, he sorkar hi tih bik riau in nei thin a, tutenge harsa bik tih kei chuan ka thlang thiam lo a ni. Chuvangin, he sorkar hi ruai rawh u, tihbik riau an nei thin a, an thlang thiam a ni ka ti thin a ni.

Chutiang chiah chuan he IAY hi mirethei chhungkua mahni chenna tur takngial pawh neizo lo leh sa thei lote tana Central sorkar ina ruahmanna tha tak a rawn siam a ni. Mahse hei pawh hi kumtin mai hian Aizawl lam atang hian nasa taka tih chingpen an ti thin a ni. Rangva inchung neilo te hi pe dawn ila, diktak chuan Pu Speaker, a diktak hian ro rel dawn ta ila, kum 10 chhung chuan Rangva inchung neilo hi kan khuh hman hrim hrim. Chuvangin, harsa zualte kan tam a, kan mangang a, thlanchhuah tur kei chuan ka hrethiam lova. He sorkar, Pu Speaker, he sorkar hi ka bial chhungah harsa zual bikte min thlan chhuahsak turin ka ngen duh a ni.

Tichuan, Demand No 16 na Prison hi Pu Speaker, Lungin tangte hi tunlai khawsak dan inang zela lungin tangte pawh hi enkawl nise tih ka dilpui duh a.

Tin, Demand No. 27 na District Council chungchang hi Mizoram-ah District Council 3 kan nei a, heng District Council 3 te hian harsatna tamtak an tawk thin a ni. He House-ah ngei pawh hian District Council 3 atanga member zahawmtak takte an awm thin. An duh ang in an sawi na hun an nei theilo te pawh a ni thei. Pu Speaker, ka'n ngenpui duh chu he District Council 3 te tan hianin harsatna chi hrang hrang an nei thin a. Inthlahrung takin he House ah te an sawichhuak thin a, he sorkarah te an sawi thin a. Amaherawhchu, tih puitlin nei thin mahse, tamtak hi tihpuitlin anih thin loh hi, tun atang chuan kan District Council 3 te mamawh ngawih ngawih ang chu tihpuitlin sak turin ka'n dilpui nisela.

Tichuan, a tawp berna atan chuan Demand No 38 na - Rural Development-ah hian kan kir leh lawk teh ang. IWDP hi a chian nan ti hian ka'n sawi leh teh ang. Zokhaw lama ram bua tawh engmah tharchhuah that theih tawhlohna hmuna chengte tan hmalakna tur atana programme pawimawh tak siam a ni. Pawisa pawh tamtak he IWDP ah hian pekchhuah leh sanction a ni thin a ni. Ka bial chhungah ngei pawh nikum chung, tun financial chhung hian IWDP atan hian nuai 70 dawn semchhuahah hian bialtu ka nihna ang hian engmah ka hriatpui lo. A landan chuan MNF mi leh sa induhsak nana hman a niin ka hria. Helaiia Central sorkar ina a scheme a programme ang hi chuan a kal chianglo khawp mai tih hi Pu Speaker, ka sawi duh a ni.

Chuvangin, mizo theuh kan ni Pu Speaker, kan tanrual hi a ngaiin ka ring, tumah induhsak bik kan awm hi a thiingin ka ring lo. A tul leh a mamawh te azirin kan pe in kan pelo tur niin ka ngai. Engkim mai he sorkar in a control vek a, MNF lo tana engmah beisei tur awm reng renglo hi a ninawm ka ti. Bial fan hian mittui tla chungin Pu Speaker, kan fang thin a ni. Engmah tihtheih kan neilo, kan hria, kan bialte pawhin min hriatpui. Mahselangin, khawvel hi ala danglam turah ka ngai a, mipui leh he zoram hianin rorelna tha leh fel zawk hi Pu Speaker, kan zawng zel turah ka ngai. Ka lawm e.

PU S. HIATO

: Pu Speaker, ka lawm e. Hei, Demand a District Council a tel hian, ka din hian kan thiante ho min en dan hi a dang riauin ka hre thin a. A sawipuitu tur hi ka nei mang si lova, khawhar riaua inhriatna ka nei a, District Council Area atanga lokal ve kan thiante Pu Thawla a ni emaw, Pu Rammawi a ni emaw, Pu Thaliana a ni emaw, Pu A.B. Chakma a ni emaw hi a ka hupsakin an hmui an tawn sak si a. Kei tal hi au mai loh chuan tih ngaihna a awm si lova, District Council Affairs

Minister pawh hian amah hi ka ti bik emaw te a ti palh ang tihte ka hlau a. Amah mimal tak chuan ka haw miah lo a ni tih hi ka sawi hmasa duh a. Tin, District Council hi Constitution nei hrang a siam an ni a, thuneihna pek an ni a, mahse an thuneihna a kaltir loh em em a, tamtak avang leh High Court leh Supreme Court thlenga kal thin ngaia min siam tak avang hian kan rilru a na thin a. Kan sawi thin a ni. Chuvangin, rilru tak tak pawhin min ngaihtlak sak hi ka duh a ni. Tin, hun a tlem si a, Mizoram pumpui huap a h an sawi te ka chak ve viau na a, ka sawi hman si lova. District Council hminga ka'n sawi pawh hian min hriatthiam hi ka duh hmasa a ni.

Awle, Pu Speaker, School Education-ah hian Demand No. 20 na-ah hian ka lut duh a. Hriat tawh angin 6th Schedule Constitution a kan neih para 6 (2) na-ah chuan Entrustment of Power, District Council hnenah engngemawzat subject pekna turin provision a awm a, chumi hmang chuan 1994 ah khan Middle School hi District Council kutah pek an ni. Chutichuan, an han pe a, engmah condition awm lem lovin pek an ni a. Tunah hian harsatna an tawk ta a ni. Kum 2003 ah khan Mass provincialisation Mizoram pumpuiyah neih ani a, District Council pathum chu pah hlauh an ni a, pakhat mah lak sak an ni ta lova, chu chuan harsatna a thlen tak chu Deficit School a thawktu zawng zawng kha pension emaw, benefit dang emaw kha an nei thei ta lova. An buai ta a ni. Chumi School chu Deficit 34 leh Teacher 320 a involve a. A bik takin Mara District Council ah chumite chuan tihngaihna an hriat loh avangin High Court-ah an kal a, High Court in kumin April Ni 1 atangin Sorkarah lut leh rawh se tiin Mizoram sorkar pawhin order an chhuah ta a, tunah hian Middle School ah chi 2 a awm dawn ta a ni. Sorkar school zawng chu District Council kutah a awm dawn ta a, Deficit Provincialised zawng kha Mizoram sorkarah awm dawn ta a ni. Sorkar pahnih a kal kawp dawn ta a ni. Hemi chungchanah hian District Council hotute nena thutkhawma sawihoa sawi rem theih a ni a, mahse sawi rem lohin a awm a. Hemi kan thleng ta hi a paw em em mai a, chuvangin kan Minister hian chianguang takin min ensakin, rilru leh tihtak zetin an power a nih angin pek let leh dan hi min ngaihtuah sak rawh se tih hi ka demand pakhatna a ni.

Tin, pahnihna-ah Rural Development-ah ka'n lut ang a, kuminah BAFFACOS hi a larlo thei lova, a pawimawh si a, BAFFACOS sum hi District Council Area a min han pek, a bikin Saiha leh Lawngtlai Area-ah hian Saiha District-ah 2006-2007 ah khan nuai 6 chauh pek kan ni a. Midang nuai 180,120 leh 150 te a tlem berah an hmuh lain keini 65 chauh kan hmuh hian harsatna kan tawh pahna leh kan tam zualna chhante a ni a, hei hi Food for Work scheme an nei a, tihte, chhuanlam a ni a, Lawngtlaiin RS Scheme an nei tho va, mahse nuai 180 an pek lain keini 65 min pe a, thliar bik kan ni hi min enfiah sak se ka duh a. 2007-2008 ah min pe tam dawn emaw kan ti a, mahse nuai 30 lek in min han belh tel a, hei hian harsatna nasa tak min rawn thlen a ni.

Tin, Sericulture Minister in n imina a rawn sawi ang khan BAFFACOS Sericulture in an han sem a, kum thum chhunga an semna kha min han pe a, Saiha leh Lawngtlai District min han hmahna chhan kha RD in pawisa min pek loh vang a ni tih a ni a, hei hi khwngaihmin min pe ve rwah se. Tin, BADP (Border Area Development Project) District Council kuta pek ve chungchang hi nasa takin hotute hnenah sawi a ni thin a, hemi chungchanga ni 29.1.2008 ah khan A. Anbarasu, Deputy Secretary, Govt. of India, Home Affairs in Chief Secretary Mizoram hnenah District Council te Agency a awm ve theihna turin lehkha a rawn ziaak tawh a ni. Chubakah ni 3.9.2007 ah khan Chief Secretary Mizoram Chairman BADP hnuaiah khan Committee neih a ni a, chutah Office Memorandum page 9 na-ah chuan ni 3.9.2007 ah he Executing Agency hi District Council kuta a principal in a sem kan ti a ni tih a ni, mahse tunah hian pek kan nilo ta a. Tender te kohin a awm a, tender pawh an la hawng lova, nge an hawng tawh zawk pawh kan hre lo. Engpawhnise, hetiang District Council tana tih sorkar leh Mizoram sorkar Committee sang ber pawhin an lo rel thluk ang hi chuan kan Minister hian min enzui sak ngei ngei turin ka phut a ni.

Tin, pathumna-ah chuan Backward Region Grant Fund a awm a, backward region grant gund hi Mizoram bik tan guideline chiangtakin Ministry of Panchayati Raj hian a duang a ni. Chumi a duangna-ah chuan BRGF hi Council in a la ang a, District Level ah phei chuan a Chairman hi DC a ni ang a, Village Level-ah phei chuan Village Council, District Council hnuaia miten an thawk tur a ni, a Chairman erawh chu DC a ni ang tih a ni a. Hemi chungchang hi tun thleng in keini kan hotute hian a biktakin, pek kan ni lova. Hemi Mizoram bika an siam dan hrul hian khawngaihtakin Minister zahawmtak hian min pek ngei kan beisei a ni. Dan chu dan a ni a, dan a ziah tawh em em thlenga in pal zut em em zel hi chu a phal bikin kan ring lo a ni. Chulai chu rilru tak takin ka ngen a ni.

Tin, Demand No 27-ah khan District Council chungchangah khan pawisa hmuh zat, kumin kan pung dawn emaw kan lo ti a, mahse kan pung lova. A punna a biktakin plan-ah hian a chhe em em a ni. Pu Speaker, chu chu Lai Autonomous District Council ah hi chuan nuai 53 in a pung a, Mara Autonomous District Council-ah nuai 12 in a pung na a, hemi 12 hi Hindi zirtirtu 10 min pek hlawh chiah chiah khuh a ni. Chuan pakhatmah belh a awm lo a ni. Tin, Chakma Autonomous District Council-ah chuan nuai 386.90 in a minus a ni, a tlem ta a ni. Nikum ai khan. Hetiang em em chu engtinngge ni dawn le? Kan District Council-ah pawh hian Lai-ah hian MNF an sorkar ta a, Saiha leh Chawngte-ah MNF sorkar tak loh avang hian hremna a awm em ni? tih hi kan rilru-ah a awm deuh a ni. Tin, Chakma District Council-ah phei chuan hei tunah inthlan zawh hian Council hmasa khan leiba Rs. 1.50 crore an kalsan a. Tin, motor workshop bill ringawt pawh crore khat tunah hian an ba a ni. Motor chhe deuh 8 chauh an nei a, chutiang chuan an kalsan a, engtinngge an kal zel ang tih hi a huphurhawm tak tak a ni. Khawngaihtakin kan District Council Affairs Minister hian tun atang hian chuan approach hi min tihdanglam sak selang kan duh a. A sorkar thei va tur ngar ngar

chu theihtawpa beih chu a tha e. Mahse, a sorkar theih tak loh avanga hrem zuina ang chi erawh hi chu min tihsak tawh lo hram selang kan duh a ni. Minister dang pawh, MLA dang pawhin min hriatpui kan duh. Chu chu rilru tak takin kan ngen che u a, hetiang anih loh chuan District Council Area-ah chhe zawk leh hnuaihngung zawkte rilru na lutuka awm hian chuan Mizoram pumpui integration pawh hi a khawih thin a, UT dil ten an dil leh tawh lo tihte kha a la thi lo ani tih hi vawiin-ah hian ka sawi lang duh bawka ni, ka lawm e.

PU LALCHHANDAMA RALTE : Pu Speaker, ka lawm e. Kha ka hma-ah khan kan senior Pu Hiato te, Pu Sailova ten thu an sawi kha ilema han puih duhna pawh ka nei a. Pu Hiato khan sawlam kan khawhar deuh, min sawipui thin lova a tih avangin District Council pawh tlem chu ka rawn sawipui ang a. Tin, Kawnpui bialtu khan Opposition bial min duhsak lo bik lutuk, a khawhar thlak lutuk a tih kha nichina zawhna leh chhanna hun lai, PHE chungchangah khan a zawhna reng reng kha, tih mek a ni tikhan an ti si a. Engkim mai hi he sorkar hian Opposition-ah a bel vek emaw kan tih lai khan, an la khawhar fo em ni tih kha thuhma ka nei duh a.

Awle, Demand No. 38 -ah hian ka lut hmasa duh a. RD Department hmalakna hi a chhuanawmin a fakawm hle in ka hria a. Keini thingtlang bialtu ngat phei hi chuan kan department anga kan neih a ni a, RD Department kaltlangin BAFACOS inhlawhna, kan mipui ten an nei nasa em em te, tuna kan beisei mek NREGS kan tihte pawh RD Department kaltlang a nih avangin he department hi a sum leh pai chungchangah pawh kan finance lam enkawltute pawhin an mamawh an neih nikhua-ah matching share tur emaw, thildang-ah pawh hian priority a pek zual a ngai hle in ka hria a, chu chu ka sawi duh a.

Tin, hei BADP Area te, BADP area chiah lote pawh kan awm a. Development kaldan hi a rual zawk theihna turin keini BADP area lote-ah phei chuan DRDA sum allocation an siam hian BADP area lote hi min pe tam thei deuh se. Tin, Social Education hnuaiyah scheme hrang hrang a awm a, Hall sak tur te, eng engemaw tih turah te hian keini BADP nei ve lo, hlawm lian nei velo-ah hian min duhsak thei deuh se tih kha helai huangah hian ka sawi hmasa duh a.

Tin, Demand No. 27 District Council Affairs-ah khan ka sawi duh chu - Hei, Autonomous District Council 3 kan nei mek a ni a, tuna kan ngaihthlak tak ang mai khan heng Autonomous District Council pathum te enkawlina tur awm budget bu ami kha ka han en a, plan leh no-

plan thlir khan Autonomous District Council enkawlna atan nikum lam aiin sum hi Rs. 293 lakhs in plan leh non-plan ah a pung niin a lang a. Mahse, a percentage chu duhthusam chu a nilo mai thei a. Tunah hian chuan a punna kha Rs. 293 lakhs a ni a, kha kha ka sawilang duh hrim hrim a. Tin, anni District Council te hi Mautam tam kumte anih avangin State Capital atangin tlemin an hla deuh hlek a, priority kan pek zual a pawimawh a, RE Stage-ah pawh hian kan duhsak hret hret hi a tul a. Chutih rual chuan kan Council hrang hrangte pawh hi state sorkar hian uluktaka kan enpui ngaia ka hriat chu hnalak chungchangah te hian an awlsam em em thin a, budget neih ang ang hi sorkar hnathawk hlawhah hian a zo deuh vek thin mai a, development kalpui tur hi an nei reng reng lo a ni. Hei hi kan siam fel pui a tha in ka hria, eng ang sum pawh hi pe ila indaih tak tak awm thei dawn lo in a hriat a, helaiah hian a tu pawh Council-ah sorkar selangin, management fel zawk an neih theihna tur hi Party Headquarter kan hruaitute emaw, a sorkar ang pawhin kan enpui a tul hle in ka hria a ni.

Demand No. 16 – Prison Department hi hmasawna Minister chak hnuaiah an nei nasa hle in ka hria. Tunah hian Jail paruk enkawl lai an nei a, mi 1150 vel enkawl theihna an nei a, chumi piah lamah chuan District-ah 2 la function loh na Serchhip leh Mamitah Jail kan la nei lote pawh hi hmalak mek a ni a. Hei ai hian ngaihsak deuh a tha in ka hria. Tin, Vairengte, kan corridor pawimawh leh Tlabung lama Sub-jail kan neihte pawh hi function thuai thuai loh chuan nakin zelah harsatna kan neih theih avangin Department pawhin hmalak chak pui se tha in ka hria a. Jail hi kan hriat angin reformatory center anih angin helai kan in enkawlna-ah pawh uluk zawka jail tangte misual an nih avanga tang ngawt piah lamah mihring mitha-a kan siam theihna tur kawngah hian uluk a tha in ka hria a. Tin, Jail-ah hian UTP trial fel loh hi tamtak an awm avangin camp court hi heiai hian neih zau deuh hlek theih dan hi kan Prison Minister te hian an ngaihtuah a tul hle in ka hria a, chu chu ka'n sawilang duh a.

Tin, Demand No. 6 na Land Revenue & Settlement Department-ah hian an hmalakna ropui viau in ka hria a, tunah phei chuanin computerized in engkim mai kan LSC leh thil engkim an han ti chho ta niin a lang a. Tin, summary survey operation te pawh an nei a, nikum ah khan khaw 463 kan cover tawh an tiin ka hria a, khaw 700 vel Mizorama awm hi engtikah nge an cover theih ang. Tin, cadastral survey an neih mek hi an zo fel tawh em tih ka'n zawt duh bawka. Helai bikah hian ka ngaihpawimawh em em chu kan Land Holding System hi uluktakin he House-ah pawh nikum -ah khan ka sawi tawh a, Land Ceiling Act hi mumal taka kan neih vat loh chuan mihausa ten ram zau pui pui an nei a, an utilized mang si lova, thingtlangah a bik takin ka bial chhungah te pawh khian Aizawl mihausa te ram khi a awm deuh vek mai a, kan bial mite pemthar leh indang thar tan eizawna tur siam hleihtheih loh khawpui a awm a ni. Heng hi Land Ceiling Act kan neih mumal loh chuan harsatna kan nei dawnin ka hria a, utilized si lova awm te hi sang zawk pek a an surrender theih dan tur pawh hi kan zawn a tul hle in ka hria a ni.

Tin, Demand No. 26 na Information & Public Relation ah hian tlem han sawi ka duh a. Anni hmalakna hi ropui in ka hria a. Mizoram chanchinte, sorkar hmalakna te khawvel hriatah hmun dang dangah internet website ah te pawh phochhuak tu an ni a. Heng huangah te hian kan Journalist te welfare fund te pwah tun hunah hian engemaw chen han dah a ni a, a la beitham viau a, tamzawka dah belh dante pawh early stage-ah kan ngaihtuahin ka hria. Tin, advertisements-ah pawh nuai 20 awrh chauh Department ah hian a main ber Information and Public Relation-ah hian dah a ni. Hengte pawh hi tihpun tha in ka hria. Nimin kan MJA te khawmpui thuah pawh khan advertisement tam zawk hmuh an duh thu te pawh a awmin ka hria. Hei hi kan bengkhawn leh zual tul hle in ka hria.

Demand NO. 27 -- Environment & Forests Department-ah hian ka'n sawi leh duh chu anni hmalakn pawh a lawmawm a, amaherawhchu Forest Department hi Mizo mipuiin kan hmelhriat dan hi thil tamtakah thil tha ti annih rualin hun thenkhatah harsatna Central atangin Supreme Court order emaw, thildang avangte emaw, mipuite tanah pawh a siam tamtak thingzai movement emaw, teak movement emaw a awm, amaherawhchu kan Minister leh Department a kan Officers te hmalakna avangin harsatna lam aiin a phurrit zangkhai zawngin a kal chho in a lang a. Tin, Afforestation Programme hnuaiah hian VFDC a ni emaw, FDA ah ani emaw, hma nasa takin an la a. Tin, Green Mizoram atang pawhin thing tamtak an phun a ni. Nikum chung pawh khan, kum 4/5 kalta chungin thingkung nuai 10 zet zawt Mizoram hmun hrang hrangah phun a ni a. Heng enkawl zuina hi Green Mizoram Day kan hmanga, kan phun hum hum a, amaherawhchu a enkawl zuina hi engtingge an kalpui, tan lak a ngai em aw k a ti a. Kawngpui sira thingkung tamtak an phunte hlamzuih ta mai mai a tamin ka hria. Hei hi en uluk a tulin ka hria. Tin, Mizoram Forests Policy an duan mek kha an peih dawn hnai tawh em? tih kha ka'n zawt duh bawk a.

Tin, Demand No. 20 na -- School Education-ah hian ka'n kai leh duh a. Kan Minister te, thawktute hmalakna avangin quality education drive te nasa takin an bei a ni a. Tin, Finance Minister Budget-ah k han priority pek a ni a, kuminah nuai 1000 zet education-ah pek belh ani. Hengah hian zirtirtu kan indaih lohna zualpui hi min phuhruk thei kan bialah pawh tamtak a awm a. Tin, VRS scheme kan hman tur kan nghahhlelh em em hi puitling thuai thuai thei se tih hi ka'n sawi duh a. SSA te hmalakna avangin building tha tak tak kan nei a, mid-day meal naupangin an dawng a, a lawmawm a ni. Tin, Success Scheme Secondary School te tana mi hi kan nghakhlel hle tawh. Kan bial theuhah MLA te pawn a niang, High School Building a chhe em em vek tawh a, sak that kan nghakhlel hle. Hei hi engtikah nge peih theih a ni ang tih ka'n zawt duh a. Tin, Private High School, Middle School te, chawhma lama Kolasib bialtu MLA zawh tawh ang khan kan bial chungah tam tam a awm ani. Hengte lumpsum grant tuna pek te hi basic pay half allowance ah tal tun financial year thara nuai 1000 zeta kan punna hian min khai thei dawn em? Tin, a biktakin Thingsulthliah-ah khian

Higher Secondary School khawtlang enkawl kan nei a. Kan manage hleithei tawh lo. Kan Education Minister ngei nen pawh kan tlawh tawh a, anni hi lumpsum pek tura tih a ni a, engtikah nge min pek theih dawn tih ka'n zawt a.

Tin, Education Rules te, Act te kan duang kan ti a. Private School enkawl na dan hi kan la lekkawh tawh lo deuh a. Fee an duh chen chen a sang an lak leh Hostel fee an siam dante pawh hi uluk zawka kan en loh chuan harsatna kan nei in ka hria a. Private School-ah zirtirtu MA/BA hlawh tiem te tea kan chhawr ringawt pawh hi mumal zawkin kan tihsak loh chuan lehkhathiam tak takte an chhawr hi control na mumal kan neih a tul. Zirilaite tan Study Abroad Scheme pawh mumal zawka kan neih a tha in ka hria.

Education huangah hian strike eng engemaw a tam viau thin a. A bikin zirtirtu rual ten sorkar memorandum ah ultimatum pe deuh ut ut mai a awm fote hi a dikin ka hre lova. Association ten zirtirtu an nih laia naupang ten an zir mekte ultimatum sorkar an pe fo hi sorkar pawh kan khawng deuh a tul em? Insiamthat a tul hle tih kha ka'n sawi duh ani.

PU SAIKAPTHIANGA

: Pu Speaker, vawiin - ah Department pawimawh tak tak leh Minister pawimawh tak tak Demand kan sawi dawn a. Sawi tur a tam a, a pawimawh te ka'n sawi ve zung zung ang a. Ka hma ami kha a speed a tha hle mia a, ka speed hi a muang deuh a.

Demand No. 6 na Revenue ah hian ka hma-a member sawi ang khan he Department hi an fak tlak hle in ka hria. Cadastral survey atang leh an hmalak dan hi tha hle in ka hria. Tun aia chak zawk hian ala kal theih chuan tha zawkin ka hre bawka a. Computer Age ania, engkim mai computer a record an han neite hi ropui ka ti a. Heng atang hian mi thiltitheh bikten ram zau tak tak khaw mipuite leh bial mipuite tana harsatna an siam thinte pawh hi a tlahniam thei ang tih ka ring a. He Department chungah hian lawmthu ka'n sawi duh a. Chumi rual erawh chuan mipui ina kan ngaihtuahna leh tih thin ram neitute leh sorkar hnathawkte pawh ina ka hriat compensation velah hian kan kalsual nasa hle maiin ka hria a. Department leh sorkar anga hmalakna tur lo awm dawn nia hriat atanga kan in valh chho leh, mi thiltitheh ho ina mi harsa zawk ramte an lei khawm a, a tawpah chuan a project leh ram hmasawna tur a tan pawha hnawksak a chang fo mai hi kan ram thanmawh bawk niin ka hria a.

Entiman, Border Fencing (Bangladesh) chungchangah hian Marpara atanga Tuipuibari, ka bial tawp kan fencing-ah hian compensation a han nasa khawp a, Central Sorkar pawisa a ni e ti mah ila, hei

zawhna Unstarred chhanna-ah hian maktaduai 31 leh sing 1 sang 1760 hi pawisa pek tawh a ni a. Marpara-Tuipuibari. Tichuan, la pek leh tur chu maktaduai 41, nuai 4, sing 3 leh 290 a la awm a. A list hi ka han en a, hei Pu Liansuama hi karawn a, anin a hrechiang bawka, keim ka hrechiang bawka, a hming awm ho zawna pawisa dawn hi ko khawm ila, heng hi indawng tak tak em ti ila, an dawng tak taklo mai ang a. Chuvang chuan khulai area, Chakma ho chauh nilo hi corrupt ve deuh hi kan awm thin a ni mai awm mang e tih kha ka rilruah a lut nasa hle a. Maktaduai 31 vel leh la pek tur maktaduai 72 LSC awm miah lo, khulai chu LSC tih theihloh area a ni a, chuvang chuan hetiang kan ching hi a ti sim theitu tur chu Revenue Department leh kan Minister zahawmtak hi niin ka hria. Hei hi ka ngai pawimawh khawp mai a. Nakin zeal kan ramim kan kal chhoh zel tur atan pawh hian min hruaisualtu ropui tak a niin ka hria. Chuvangin, hmasawna tamtak wawinah he Department leh kan Minister kaihhraina atanga kan hmuh mek lai hian tih tur hi kan va han nei lian em ve aw tih ka sawitel hmasa duh a ni.

Demand No. 20 - School Education-ah hian ka hma-a member sawi ang khan zirna hi nungchang leh kan ram nunphung insiamna tur atan Department pawimawh tak nia langah hian nawrh hi a tam hle mai a. Tin, nawrh thlenglo pawh hian kan wording (tawngmang) hrim hrim, sorkar kan han nawrna-ah pawh hian sim tur awmin ka hria. Hmanah khan Pay Commission Report nge ni TV-ah mu chungin ka lo en a, kan mifel tak tak, kohhran leh khawtlangah hruaitu leh thildang dangah ni te pawha ka hria ina sorkar report an hal mai duhtawh lova an han rap lai thla TV a lo lang te kha kan ram tan hian thil tha ber a ni lo ang a. Chuvang chuan, kan Educational Institution atanga kan thil tih thin dan hi chu en uluk a ngai hle hian ka hria a.

Tin, kan zirtirtute hlawh indaihlo tih te, engemaw lar deuh mai hi kumin hian kan solve dawn niin ka hria a. Hei cheng vaibelchhe sawm zet School Education-ah pek belh a ni a, hei hian hmasawna tamtak kan neih phah turah ka ngai a. A tlangpui thu in zirna-a hma kan sawna hi a tha thawkhat in ka hria a. Kan Education Minister hian thil eng engemaw hi a ngaihtuah chhuak a, keini ho phei chuan a thatna tur chiah pawh hi kan la hmu mang lova, hei Lammuala han sign tih ang te, chumi khami University nen tih vel te hi a tha turah ngai ila. Kan sorkarin Higher-ah leh School Educationa pawisa engemaw zat a pek belh pawh hi lawmawm ka ti a. Chu chuan MLA tinte kan biala kan harsatna min phuhruk turah ka ngai bawka, a lawmawm ka ti a. Hei ka bialah khuan 1988 vel atang khan Tuipuibari, khaw lian ve takah khuan High School kan din a, a mimal pawh hian ka inseng viau tawh a ni. Chutiang chuan a khuain an buaipui em em a, tun thleng hian sorkar atangin engmah hmuh kan la nei lova, kan Chief Minister zahawmtakte, kan Education Minister hnenah te kan thlen thin a, heng pawisa hmangte hian hma kan sawn hret kan beisei a, kan dil duh nghal deuh bawka ni.

Chutiang chiah chuan 1999 ah khan West Phaileng, khulalah khuan BDO hmun te, SDO hmunte-ah khuan Higher Secondary hi tan a ni a. Hei kum 10 zet a liam tawh a, sorkar kut thlakna leh sorkar atanga chhawk zangkhaina kan la hmu thei lova, kan Minister zahawmtak hian nikumah kumthar lamah chuan Higher Secondary School tak tak nei turin a lo sawi hmuh deuh emawni, kut an beng ring khawp mai an ti a. Kum thar leh he pawisa lo pung chhovah hi chuan Higher Secondary School thatak nei thei turah kan inngai a, Pu Suama sawi ai pawh hi ka'n sawi tel deuh a ni, sawi turte kan inruat deuh bawken. Tichuan, Kawrthah Higher Secondary School-ah zirtirtu kan nei hleithei lo hle mai a. Kan han nei thin a, anmahni khawlam leh khawpui lamah hian an chho leh deuh zel thin a. Chutiang chiah chuan SSA a zirtirtu upgrade te upgrade lohte kan han la a, a lawmwam viau rual hian zokhaw khengreng deuha khawpui mite kan han indah pawp pawp mai hi chu a thawktute tan pawh manganthlak, tlemte an hlawh a, khang khan in leh lo luah te a lo ngai ve a, an ei tawk tawk a nih mek lain a khaw neitu leh a School neitu khan a tuar ve tho a. Chuvang chuan, a area-ah khatiang ang qualified an awm ve anih chuan SSA in lak hram hram tum sela, a thawktute leh a chhawrtute tan thil thatak a chhuak ang tih ka ring a, chu chu rawtna ang deuhin ka'n sawi tel leh duh bawka ni.

Demand No. 20 - Information

Department-ah hian TV te min han pe a, a lawmwam khawp mai a, a thawktu zingah hian ka hnaivai ve deuh hi a awm a, a thawktu ho zawng zawng pawh hi tumdang zawng zawng aiin an hlimin ka hria a. Mahse thil han sem hi rinai takin a indaih mawh a, a semtu nih hi a sem a nawm viau lai hian Pu Speaker, a indaih loh lutuk hian a buaithlak thin a. Han dawn bleh leh deuh chu a tha khawp mai. Tin, chumi rual chuan kan State Information hi abul atanga tan that ngaiin ka hria a, a bul atangin a dik lo a, ban vek a, a bul atanga tan that dan hi a awm lawm maw ni le? Hetiang taka Department pawimawh thawk ho thei mang silo. Chanchinbu -ahte chhuak chhuak mai hmuh hi kan ram leh state tan pawh a zahthlakin ka hria a, ban vek a, a bul atanga han tih hi a rum deuh kan tih pawhin a that ngawt ka ring.

Demand No. 26 -ah kal ila, Environment & Forests Department hian hma a sawn nasa hle in ka hria a, kan Minister zahawmtak hian a haichhuak nasa bawka. Tin, Central Sorkar pawhin a ngai pawimawh bawka, nikum lam khan ka sawisel nasa khawp a, ram kang ven chungchangah kan ram hi a kang nasa lutukin ka hria a. Tunah hi chuan khawthlang lama ka bialah te, kawnga ram kang venna tura an siamte a tha hlein ka hria a, an siam kum te, kum dangte han en a, an siam hmuh mang loh kha a nuam lo a, kumin hian a nuam hle in ka hria a, chumi rual chuan nungcha humhalh chungchangah hian kan lo enkawl ve lai ai khan a tlahniam daihin ka hria a, hei hi tun aia tha-a tih tha in ka hria a.

Tin, ramngaw reserve ven chungchangah te pawh a Department a thawktu pawimawh te an lo inrawlh ve leh tlath thin a, sawi

hrehawm ang reng tak, khawthlang lam hi thing te, sa te tamna lam a ni a, tah hian hmalak deuh hlek an mamawhin ka hria a. Tin, Tut, Langkaih Protected Reserve chung a kan teak hi kan han chhut mai mai a, kung khat Rs. 500/- zel pawhin hralh ta ila, crores 500 man a awm a ni. Chu chu sorkar hian working plan an siam a, central in a approved tawh a, chuti anih chuan tun aia kan hralh ran theih dan hi ngaihtuah a va han tul em tiin duhtawh mai ila.

Demand No 38. Rural Development hi Department pawimawh tak, tun mautam-ah pheh chuan zokhua ina kan hnek hnaih ber a nih avangin Pu Speaker, tan a ngai hlein ka hria.

A tawp berna atan chuan Congress sorkar tawp lamah khan Kawrtethawveng-ah khuan Rural Development Block hi dah tum a ni a, engkim tihfel vawiin thleng hian tih puitlin a la ni lova, ka hnunga Mamit bialtu zahawmtakin a sawi ang deuhin Zawlnuam Block khu Bangladesh atangin Cachar ramri-a Langkaih, Tripura ramri atangin hetah Tut hi arawn ri a ni a. Chuvang chuan, he Block zau lutuk siam thatna atan hian kan hotu hmasa tena an lo ruahman tawhna hi tih puitlin ni thei se chu a lawmawm ngawt ang tih ka'n sawi duh a ni. Pu Speaker, sawi tur chu a la tam khawp mai, mahse hun a tawp tawh si a. District Council chungchangte pawh kha han sawipui ka duh khawp mai a, mahse ka sawipui angah min ngai mai sela, Pu Hiato hian a tha awm e, ka lawm e.

S P E A K E R : Le, chawhma hun kan lo hmang zo leh ta a, kan chawl rih ang a, chawhnu dar 2:00 PM ah kan thukhawm leh dawn nia.

2:00 PM

S P E A K E R : Kan rorel kan chhonzawm ang a, chawhma lama kan inremsiamna ang khan thusawi tur panga kan la awm a, tunge han sawi hmasa ang.

P U H. L I A N S A I L O V A : Pu Speaker, ka lawm e. Hei, vawiinni-a kan demand han sawiho tur hi Department pawimawh tak tak a ni hlawm vek mai a. Sawi vek sen a har dawn hle mai a, keini ang tan chuanin. A pawimawh ka sawi hman tawh tawh ka'n sawi leh ringawt mai ang e.

Ka'n sawi hmasak ber duh chu Demand No. 20 -School Education hi. Hei, kuminah hianin Budget Provision pawh, Budget Estimate vaibelchhe 259 lai dah a ni a. Tin, kan budget pumpui han en hian Department pakhat chuan pawisa pawh kan dah tamna ber a ni a. Vaibelchhe 259 chu 1994 ihlenga kumkhata Annual Plan a Mizoram pumpui ina kan hmuh khatiang vel kha ani a, a te lo hle mai a. Amaherawhchu, a mihring kan enkawlte leh a Department pawimawhna enin tuna kan financial position te han en hi chuan kan budget len dante han en hi chuanin hetiang thleng pha tur awm reng hi niin a lang a. Tichuan, hetiang sum liantham tak maia kan enkawl Department chu a pawimawh a, a enkwl hna leh a sum leh pai kan hmanna tur pawh a pawimawh a ni tih hi kan zavaia kan hriatsa ani a. Chutah chuan kan ram School Education hi a bulhuta kan ram zirna bultanna a nih avangin a pawimawhzia kan hria a. Tuna kan dinmun chiahah hian zir lai kan chhuah ho, education quality kan pek leh moral lama kan han chhawmchhuah chhoh tak anmahni ah hianin a quality hi kan en that lehzual ngaiin ka hria a. A tam zawnga kan thangte, tin, a percentage sang zawka kan thangte hi kan intehna pakhat a ni tur anih lain a quality tak takah hianin kan ram leh kan hnam thangzel tur. Tin, tunlai khawvel thiamna sangzel atanah hian a rahbi hmasa kan tukah hian kan tuk tha em? Nghah chhan tlak, thiamna paw chhuak turin kan Elimentary Education hrim hrim leh Secondary Education te hi kan rem em? tih hi kan ngaihtuah a pawimawh hle in ka hria a, chu chu a tlangpuiin ka'n sawi a.

Tin, chulovah chuanin tunhma pawha kan sawi deuh fo thin, kan School Education pumpuia hianin deligation of power hi ti mai ilangin, thuneihna insem zai hi tunai hian fel selangin. Tin, inspection kan tih ang thin pawh kha mandatory in awm sela tih ang pawh kha sawilan a ni tawh a, hei hi kan la nei theilo fo niin ka hria a. School Education Act te, School chi hrang hrang enkawl na tur leh Private School enkawl na tur thleng pawhin kan nei tawh a, amaherawhchu heng hianin a quality kan ram mamawh tak min hruai thleng tur chuanin kan hmachhawp hi a la chhah hle in ka hria a. Chuvang chuan, Education pawh hi tun aia tha zawk hian engtinng e kalpui theih dan tur tih hi a chung amite mai nilo, a pawn lama mithiam deuh tepawh rawna ngaihtuahna kan hma tha hle in ka hria a. Ka'n sawi duh tak helaiah hian School Eduation a thatna tur chuan thingtlang kilkhawr ami tepawh inthlahdah lova an standard te, an naupang enkawl dan thleng pawha administration in a hriatpui theihna tur atana inspection system kha mandatory a dah leh a, chutianga remchang lo tur, hemi hierarely system-ah pawh hian a awm anih pawha siam rem thuai thuai a pawimawh awmin ka ring a.

Tin, a Department bi-fercation lam hi kan han sawi thin bawka na a, hei hi kan thatna tur ber chu ni chuangin ka hre lova. Chutianga lama delegation of power te inpe a, officer ten anmahni mawhphurhna chin turah chuan mawhphurhna tawp nei a, an thawhthat pawhin, an chhiat pawhin officer te mawh chiang selangin a tha awm hle in ka hria a. Tunah hi chuan kan inthlun dan put put hi a headquarter atang hian hruai kan pawt a, a tawnmar na lai pawh hi kan hre hleithei tawh lo niin ka hria a, chu chu ka'n sawi duh chu a ni a.

Tin, SCERT Directorate a dah tumna a awm hi tha hle in ka hria a. Tin, a hnuai a awm tur leh khani ina a enkawl tura pawh kha a chiangsa ta mai. Tun aia hmanhmawh deuh zawka tih hi Education lam ruahmanna atanah hian a tul khawpin ka hria a, kan budget atang te hian tih theih dan hram awm sela, kumin chhungah hi chuan. Tin, pawisa alo indaihlo deuh a nih pawhin RE lamah kan ram tana School Education tana pawimawhna hria in tih theih ni thei sela a tha hle in ka hria a.

Tin, chulovah chuan Vocational leh Work Experience hi kan ram eizawna inmil tur leh tunlai kan ram hmasawna, ram changkang zawkte hmasawna ina minrawn dai anga kan herrem tawh erawh hi chu a hun hle in ka hria a, hei hi chu sawi fo ani tawh a, hengah hian pawisa involve tur a awm anih pawhin kan insen hreh lohna tur tak niah ka ngai a. Chu chu ka'n sawi leh duh niselangin.

Pahnihna-ah chuanin Demand No. 6 na - Land Revenue & Settlement kha nimir lamah question hour lamah khanin ka rawn sawilang tawh a. Kan sawi duh hlek chu - Land Revenue & Settlement hi Department pawimawh tak, Education ang em chuan kan ngai pawimawh lo anih pawhin kan ram Land Tennial System siamtu leh enkawltu, chumi administration lo kengkawh tu anih avang hian a pawimawhna hi a thuk riau mai a. Kan social life te, kan political life te, khatiang thleng khawih thei anih avang khan kan ngaihsak leh an mamawhte pawh hi kan en that a pawimawh hle in ka hria a. Sum kan dah hi tun tumah hianin B.E ah hianin 2007-2008 B.E a kan dah ai khan a tlem zawk tlat mai a. Tin, an mamawhna en hianin crore 10 hi chu a tlem lam mai awm mang e aw tih ka ngaihtuah a. Chawhma lamah pawh kan ngaihtlak tawh ang khanin Cadastral Survey hianin cover thuai thuai ila kan ram hi, tichuan ram a la thar tur te, ram tuten emaw khawilaiah emaw an lo siam ang duai duai hi a dang vek dawn a. Land record kan la nei thei lo hi a pawihle mai a, chuvang chuan Land Revenue & Settlement hi tun aia ngaihsak, tin, kan dan hmanlaite pawh nimirah ka sawi tawh a, kan mamawh a keng zolo a ni tih hi a chiang em em mai a. Chuvang chuan helaiah hianin kan hotute, kan Ministry pawhin leh a Department changtu kan Minister pawhin ngaihtuahna lo seng tamin lo ngaihsak bik deuh se a tha hle in ka hria a.

Tin, Rural Development Department te hi sawi tur a tam viau in ka ring a. Kan thiante pawhin sawi duh an ngah ang a, mahse hun a tam tawh lova, mahse ka'n sawi duh hlek chu National Rural Employment Guarantee Scheme kan tih hi ta bik nei anga kan insiam a tha in ka hre lova. Hei, tunah an han ti tan a, tukinah hei ka bial chhungah kan hriat dan chuan Party ngaihtuahna hmang deuhin Village Council te chuan hma an han la tan deuh mai ang deuhin card pekna tura hming lakkhawm thuah pawh boruak a awm deuh in an rawn sawi a. Mahse a tak chu a ni em lo ang chu maw. Chung lakah pawh chuanin kan fimkhur ngain ka hria a, chu chu ka'n sawi duh hlek mai a ni.

Tin, chulovah chuanin Forest-ah hian han kal leh ila. Forest-ah hian budget pawh kan pe tam a, an hna a pawimawh a, kan Jhumland hi Forest-ah hian a tul chak lutuk ang tih ka hlau a. Tin, Forest hrilhfiahna anga min kalpui chuanin kan Jhumland, kan tlangram lo neih kan practice na, lehlamah chuan kan customary anga land ownership kan neihna hmun hi a ni a. Chuvang chuan, heng hi kan venthat leh nakina kan mamawh lokal zel tur en a heng kan Jhumland area hi Forest lama titul tamlo tura ngaihtuahna kan hman a pawimawh hle in ka hria a.

A tawpna ber atana ka sawi duh chu Rural Development leh LAD hi engemaw chen chu streamline deuha Village Development Committee thleng pawha Panchayati Raj system a in hrut emaw, kan ram mamawh tawh ang a in kalpui a heng kan Rural Development Department a hnate pawh hi Village Council kuta kan dah ang chenah pawh hian an mawhpurhna tur te, an tih turte an tih avanga sorkar atanga lawman an hmuh tur ang pawh ngaihtuahna kan hman chu tha khawpin ka hria a. Niminah pawh ka sawilang zauh tawh a. Village Council tunhnaia kan thiat tam ber hi chu RD Department hna an lo khawih sakna zar hi a ni fo mai a, chu chu tihchian leh tihfel a tha khawpin ka hria, ka lawm e.

PU ANDREW LALHERLIANA : Pu Speaker, ka lawm e. Demand sawi tur a tam hle a, mahse kan sawi seng dawn lova, ngaih pawimawh laiah kan kal zung zung ang a. Treasury lam ni lovin, Opposition ni a sorkar hi a tha zawnga a kalna tur a khalh hi kan tihtur a ni.

Demand No. 36 na-ah hian Zoo chung-chang thu hi ka sawi duh a. Tahchuanin, tiang hian ka'n sawi ang a. Kum 2001-2002 leh 2004-2005 inkara Central Zoo Authority atanga pawisa fund flow khami-ah khanin cheng nuai 62.84 hi Electrification and Cabling work atana rawn sanction a ni. Kha kha thawh fel vek ani tawh in a lang a, chuanin a cash account te ti fel vekin Completion Report te pawh pe in, Central-ah thawh thlak tawh a ni. Amaherawhchu, chuta siam tur pawimawh zawng zawng vawiinni-ah hian an han en let leh hian a siamtur a pawimawh ho kha a awm ta tlat lo mai a. Entirman, 500 KVA transformer ber mai cheng nuai sarh leh singnga man kha engkim mai supply vek leh utilization statement tih vek a record si kha tunah khuan Zoo-ah khuan a awm miah lo ani.

Tin, chulo lelah chuan, Security Light a awm lova, a siamtur ber security fence kha a awmlo tawp mai a ni. Tin, power generation stand by generation set kha a awm bawh si lova. Chuvangin, helai han en hian kha electrification and cabling work cheng nuai 62.84 man kha hmuh tur alawi awm lo khan vawiinni-ah khuan complete tawh siin a awm a ni. Hei hi khawngaih taka investigate turin inquiry committee din hi helaihan hian ka demand duh a ni.

Tin, khang bakah khan Zoo chhunga Rs. 3,300,000 (Rs. 33 lakh) retaining wall 15 siam zawh vek a record si khu zu en ta ila a hmunah khuan retaining wall 9 chiah zuk awm a mawle. Nuai 33 ah khan a zatve chuang deuthaw kha hman lohin a awm tihna a ni a. Khayang khan helaiah hian nuai 62.84 leh nuai 33 belkhawm nuai 100 dawn pawisa hi hmanna engkim ziah vek si, item zawng zawng awm bawk silo khu tunah khuan completion report feltak in a awm a ni. Hei hi khawngaih takin inquiry committee hi din ka phut duh tlat a ni. Kha kha Demand No. 36 na Forest-ah chuan ka sawi duh a ni.

Tin, Demand No. 20 - na a ka sawi duh chu Hei, School Education-ah hian kan MLA term tantirh - ah khan Consultative Committee atang pawh a kan lo sawi tawh, Mizoram Deficit Mission School ho hi Kohhran School zawng zawng deficit a awm, Presbyterian School te, Catholic School te leh Seventh Day te leh School hrang hrang tuna deficit a awm ho hi, hei hi deficit status mai nilovin, hmundanga an tihdan ang bawkin Pension Benefit hi an duh a, Pension Benefit kha extend an duh a ni. Hei hi an dilna a rei tawh khawp mai a. Kristian state ni ber si hian Mission School, Kristian ho School atana pension benefit an ti theilo hi a mak a. Karnataka te en ta ila, Tamil Nadu-ah te, Delhi -ah te, Haryana-ah te zawng zawng hian Mission School a zirtirtu ho zawng zawng khuan pension benefit an nei vek ani. Mizoramah chuan kan pek loh avang hian kan Mission School a tha-ah hian zirtirtu tha ho hi an chhuak leh thin. Pension benefit security an neihloh avanga chhuah angai leh thin a ni. Hei hi khawngaihtakin kan Minister zahawmtak hian a tih hi ka phut a. Hei hi kan tilo anih ngat chuan Kristian awm tam berna state hi kan mualpho ka ti ani. Kan Minister zahawmtak hian tihna hun rei a nei tawh lova, a tihloh vaih a sorkar thar a ding a, kan rawn ding chhuak anih ngat chuan hei hi ka agenda a ni dawn. Chuvang chuan, kan kohhran School ho zirtirtute ho zawng zawng hi Pension benefit hi pek ngei ngei hi kan bat a ni.

Tichuan, hun a tam lova, ka'n sawi zung zung ang a. School Education chungchang thuah hian School Education ah hian ka ngaih pawimawh ber mai chu Education Reform hi a ni. Tin, tun tumah budget session kan han tan a, ka lawman em em chu Governor Speech ni 11-ah khan a Speech bu-a phek 10-na, Section 18-ah khan Chiangtakin a sawi a. Chutah chuan National Curriculum Framework, 2005 hi Mizoramah implement tur ani tiin a sawi ani. 2009-2010 a implement turin a sawi a. A lawmawm hle in ka hria a, chu chu Education Department hian rang taka a kal hi tulin ka hria a. Chuvang chuanin a tul ani. India ramah hian Mizo hi literacy percentage-ah kan sang ber kan ti, mahse lehkha kan zir chhuak chho a, kan educated thalai hovin hna an han zawng a, hna an hmu thei tlat lo mai ani. Engatinge kan tih chuan an elementary education-ah khan thil fello leh education system thalo lutuk atanga lo thang chhuak an ni a.

Tahchuan, bye heart system in exam oriented in lehkha an zir a. Tahchuan, probable question, an exam na tur atana

question hlui atanga lo chhuak awm la chhuakin a chhanna an buatsaih a, kha kha an bye heart tir a, chutianga bye heart system a education - a lo chhuak chho kan nih avang hianin tikhan an lo puitling chho a, an matric a, an BA a, MA te pawh an ni. Amaherawhchu, India ramah an complete phak ve reng reng siloh avangin vawiini hian Bombay - ah te, Bangalore- ah te, Calcutta- ah te, Delhi - ah te ngei pawh khuan kan tlangval ho educated unemployed ho hi sangsarih, sangriat chuang an awm ani. Mizoramah pawh hian thalai educated si, hna neilo an tamna chhan em em hi India ramah hian an complete tha thin lova, kan Education chhiat vang, abikin elementary system a chhiat vang ani. Hemi a solve na tura a tha bera lang chu tunlaia an sawi uar em em continous comprehensive evaluation system hi a ni. Chu chu he National Corriculum frame work 2005 hian a keng nghal tlat a ni.

Hemi hnuaiia education system tha tak hi kan sawi hman lo ang a. Hei hi 'implement' a nih chuan a ropui hle ang. Hei hi National Council of Education Research Training in an tihchhuah a ni a. India hi Education -ah hian a sang em em a, a sanna chhan pawh hi education reform hi 1966 atang khan an kal chhoh pui reng vang a ni a. 1966 atang daih tawh khan Kothari Report atang khan education reform tuna system an tih hi an rawn tan tawh a ni. 1986 ah khan National Policy on Education khan a aia tha zawkin frame work a rawn siam leh a. 1990 ah pheii chuan Central sorkarin Programme of Action a duan hnuaiia hian heng continous comprehensive evaluation system ang chi hi adopt turin state tin min ti a. India hmarchhakah pawh hian state tenau tamtak keimahni ang tiat te pawh hian an lo adopt ve tlat tawh a ni. Manipur te, Maghalaya te, Nagaland te, Arunachal Pradesh te pawhin an adopt tawh a, Mizoram hian kan la adopt ve lo hi a pawi hle in ka hria a ni. Hei, tuna kan adopt tur hi a pawimawh a, hei hi fimkhur taka kan tih a ngaiin ka hria a.

Kan education system hi tuna system thar anga kan siamthat loh chuan India hmarchhak state te pawhin a literacy percentage sang ber ni mah ila min leh pel hrim hrim ang. Tuna kan hman ve tur anga lo awm hi lawmawm ka ti a ni. Hei hi National Council of Education Research in an rawn tih chhuah anih ang chiah in National Council of Education Research naute Mizorama kan neih chu State Council of Education Research & Training (SCERT) hi authority neia kan siam ve angai a. Statutory body a he Assembly ngei hian anmahni dan leh kalphung leh an dinhmun zawng zawng hi enactment siamin, authority body-ah siam ila. Tichuan, a curriculum lampang zawng zawng tepawh hi state dangin an tih angin lo enkawl ve se, elementary level-ah chuan. Amaherawhchu, High School level-ah chuan MBSE in an la take up hi a pawi reng reng lo a, chuvang chuan SCERT hi kan tihchang tlun 'strengthen' a, kan reform hi a ngai em em a. Text bookleh curriculum reng reng siamthatah leh Delhi a kan hotu ber ten National Council of Education Research in an tihchhuah ang te lo adopt ve zung zung a, kan education system hi kan siamthat a ngai tak meuh in ka hria a. Chumi tur chuan kan Minister zahawmtak hi hmanhmawha, thataka ti turin ka duh a. SCERT body hi strengthen selangin, tichuan text book te, engkim mai thlak in awl takin kan education system hi kan siamthat ve ka ring tlat a ni.

Tunah hian India hmarchhak state-ah pawh hian a hnufual kan ni ta hi paw ka ti a, churang chuanin literacy a sang khawp mai kan ti a, kan lawm thin ngawt a. Amaherawhchu, kan thalai ho vawiinnia hna neilo educated tam lutuk hian literacy sangin awmzia a nei lo hi chu a tilang chiang em em in ka hria a ni. A sang a sang tel an ni. Youth Commission lo chhuahna chhan pawh hi engnge ni? Ngatinge nawrhna a chhuah? Hna nei lo kan tam lutuk tawh a, hei hi engatinge kan tih chuan basic takin kan education system a chhiat vang a ni. Chumi ti tha tur chuan he School Education hian mawhpurhna thatak an neinin ka hria. Churang chuan, kan Minister hi Minister zingah pawh fakawm ber a ni a, Information Department kaltlanga TV min pe theuh pawh hi heta tang hian lawmthu ka'n sawi ve duh a. tin, min pek belh dawn ani tih hi ka rin tlat avangin lawmthu ka'n sawi ve duh bawk ani e, ka lawm e.

SPEAKER : Pu F. Lal Thanzuala

PU F. LAL THANZUALA : Pu Speaker, ka'n sawi duh chu Education Demand no. 23 -na ani a. Education Department hianin Minister zahawmtak leh feltak ho hianin thil pawimawh tak mai an ti nia ka hriat chu Hindi lampang an rawn chawi uar a. Hindi zirtirtu tamtak lak tawh ani a. Tunah pawh lak mek a ni bawk a. Hei hi a pawimawh em em mai a. India ram mi kan ni reng dawn a, chumi anih chuan India ram tawng, tawng pawimawh ber hi thiam hi a, ngai a, tawng hi kan thiam loh chuan mikarah kan zakzum a, keimahni personality development te pawh hi a khawlo vek a, mifel tak tur pawh a fel theih thin loh a ni.

Keini Mizoram State hi Mapa kan en pawhin hetah khawchhak fual takah kan awm a. Chhaklam leh thlanglamah leh chhim lamah hmarlamah, khatiang khan midangin min hual a. India ram mi kan nihna leh hemi nena midangte nena han inpawhsawp tur pawh hianin a harsa ber hi kan ni a. Mahse History-ah hetiang hi a lo ni zo tawh a, kan duhthusam te chu awm thei mahse hei hi khawvel awmchhunga kan awmna tur a ni tih hi ka ring a. Tuten emaw a Israel hnam ni kan inpawm chuanin Independent te pawh la awm thei a ni tih hi chu ka pawh pha vak lova. Engpawhnisela, india rama awm reng tur hi kan nih avangin hna zawmna atan chauh pawh nilovin, veivahna leh khami mahni han in haivenna atan hrim hrim pawh khan Hindi kan uar hi a tul em em a. Hemi hi kan Minister in a han chawi lar a, sum leh paite sawi chhuak a, zanga lai te lak an ni tawh a, han chawlh lailawk tir engemaw avangin a awm a, lak leh tawh an ni a. Tin, tunah hianin 687 lai mai lakna tur process an nei mek te hi a lawmawm hie ani.

Tunlai chuanin khawvel hi a te telh telh kan ti a. Mitam tak chuan Global khawvel pum huamin thil an ngaihtuah a, chung chu kan pha lo anih pawhin India ram pum huam tala ngaihtuahna kan siam ve hi a ngai a, hemi kan Zoramah pawh hianin tawng chungchang thu hi daidangtu ang hian a awmna a tam em em a, mahni tawng hi humhim a tha a, mahni tawng kan lo neih ve te bo lova, kan humhalh a, kan neih zel pawh tha tak anih lai hian kan inzawmkhawm zawkna tur innervation thatak kan neihna tur lama tawng hi malmak awl tak a ni. Khatiang alo nih kha chuan a te zawngin thil kha kan ngaihtuah a, kan interek nuaih mai a. Hnama chiang in ti si khan chian dan thalo zawk inzawmkhawmna awm lo zawng khan hnamah hian a chian ve theih a ni. Kan ramah pawh chu chu kan zir hi ngai tak a ni a, Politics vang emaw, engvang emawa a inte te zawng leh a pindan hrang neuh neuha awm zawng nilova rilru kan put hi a tul a. Chutiang ang integration impumkhatna thlentu atana pawimawh ber pakhat chu Hindi tawng kan thiam hi a ni. Chuvangin, kan sorkar hi a kal fuh hle in ka hria a. School Education Department pawh kan Minister zahawmtak hova an han kalna hi an fakawm tak zet zet in ka hria a ni.

Tin, chulovah chuanin kan School kal chhovah hian saptawng kan thiam hi a tul lutuk bawk a ni. Kawng tamtakah Hindi chuan hnamdangte kan han el ve chu reitak chhung a la niang. Amaherawhchu, English hi chuan kan thei a, English in kan lo ti tawh thin a, mahse kan ramah te zirna in te kan lo ngah tual tual a, College te pawh kan ngah a, University te thleng hial kan lo nei a, a that em em lai khan thil thalo pakhat a hrin chhuah ve ka hriat chu mahni tawng uarna hi a awm ta tlat mai a. High School te hi English Medium a ni chung hianin Mizotawng a inzirtir hi thingtlang lamah te pheih chuan kan ni deuh vek tawh mai hian a lang a.

Hei tak mai hi ka'n sawi duh chu English thiamna lamah hian tanlak lehzual a ngai lutuk tlat hian ka hmu a ni. Chutiang anih loh chuanin Mizo hi a hnam ang pawhin kan tlahniam telh telh ang. Tunah heng khawpui lian Aizawl angah te hi chuan zirtirna te pawh a tha a, School te pawh a tha a, Mathematics lamte, Science lam te, English lamte pawh an tha vek mai a. Tun tum Session-a ka zawhna pakhat an rawn chhanna-ah chuanin ka'n enchiang a, Doctor zirtura an lak tuna an zirtir lai mek 36 an awm a, chumi zinga a zatve aia tam chu Aizawl ami an ni a, a bak zawng zawng 60% lo deuh hlek kha Aizawl ami an ni a, a bak kha Aizawl pawn ami an ni ta a ni. Tin, Civil Engineer zir 34 zingah khanin 61% emaw kha Aizawl ami an ni a, chumi atang chuanin kan ram Education leh kan ram awmdan tura kha a lang ta a. Aizawl chu a tha, amaherawhchu thingtlang lam kan tha ta lo a ni.

Thingtlang lam School hi ngaihtuah a ngai hle a. Kan kal theilo a ni, kan rethei si a, hmundangah kan kal theilo a ni ti khan School din kha an duh a. Kei chu ka bialah pawh an sawi chuan ka phurpui ngai lo a, an din tlat erawh chuanin han phurpui leh a ngai ve bawk a, kha kha an

han din dawn pawh khanin khawngaihna hi kan lo ngah leh lutuk a, kan Officer thenkhatte pawh khanin naupang 40 tal neih tur a ni tihah pawh khan 40 nei lemlo te pawh kha 40 nei angte pawhin an lo tih tir emawni, khatianga kan inngaihthiam lutukna lamah khanin School kan han din a, a hlawh kan pe tha thei si lova, hlawh tlemah chuan zirtirtu tha an lo kal thei bawh si lova, tichuanin an han exam ve a, an han fail leh khanglan kha chuanin a fel bawh si lova, an han khawngaih leh a, an pass tir leh a, tikhan a kal chho a kalchho a, nunna tur emaw kan tih kha thihna tur a ni tih ang deuh khanin a awm thei tlat mai hi en ngun hi a ngai a. Chuvangin, thingtlang lam abikin kan High School kan inzirtir dante hi English a tawng thei ziazang tur leh ziak tha thei ziazang thei tur pawh hi kan ni tawhlo a ni, chu chu ka'n sawi duh a.

Tin, pakhat ka'n sawi leh duh tha ka tih em em chu - Voluntary Retirement Scheme an han siamchhuak tihpuitlin tur hi a lawmawm khawp mai. Tunah hianin hnamte tan hi chuanin kan tawng hian a thlen tawi em avangin tawng thiam tam hi advantage nasa tak a ni. Hnamlian tan chuanin University thleng pawh khanin engkim kha a lo tih theih vek a, hnamte keini ang tlem tan chuanin tawng kan thiam ta te alo ngai a, khamiah khan kan ram school awmdan hi han tih that thut theih hmel pawh a pu in ka hre lova. Zirtirtu kha hmanah khan fixed pay a lak kha a awm teuh mai a, Matric pass mang lo kha. Tichuan, an han awm rei ve deuh a, ka sawi tak ang khan khawngaihna hi kan ngah a, khawngaihna avang khan kan han in matric condoned a. Tichuan, Primary School-ah takngial pawh khan hisap pawh, English chhete lo awm pawh zirtir tha hleithei lo kha kan awm ta teuh mai a. Khatiang kha a lo ni a, tunah hian engtia tih tur nge ni? tih hian helaia Voluntary Term & Scheme hi thil pawimawh tak niin alang a. Mi tamtak chuan anmahni pawh hian an ti thei vak lo ani tih hi an inhre ve tawh a ni. Chumi avangte leh a chhan hrang hranga zirtirtu senior zawkte emaw, anmahni duhdan ang ngeia an han retrial theihna, hun tha tak a kalchhuah theihna hun leh a dang lakluh theihna kawngte a inhawngte hi a lawmawm tak meuh meuh a.

Tin, kan Minister hi a fakawmin ka hria a. Hmanah chhimlama a kal thu a sawi a, tahchuanin 'kum lehah chuan Kerala hi Literacy rate-ah kan lehpel tawh ang' tiin ka sawi a ni a ti a. A sawi ang tak chuan tan pawh lak an ni a. Kan han khum ta reng a. Hei hi sawi nep tur a ni lova, lehkha chhiar thiam kan tam chuan chanchinbu te pawh chhiartu kan tam tihna a ni a. Chu chu hmasawmna ropui tak a ni. Information Technology kan tih ang deuh khan hriatna - ah khan kan lo zau thei dawn ta a, kha kha thil pawimawh tak a ni a. Amaherawhchu, thil zawng zawng chu a nilo, tamtak kha a la awm a ni. Chu chu ka'n sawi duh a, kha ka hun a tawp tawh si a, pakhat chauh khawngaih takin ka'n sawi leh duh a.

Ka ngaihawh leh thil pawimawh tak nia ka hriat chu Promotion siam leh Headmaster siam hi a harsa lutuk hi a ni. Ka bial, Thingsai-ah pawh nikum kumtir lam khan Jubilee lawman-ah kan Chief Minister ho hian kan kal tawh a, chutah pawh chuan sawi a ni a. Tun thleng hian dah a ni lova.

Tin, Hnahthial Govt. Higher Secondary-ah pawh Principal nitur khan experience leh thildang kha alo khirh riau a. Tumah tunah Department-ah hian an awm bawk si lova, Vice Principal tur pawh kha an awm bawk lova, churang chuan retrial ngei ngei tur pawh kha kan dil leh ta ringawt mai ani. Khatiang kha ani a, engatinge hei hi? Keimahni chauh pawh kan ni lovang. Zoram hmun hrang hrangah kan awm ang. Headmaster neilo, senior most teacher charge laktir ringawt khan administration ah buaina tamtak a siam ani. An lo zah lutuk lova, qualification-ah eng ni vak chuang si lo chu. Tin, zirtirtu senior tamtak kha administration lampang ti mi vak pawh kha an lo ni lo a ni. Chuvangin, helaiyah hian tih thuai thuai a tha hle in ka hria a, chu chu ka'n ngen bawk a ni e, ka lawm e.

PU R. LALZIRLIANA

: Pu Speaker, ka lawm e. Rorelna-a thut hi kan Minister zahawmtakte hi an zahawm angin an peihlo a nih hi mawle ti raw? Demand No. 20-na ka hma-a MLA zahawmtakin a rawn sawi ang khan

thingtlang lam hawia education hi a kal a tul khawp mai a. Parva High School hi ni 5/3 khan kan MLA zahawmtakte hian an tlawh a, hetah hian zirtirtu pakhatmah an la kal lova, admission pawh la tihloh a ni tiin YMA te an lo zualko a ni. Chu chu kan Minister zahawmtak hi ka hriattir duh a ni.

Amalgamation policy thar vawiin ni-ah hian kan Education Department hian an ti dawn, an ti mek niin a lang a, hei hi a policy hrim hrim hi sawisel ka tum lova, a tha ka ti khawp mai a. Zirtirtu indaih zawk leh zirtirna indaih zawk leh English Medium-ah te an let zel thei pheite anih chuan a tha a, mahse a tihdan hi hei rum ruma intih hi mipui zahlohna liantak niin ka hria a, a thalo takzet in ka hria. Nichina kan Minister zahawmtak hian tihluhna in tumah kan ti lova, a duhlo chu an awmlo mai ang a ti a. Ani mai thei e, force-a an tilo a nih pawhin an Department in an tihdan - ah chuan mid-day meal te pek thein in ni dawn tawh lova kan pe tawh lovang che u, an ti a ni. Hei hi vau leh thlemna a ni tih hi a Chiang em em a, tihluhna a in a na zawk a ni. Chuvangin hetiang ang Central sorkar in kum 6 atanga kum 14 naupang zawng zawng school kaltir a tum lai leh mid-day meal naupang zawng zawng school atanga hawng kher lova an eitur chhun chaw a rawn tum laia helaiyah tihluhna ang lek leka school kar khawm a ni hi thil fello a ni, a policy erawh chu a tha ka ti. Chuvangin, kan ngaihtuah ngun deuh a ngai a, comprehensive, keini hunlaia kan tih pawh kha thil tha tak a ni. Mahse, a kalphung fel tawklo deuh leh hmanhmawh deuh vangte pawh a ni thei e, vawiinni-ah hian khatia kan tih kha an rem leh zo tawh a, an hrang leh vek tawh a ni. Hei hi kan ngaihtuah chian a pawimawhin ka hria a. Hetiang anih hian kan Minister hian nguntaka a ngaihthlak ka duh chu School sawikhawm hi sorkar policy ani reng em? Englain nge MNF sorkar hian an lo policy tak? Chutiang alo nih pawhin notification emaw, Cabinet Meeting talin he policy thatak niawma an sawi hi an ti em? tih kha ka han hre duh bawk a.

Tin, a pahnihna-ah chuan Education Department hian hetiang tur hian order engemaw tal hi chhuah a nei em? zirtirtu transfer te engkim hei hian a ken tel avangin thil buaithlak angreng tak mai ani a. Nge ni, Officers Meeting hrang hrang an ti a an nawr ta rum rum zawk nge? Tih hi hriat a chakawm hle in ka hria a. Hetiang anga entirnan ka bialah khaw tawpah Sihfa-ah School a awm a, lehlam tawpah a awm a, alaiiah kan ti dawn a nia an ti a, chutiang anih lai chuan an duh em em a ni. Amaherawhchu, a laiah ti dawn tih kha engtik kumah nge an rawn tih ang tih kha a hriat tawh si lova, wawiinni-ah hian hmun dang dang ami pawh midday meal cut sak an hlauh avangin hreh chung chungin, tap chungin an kal takzet a ni tih hi he House hi ka hrih duh a. Dan tlawhchhan tur mumal feltak an nei em? Nei lo a ni a. Sorkar hi a zan kal leh mai anih chuanin Law & Order kengkawh zolo sorkar kan tih hi dan leh thupek tak tak hi tute hian nge kengkawh dawn? tih kha hei hian a keng tel thoin ka hria a ni. Khalai kha tawite in ka'n sawi duh a, hun a awm chuang ka la beleh leh ang a.

Environment & Forests Demand No. 36 na hi han sawi leh hlek ilangin, a hmasa in Vairengte ram baw kha han sawi leh ka duh a. Hei hi sipai leh sorkar leh khulaia micheng ten, ram neituten kum 2004 lamah khanin an lo inbiakrem tawhna a ni a. Chumi hnuah chuanin objection nei apiangin han sawi tur a ni an ti a. Hemi objection an hawn lai hian kan Forest Department te hian an ti lova, tlai khawhnu-ah an va ti a, tichuan sorkar pawhin an pawmlo niawm tak a ni. Amaherawhchu, Forest Department hi kan hria aa, concurrent list ami a ni a, helaiiah kan duh duhin tih theihlohna chin sorkarin a awm ve baw a ni tih erawh chu ka hriatpui a. Engpawhnisela, khulaia ram neitute khu an fel tawklo ani tih an lehkhabu ka'n keu pawh hian a Chiang reng a. Heng fel tawklo te avanga mipuiin an tawrh kher hi a tul lovin ka hria a, a fel tawklo chu a fellow ang angin kal mai selangin, chutiang ang chuanin helai thil hi chin fel ran sak a tha hlein ka hria a ni.

Tin, a pahnihna-ah chuan Forest Department ina hei BAFFACOS kan hmuh hi 2004 atangin BAFFACOS hi kan hmang tan tawh a ni a, khatah khan engatinge ropeway hi an lo siam tawh loh ka ti a ni. Mau a tam dawn a, a ro dawn a, phurhchhuah tur pakhatmah a awm dawn tawh lo tih kan hriat vek kumah hian engatinge ropeway Kawlkulh leh a dang pawh pali lai kan la nei in ti lehngal a. Chutiang ang chu an siam mai? Tih hi hmalam kalna tur ngaihtuahna mumallo tak mai an siam tih hi ngaihtuahna mawlmang tak hmalam kalna tur chinchang hrelo tak maia sum leh pai hmanna tur zawinna tur hrim hrim em ni aw, thil danglam tak kan Chief Minister mumang angreng deuh tihpuitlin nan an ti mai zawk nge, ka hre chiah lova. Chutiang deuh chu niin ka hria a. Kawlkulh ami khi mau pumkhat Rs. 375/- ang velin wawinah hian an siam a ni. Mau 4800 chiah a phurhchhuah avangin, 28 lakhs nge ni a siam kha, nuai 18 a siam a ni a. Chuvangin, mau man Chief Minister mau bamboo Chief Minister min ti mai a ti a, mau chu a hralh to tha angreng viau chuan ka hria.

Tin, Forest-ah hian hei, luidung kam l K.M ram thalai Forest Department in an nei tlat mai hi kut hnathawktute, a ram neitu ten kan mamawh chuan Forest Department atang hian kan laksak ngaiin ka hria a. He ram an humhalh tlat hi an titha ka ti a, keimahni District Council lai atanga dan siam tawh, khauh takin an lo humhalh thei hi he Department hi an fakawm em em in ka hria a ni. Chu chu thil tihdan tha zawk a awm lawm ni tia rawtna siam ka duh. Minister zahawmtak hian min lo ngaihtlak sak tha sela ka duh a. Kan Leader in a sawi dawn lova, minute hnihkhat chu min belh sak thei dawn lawm ni. Hei hi thingtlang mipui kut hnathawkin kan mamawh tawh. Tin, keini ngaihtuahna chauh a ni lova, kohhran atanga an ngaihtuah pawhin hei hi demand a sang em em a ni. Chutiang ang chuan VC ten supply reserve te, safety reserve te an enkawl a, mahse inthlang ram kan ni a, VC pamham deuhte an lo thlang thin a. Chung chuan anmahni tan an vat chereu zo tawh a, khawtlang mamawh atan te, School te kan din a, private in an hlawhte siam a ngai a, an hralh thin a ni. Chuvangin safety reserve te, supply reserve te kan nei tawh lo a ni. Tin, kan tlangram lo neih tlak loh, mahse hmun mawi leh tuihna siamtu zawng zawng kan vat chereu tawh a ni a, hengho zawng zawng nen hian kan luipui phairuam hi inthlak sela, chutiang inthlang thei tur chuan dan kan siam a ngai tawh a ni, dan siamtute hian. Chutiang chuan luipui phairuam Forest Department tan pawh zuk enkawl harsa si, helai an enkawl lai mipui in an hmuh theih tur leh kan ram timawi tur, boruak tha leh zotui thiang kan tih ang min pe leh thei tu tur kha kan Forest Department hian chaktak maiin kum 10/15 vel thing phun hna chu han thawk leh ta sela, kan ramah mi kal an chak ang a, boruak thianghlim leh dai tha kan nei dawn a ni. Vawiinni atanga hma kan lak chuan kum 20 hnuah chuan kan nei ang.

Tourism han tih a, khita Chalfilh a in han Sak ringawt a nilo, kan ram hi a mawi tur a ni. Khinglai te khi tumah vah tir tawh suh u ka ti a, 1999 atang khan ka sawi a, mahse he Ministry hian khatiayang kha an thlir pha lo reng reng, ropeway an siam ang chauh hi a ni. He thil hi ngun deuha kan ngaihtuah chuan kan ram hi chenna nuam takin kan la siam ang, tunah chuan a tlanglamah hlir in kan sa a, khua a awm a, tun atanga reilo te-ah chuan ramro/thlaler-ah kan khua te hi a awm vek dawn. Dan kan siam that a, Forest Department in heng safety reserve leh supply reserve zawng zawng leh kan tlang te hi an lak tak tak chuan kan ram hi a nuam leh ang a, vawiina kan tui tlan zawng zawng pawh hi hei aia hna tam zawk a siam leh ang. Chutiang tura ngaihtuahna sorkar siam turin ka ngen a ni. Ka lawm e.

PU LALTHLENGLIANA

: Pu Speaker, ka lawm e. Demand No. 20 na
- Education lamah hian han lut phawt mai
ila, kei mithiam lo ka ni a, ka thlirna atang
chuan hma hi kan sawn khawpin ka hria

a. Mizoram zirna kan han kal chhoh chhung hi a la rei lo hle a. Sap ho hunlai phei kha chuan mizo in pawl ruk bak pass a ngai lo an han ti a. 1947 atang velin kan tan chho a ni a, Hei, Nalanda University te kha B.C 300 vel, Ashoka hunlai atanga din tawh kha a ni a, Alighat University te pawh a ni. Keini ve hi chu 2001 ah University kan han nei ve chauh a ni. Chutiang anga tlai chu vawiinah literacy-ah India rama pakhatna kan ni chho mai hi chu pumpelhah kan kal nasa hle a ni, a ropui a, lawmna chang kan hre tur a ni. India Today in a chhut dan khan Mizoram kha 6.20 a ni a, Kerala kha 4.19 a ni a, kan khum nasa viau a ni. Chutiang dinhmuna kan han ding theite ka han ngaihtuah chuan kan la reiloh ngaihtuah hian hma kan va sawn nasa em. Doctorate Degree nei meuh ina education lam an lak atang phei hi chuan nasa takin Mizoram hian hma a sawnin ka hria a.

Tun maiah School building ringawt pawh Primary School building 571 sak a ni a, Middle School 474 sak a ni a, a dang zawng zawng chu repair deuh vek a ni, a bang kha. Sak thar ringawt pawh hi atam rapthlak ringawt mai a ni. Chu mai bakah zirtirtu tamtak lak belh an ni a, Hindi lam kan uar a tul avangin nasa takin kan Minister zahaawmtakin a zuk nawr a, zirtirtu 500 lak an ni a, chumi bakah chuan la lak leh tur written test nei vek tawh 687 lak tur kan la nei te han ngaihtuah hian a ropui ka ti takzet a ni.

Hetiang taka hmasawwna tunhnai maia ropui tak maia kan han neite hi a ropui ka ti a. Tin, naupangte intihhlimna turin field outdoor frame tihte, heng tawlhpharit, pipu te an han siamsak a, midday meal an han ti te hi kum 2006 February 15 atang khan chawl miah lovin vawinni thlengin ruai an la theh mup mup reng mai a ni. Christmas ruai han nawn te pawh hi a har tehlu nen, hetiang zozai a naupang enkawl na tura hmalakna ropui hi fak tham a thlengin ka hria a. Heng avang hian sorkar School-ah Primary School-ah pawh hian naupangin luh an inchuh tawh a ni a, tunah hian remchang zawkte a lo awm nual takin tiin amalgamate policy-ah kha chuan an kal mai chauh zawk a ni a. Nichinah khan a sawi tawh a, he thilah hian tihluhna a awm lova, khawtlang duhdante en a ni ang tiin a sawi a. Tilui tur ang hrima an sawite pawh kha a diklo a nih kha. Chutiang ang chu ani a, he Youth Success Scheme - ah hian 2007-2008 ah Rs. 48710609 lakhs pawisa dah anni te hi a ropui tak zet zet in ka hria a ni. Chutiang ang dinhmuna chuan kan ding a, tunah hian Western Belt-ah te minority avangin literacy-ah kan hniam deuh a, tan an han la a, kan DDO thlengin Education Department lam ten nasa taka hma an lakna zarah tiang hian hmasawwna a lo awm chho ta hi a ropui takzet a ni. Hetiang zeal kan kal chuan mithiam tak tak kan ngah chho telh telh dawn a ni.

Vawiinah zirlai hna hmulo kan han tihte pawh khan Hindi atang ringawt pawh mi sang chuangin hna an hmu a. A diktakin Police-ah ringawt pawh mi sangthum chuangin hna an hmu dawn ta a ni a. Chutiang khawp chuan he sorkarah hian kan thangtharte, kan mithiam ten hna an hmu nasa em em a ni. Chubakah nasatakin dap a ni a, Call Centre-ah te, ramdang dangah hnathawhna hmun ngaihtuhsak an ni zel a. Kan mithiam tamtakte an kal zel a ni.

Mithiam tan khawi State-ah pawh hna hi a tam a, thiamlo BA passed sattiah tan chuan hna a har tan a ni tih an hria a, thiamna lamah vawiinniah chuan kan mipuite, kan zirilaite an inflansiak nasa ta hian namen lovin kan ram boruak pawh hi a danglamin ka hria a. A hmingin kum engemawzat Chairman te ka lo ni ve a, kan nihtirh lai kum 6 hmlam te ka thlirin vawiini -ah namen lovin College lamah thleng hian School Education a hmalakna a that avangin College-ah pawh hian hmasawna hi a kal nasa hle ani.

Tichuan, Demand No. 38 na Rural Development-ah hian R.D atang IAY, PMGY avangin mirethei tam takin in leh lo an han nei te, hmeithai pachhiaten in leh lo chenna tlak, tha tak tak an han nei te, chumai bakah upgradation atang te pawhin khatiang khan in leh lo an nei a ni. Chumai nilovin, NREGS inhlawhna la awm hian khatiang khan ni 1000 kha inhlawh tak tak ta sela an lo hna an thawk hman dawn lo, nakum leh hi kan tam dawn, chuvangin an mahni lo-a feh chung pawha inhlawh theihna tur he sorkar hian a la siam sak leh zel a ni. A lawmawm tak takin ka hria, lawmna chang kan hre tur ani.

A diktakin mak ka tih em em chu Pu Speaker, i veilama miten Kawnpui bialtu zahawmtak te khan lawmna tur reng reng neilo, beidawng hulhual, kut lukhuma thu ang khan a insawi a, Kawnpui tuilakna zawng zawngte, a chhak tlangdunga tih leh mek a ni te, tui intur neilo dangro tuihala awm te vawiinni-ah hian a hnawng chuap vek tawh a ni lawm ni? Lawm ve nachang hi chu hriat atan a tha khawp mai.

Tin, hei Prison lamah hian kal leh ila. Jail hmun tamtakah nei ngai lote min pe a. Mamitah Jail kan neihloh avangin, a dik takin Magistrate te tan pawh tihngaihna awm lo, buaithlak em em a awm a, khulaiah reitak an kawl thei thiang lova, Police ten, Aizawla dah chhoh a ngai a, a buaithlak thei em em a ni. Jail min han sak sak te hi a lawmawmin a ropui em em a. Tunah hian hawn theih tep tawhin a awm te hi a lawmawm a ni. Chutiang bawkin Kolasib Jail tawt em em te kan vei tlang a, manganthlak khawpin an tawt a ni. Chuvangin, Vairengte-ah Sub-jail sak a han ni leh mai turte hi a lawmawm a, hei hi chak deuh zawka kalpui thuai thuai te hi a tha in a rinawm a ni.

Chutiang chuan Forest Department lamah Demand No. 36 na ah ka'n lut leh zawk duh a. Kumin chhunga lawmawm em em thil thar ka hmuh chu hei lo an vat a, an hal deuh vek tawh a ni. Ramkang sawi tur awm ta manglo te hi kan Forest Department hmalakna ropui tak a ni a, chumai bakah ramngaw humhalh khua te chawimawina an pe a, pawisa leh Certificate mawi tak takte siamin an pe a. Hei hian reserved forest enkawl mi ti chak vek mai a. Nikum khan ka bial ami Rulpuihlum khua in ramngaw humhalh that avanga lawmman an hmuhna-ah khan ka zuk khuallian nghe nghe a ni. Chutiang chuan ramngaw humhalhah pawh tan an la nasa ta em em mai a, tichuan tunah hian zoram mipuite manganna ber mai, Teak cubic meter 500 zet mai Bairabi Rail Station a awm nguk maite chu tunah khuan vawiinni atangin an phur tan ta a ni.

Teak chingtute manganna chu he kan sorkar chaktak hnuaiyah hian chaktaka kalpui zel a ni te hi a lawmawm tak meuh meuh a, kan tunhma dinhmunte kan ngaihtuah chuan lawm vek awm tak hi kan ni.

Chutiingin, School lampangah zirna inah te, engkim mai hmanrua, TV thleng te in Computer te pek an ni te, chutiang taka enkawlina pek an nih avang chuan vawiinni-ah hian School naupangte pawh hian School kal nuam an ti a, lehkha zir nuam an ti a, hei hian hmasawmna ropui tak min pe a ni.

Chuvangin, Pu Speaker, vawiini-ah hian kan tunhma dinhmun reilote a ngaihtuahna atanga vawiina kan dinna han san tawh zia te, India ram pawhin hmelhriat kan nih dan te, 1964 ah Bangalore-ah ka awm a, chutihlai chuan Mizoram hi an hre lo reng reng. Kawthlerah pawh Aizawl tih leh pheih chu hria an awm lo, vawinah chuan a lang berte zing ami kan ni ta a, a lawmawm ka ti takzet ani Pu Speaker, ka lawm e.

S P E A K E R

: Awle, tikhan kan sawihona kan duh tawh tawh rih ang a. Kan Minister te wind up a, an demand te pass dil turin kan sawm dawn ang a, zing lama kan sawi tawh ang khan vawin hi ban hma deuh a, insiam rem tlang kan ni a. Chuvang chuan wind up pawh kha a tawi thei lam kha a nih angai a. Tichuan ngenna ka han siam thar leh a. Tunah Dr. R. Lalthangliana, rawn wind up a, a demand te pass rawn dil turin ka sawm e.

**Dr. R. LALTHANGLIANA
MINISTER**

: Pu Speaker, ka lawm e. Hei, inkhawm zan a ni a, dar 7 inkhawm a ni a, a reilo zawng erawh chuan sawi ka'n tum turah ka ngai a. Demand pali ani a, vaibelchhe zathum leh pali, a tam em em mai a, pawisa lah chu. Taidarh deuh mai Department ka enkawl a, chuvang chuan engemaw kan ngaih pawimawh zawngte kan han sawi dawn chuan a ngaihna a awm lo hrim hrim a. Amaherawhchu, kan han exceed hlek pawhin min hriatthiam ka duh khawp mai a. A reilo zawnga speed chak deuha kal kan tum turah ka ngai a. Pu Auva nen kan insiam rem a, demand pathum chauh ka nei a, kei chu a rei lo hlek mai thei a ti a, chuvang chuan min pe then hlek mai thei. Kan insiam rem hlek, amaherawhchu a tawi zawnga sawi kan tum tur a ni.

A hmasa berin kan Department enkawl, hemi Information chungchang hi ka'n sawi lawk duh a. Kha, lawmthu kan han sawi tliar tliar a, a lawmawm a, Department lian si lo, kawng lehlam-ah chuan he

Department hi pawimawh zet mai, Department dang zawng zawngte leh kan Minister te, a bikin kan intawm anni tih kan hriat ka ring a. Hmuh theih loh lam sia buai em em mai, function pawimawh tinreng mai a tihsual hlau em em maia fimkhur tak maia tih ngai si Department an ni a, kawng lehlamah chuan a theih ang angin sorkar pawhin kan han thuam tha zel mai a. Amaherawhchu duhtawk tak a awm lova. Nichina han tarlan ang khan, kan mu tan ber pakhat kan Officers 13 te tlema an dinhmun han tihfel chungchangah te, anmahni pawh an lawm ve hle in ka hria a. Tin, heng bakah hian kan Technical Staff te dinhmun te pawh tiang khanin tih that chhoh zel a ni a. Mahse post ruak kan han neih hi an Association lampang pawhin min hrilh thin a, kan fill up hleitheih thin lova, helai hi kan rilruah kan hre reng a, mahse a tih zung zung theih bik lova.

Tin, nobility tul em em mai Department an ni a, kan MLA ten tuman in sawisak lo na a, hei hi kan Chief Minister in a ngaipawimawh a, nikum engemaw lai khanin motor 4 te chu min han lei sak a, an la indaih lo hle a. District tin maiah District Office tiang hian kan han hung chho ve ta a. Chumi karah chuan VIP movement te leh function pawimawh khatianga che tla vel an nihna laiah an mamawhna a sang hle a ni tih kan hriat ka duh a ni.

Tin, hei Chanchinbu lampang te, Electronic Media te, Central media Unit - Doordharshan te, All India Radio te leh PIB te, hengte nen hian kan thawk ho tha em em mai hi Pu Speaker, ka'n sawi duh a. Hetiang ang reng renga thawh hona tha Directorate te nena kan thawhhona tha hi India ramah hmuh tur a awm lovin ka hria a. Mak pawh ka ti a ni. Tlem lai deuh lawka February thla tira kan Economic Editor Conference Aizawl a kan han neih te pawh khan an sawi duh viau mai a, kan hotu lian Central atanga lo kal khan. Hei hi hmun tam takah chuan conflicting ti mai ila, engemaw inngaihlohna ang chi an nei thin, an nei duh khawp mai. Kan ramah erawh chuan hei thla tin mai Committee te an han nei hova, Mizoram sorkar hmalakna te public ina engemaw kan hriat tur tul uar bik subject neia thil an han kalpuite hi a ropui ka ti thin a. Tin, nikum hmasa lawk khan North East huapin Mizoramah chanchinbu mite intawh khawmna te kan han buatsaih a. Tin, tunhnaiah nichina ka sawi ang khan, Economic Editor Conference te tikhkan kan thleng a, a Department lian vak silo hian thil tam takah hma kan la a ni tih kha ka'n sawi duh a ni.

Tin, kuminah hian thil chhinchhiah tlak tak kan budget-a kan han hmuh thar hi ka'n tarlang lawk duh a. Chu chu kan Journalist, Mizoramah hian Accredited Journalist tamtak kan awm a. An facility hi kan lo ngaihthah rei ve viau mai a. Atu amah in demna thil ni lovin, hei kan Chief Minister te nen kan han inbe rawn a, kan Chief Minister te leh kan hotu dangten an ngaih pawimawh em em mai chu Journalist Welfare Fund hi tun tum kan budget-ah hian Pu Speaker, a rawn lang ta a. A token ang deuhin nuai 10 kan han dah a. Tin, heng bakah hian kawngdanga heng an hamthatna kawng hrang hrangte hi ngaihtuah turin hma kan la dawn a ni tih ka'n sawi duh a.

Tin, tour hi Mizoram chhung leh ram pawnah hian kan buatsaih tam viau mai a. Hei hi a lawmawm khawp mai. Pawisa pawh kan hmang tha in ka hria a, a then hi chu dilna a tam si a, MUP chumi bial ami.....hetah Bairabi kan kal duh..... Airport kan kal duh tihte kan semzai chang chuan sing khat kan pe tawp a, a bak chu intum rawh u te kan ti a. Tiang chuanin Mizoram chhungah Darshan II pawh hi kan buatsaih tam hle a, a zat erawh chu ka sawi loving a. Tin, rampawnah kumin pheih chu kan zinchhuah tir bikte kan Officers bikte pawh kan han nei a, tiang chuan hma kan la a ni tih ka'n sawi duh a.

Tin, Advertisement chungchang hi ka'n sawi nawn leh duh chu House-ah hmanah kan sawi tawh a. Information Department hi chu a nodal department chu kan ni ngei a, amaherawhchu kan sorkar department head te pawh a chang chuan kan inko khawm a, anni pawh hianin in Department tarlanna tur ang chi hi chu sum dah tam ve deuh teh u ti te in kan inti nawk nawk a. A sawt pawh tiemin kan sawt deuh a, vawiinniah pawh hian chu chu ka ngenna anmahni pual pawhin ni ve sela tih kan duh a ni. Awle, chu chu nimai sela, sawi dawn chuan sawi tur tamtak a awm a.

Thil pakhat lawk - Infrastructure lamah hian center 16 -ah Pu Speaker, tunah hian information center cum cultural center tur kan din chho mek a. Hei hi Border Area kan nihna zawn atanga tangka nuai 260 kan hmuh atangin kan ti a. Chuan, nuai 160 bawr heng a dinna tur atan hian kawng hrang hranga senso tur ruahmanna a kal chho a. Tin, nuai 100 bawr hi TV te, in lo dawn kha, khang lei nante khan kan hmang ve ani. Kha kha kumdangah tunhmaa kan hmuh ngai miah loh, Home Ministry atanga kan hmuh tangka a ni tih kha ka'n tarlang lawk duh a ni. Chu chu Information chungchangah chuan a tawi zawngin ni mai sela.

Ka'n sawi leh duh chu - Hei, Environment & Forests Department ah hian kan han sawi neuh neuh kha ka sawifiah zel chuan Pu Speaker, a rei dawn a, amaherawhchu thil inang khat tlang, kan thahnemngaihna inang khat tlang a awm nual a, ropeway chungchang kha ka han sawi lawk teh ang, Pu Zira khan a rawn sawi a. Hei hi a nihna takah chuan tun hnaite lutuka kan tih pawh a ni bik lova, 2004-2005 ah khan siam a ni a, 2005-2006 ah tiang khan Kawlkuh kan han ti a, tunah pawh hian Lunglei District-ah pakhat kan ti leh mek a. Ka'n sawi duh chu hemi ruahmanna hi tunah pawh hian Mizoramah hian tlema mipuiten-a thil engeni kan va hriattir dik lo awm ve chu mau a tam dawn kan ti a, mautam khanin tangka zawng zawng kha buhfai leinan khan a tih ngawt theih lova. Forest-ah pheih chuan Bamboo Action Plan kan buatsaih hian Govt. of India in guideline feltak, hei hi chu kawnglahna tur atan, hei hi chu chumi khami plantation atan... Tin, tuna Forest ina kan combat na tur atan mautam kan lo dona tur atana kan inbuatsaihna ber mai Central Sorkar pawhin min duhsakna lai hi chu nursery te siam a, forest regenerate lehna tur atana ruahmanna siam turin min duh em em mai a. Chumi kawngah chuanin hma kan la nasa viau a, a tangka sum sem ngawt ang chi kha ani leh lo ani. Thil tamtak kan hmalakna a ni tih ka'n sawi duh a.

Tin, ropeway ah pawh hian ka'n sawi duh chu hei hianin Kawikulh khilai vel bawra mau ringawt lakna tura ropeway khilalah khian dah kan nilo tih kha min hriatsak kan duh khawp mai a. A chhan chu, khawl a ni a, portable ti mai ila removeable a ni a, lak sawn mai mai theih tura kan tih a ni a, Kawikulh-a kan mau khi vanduai thlak takin an tam leh harsatna avangin duh angin kan phur tha thei lova, khulampanga kan hralhna tur te nen a rate chungchangah harsatna te an tawk a. Amaherawhchu, hetah hian kan hmang zo anih pawhin khilai hmuna kan hmangzo anih pawhin kha khawl kha Khawhai bialah pawh kan phur chho leh daih mai ang. Tin, hetah Chawngte lamah pawh a tul danin kan phur thla zel tho. Chuvang chuan chhe mai mai theilo tur anga khawl anih avang hian tiang chuanin kan operate na tur hmunah mau a zo anih chuan hmundanga hman theih tur ang chi ani tih kha ka'n sawi duh a ni. Chuvang chuan kha kha chu Pu Speaker, laksawn theih a ni e, hmunkhata dah reng tur chi pawh ani chuang love tih kha ka'n sawi mai a nia, a engemaw zawngin ngaihtuahna neilo ta ila a that ka ring a.

Tin, chulovah chuanin kumin hi kum lawmawm deuh mai anihna chu mautam avang hian kan mau tamtak a ro a, amarawhchu kumin hi ka hriatsual loh chuan hei survey kan han nei thei lutuk lo na a, a lan danah chuan Pu Speaker, ram kan tih kan tlem ber kum niin kan hria, tah hian kan VC te, kan YMA te, MUP te, pawl zawng zawng timai ang leh kan sorkar hnathawk te, kan chanchinbu te, heng zawng zawngte thawh rah hi a ni a, waviinni hian an chungah pawh lawmthu kan han sawi duh a ni tih kha ka'n tarlang a ni.

Tin, kahpah deuhin ka'n sawi ang a, Pu Andrewa han sawi helai Zoo chungchang thil kha hun reilote-ah hei report kan rawn pe thei nghal dawn tawh a, kan hre vek a, khalai thil kha. Chuvang chuan thil diklo a awm anih pawhin khalai kha ziak pawhin a sawi chhuaktu ngei kha kan thil finding diktak kan rawn pe thei ang che tih kha ka assure duh che a ni. Chuan, (interruption) la thei ang, a diklo thil a awm anih chuanin action kan la thei loving khalai chu. Khami Bamboo link road kha chu keimahni Forest lam a nilo. Nuai 30 tela Bamboo link road kan laih ka hre lo.

Tin, kan MLA zahawmtak Pu Rohluna sawi a ni ta in ka hria a, Khuangphah road kha a dik em? Chumi chungchang kha hei theihtawpin tan kan la a, keimah ngei pawh hianin Delhi-ah Ministry of Environment & Forests hotute ka zuk bia a, lehkha pawhin kan zuk ti a. A awmzia chu BRTF in khilai kawng an laih hianin clearance la hmasa miah lovin an lo bur a, nasa tak mai khan an lo thawk tawh si a. Chu chu tunlai chuan engeni hmangin engkim mai thil thleng khan an hre vek mai si a, chuvang chuan objection an rawn siam a. Tah chuanin thil kan han kalpui chho zel a, hun rei lote-ah a fel theih pawh kan beisei a, a tha zawngin thil a kal e kan ti mai ang a, a tawi zawngin. Sawi dawn chuan thil chipchiar tam tak a awm, tiang zawng chuan ka'n chhang ang e.

Tin, Pu Speaker, I bialte pawh a ni a, Vairengte-a kan sipai ho awmna hmun chungchanga harsatna kan han tawh chhoh mek pawh theihtawpin sorkarin tan kan la a, hei kuminah ngei pawhin Telephone te leh anmahni ngeite pawh hmuin an zuk buaipui a. Tin, ziak ngei pawhin kan tih theih ang ang sorkarin helaiah hi chuanin Ministry lamahte pawh kan zu thlen thla thin a. Tin, tunah hian hemi Tribal-ah Act kan tih lo kal hianin thil tamtak hemi chungchangah pawh hianin a rawn settled thei turah chuan ka ngai a. Engpawh niselangin tun dinhmuna a tih theih ang ang tihna kawngah sorkarin chawl lovin hma kan la a ni tih kha he House hi a tawi zawngin ka'n hrihfiyah ni mai sela a tha awm e.

Tichuan, ka'n sawi leh duh chu Forests Policy kha Mizoram hianin tunah chuanin kan han ruahman fel ve thei dawn ta a, kan lawm khawp mai a. Hmalak tam tak kan neihte zingah Mizoram Forest Policy 2007 kha tunah hian sorkarah pawmpuina pawh lak ni tawhin kan han nei ta a ni tih kha ka sawi duh a.

Tin, chumi rual chuan Mizoram Forests Produce-ah Mahal Rule 2002 te pawh kha tiang hianin kan han kengkawh chho zel a. Mahal pawh hi heng avang hian Pu Speaker, kan settled theih tam phah khawp mai a. Hei, kumin hian Revenue kan han hmuh zat 2007-2008 ah pawh hian a chhuanawm ve viau in ka hria a. Nuai 171 leh sing 5 leh sang 3 leh 824 lai hengah hian kan hmu a ni.

Tin, Mizorama kan la neih ngai loh Saw Mills leh Other Woods Base Industry Rules, 2007 hi tunah hian ruahmanna kan nei chho a. Law Department in min pui tawh a, Central sorkarah min pawmpui turin January thla khan kan thawn thla a, a chhanna kan nghak mek a, hei hian awmze nei takin Mizorama kan thingzaithe hmundanga kan hralh theihna tura kan sawngbawl theihna tur atana kan dah a ni tih House-ah hian kan hriattir duh a, hei hi thil pawimawh deuh mai a ni.

Tin, Kawrthah a kan working plan hmasa ber kan zo ta a, a lawmawm khawp mai a. Tunah hian ngawrh takin an thawk a ni tih kha ka'n sawi duh a ni. A bialtu Pu Saikapthianga pawhin min lo hriatsak sela. Tin, khulaiyah khuan thil tamtak tihfel tur a awm a, working plan lawng lawng ang ngawt khan thil a tih theih lova, thil tamtak khami chhungah khan tihfel ngai a awm a, tunah hian staff te pawh dah belhin, hma chaktakin kan la ani tih kha ka'n sawi leh duh a.

Tin, chubakah chuan Forest Department hian Revolving Fund Rules, 2007 kan nei ve tawh a ni tih kha ka'n sawi leh duh a. Hei hi Supreme Court order ni 15.1.1998 in tul a tih angin tunah hian he dan hi kan nei chho tan ta a, hei hian awze nei takin hma kan lakna kawngah min pui hle a ni tih hi ka'n sawi leh duh a ni.

Wildlife lamah hian tlema tlahniam ang khan kan in sawi a, hma kan sawn ve viau in kan hria a. Awareness te kan bei nasa khawp mai a, tunah hian kan Wildlife Protection lamah hian kan theih ang chuan tan kan la nasa khawp mai a. Tun dinhmunah hi chuan kan ramsa te pawh kan humhalh tha viau a, kan nungcha tepawh. Kan sawifo tawh angin kan Mizo zia hrim hrimah hian hetizawnga in zirtira kan thanharh thut hi thil har tak mai a ni a. Tunhma kan pi leh pute nunphungte kan han en a, churang chuan a har khawp mai a, mahse hma chu kan sawn tawh khawp mai tih erawh kha chu min lo hriatsak ka duh khawp mai. Henga hian Forest Department ringawtin hma la kan nilo. Kan NGO, YMA, MHIP thleng tepawhin kan VC te leh kan thawhpui dangte nen theihtawpa tan kan lakna a zarah hma kan sawn viau tawh a ni tih kha ka'n sawi duh a. Amaherawhchu, duhtu erawh chu a la samlo, thil tamtak tihur kan nei tih erawh hi chu kan hria a ni.

A tawp nan kan information atana ka'n sawi duh chu Forest chungchangah hian thil lawmawm lampangte pawh a ni bawk a. India ramah hian Forest ina a cover a percent-a Pu Speaker nei zau ber kan ni tih tunhnaiah kan han hria a, a lawmawm khawp mai a. Tunah hian 88.63% hi Forest cover ti a sorkar laipui atanga record min rawn siamsak a ni a. Amaherawhchu, a ramngaw quality erawh chu chi hrang hrangin tahhian an rawn thliar ta a, ramngaw han tih khan chi thumin an rawn thliar a. Ramngaw bit bik dense, very dense forest ramngaw pik tak kan han tih kha 133 sq.km Mizoramah kan nei a ni. Chuan, ramngaw -a chhiar theih moderately dense forest an tih hi 6,173 sq.km Mizoram in kan nei a, chuan ramngaw dar tawh open forest kan tih hi 12,378 sq.km kan nei a ni. Chhiar hnuhnun ber an neih December 2002 - February thleng khan 101 sq.km velin ramngaw hi Mizoramah hian kan neih zauh belh tlat tih kha min rawn puansak a, engti zawng in nge ni tih kan hrethiam chiah lova, thil lawmawm chu a ni hrim hrim tih kha ka'n sawi duh a ni.

Tin, chubakah chuan National Forest Policy 1988 in a duhdan chuan India ramah hian ramngaw hi 33% tal awm sela, tahchuan tlangramah phei chuan in 66% ni thei se tih kha a duh khawp mai a, chutihlai chuan Mizoram chuan an duhtusam aia sang tak 88.60% kha kan kai ta a ni tih kha kan hriat atan ka'n sawi duh a ni.

Hei bakah hian ramah lamah hian thil tlemte han sawi lawk ka'n duh a. Sakei, Keipui kan tih hi Indian National Animal a ni a, sorkar hian a ngai pawimawh em em mai a. India ram hi Sakei tamna- ber a ni a, mahse mihring pung chak lutuk avangin tunah hian Sakei hi India ramah hian kan nei tlem tawh hle mai a. Hei bakah hian Chinese leh khawchhak ram dang khinglai velah khian tual damdawi traditional medicine a hman a nih avang hian nasa takin vawiinni-ah hian a rem phah a, Sakei hi a tlem hle tawh a. India ramah hian tunah hian 2006 record a chhiarpui an neih khan 1411 chauh India ramah hian a awm a. Hei, keini North East State-ah hian kan lo nei tlem tawh hle mai a. Assam

leh Arunachal leh Mizoramah chauh hian Sakei kan tih tak tak, Pu Speaker, kan nei a. Mizoramah hian pali atanga paruk vel ang chauh awmin vawinni-ah record a awm tawh a ni. Engpawhnise, awmlo State tamtak zinga a awm State, Sakei awmna State pathum zinga kan tel kha a lawmawm hrim hrim a. Chu chu ka sawi theih ni mai se Forest lamah chuan.

Revenue - ah hian tawne in Pu Speaker, thil tarlan ka duh a. Kan member zahawmtak te khanin kan Revenue Budget kha nikum ai khan a tlem deuh e tih kha an rawn sawi a, a dikna lai a awm a. A chhan chu CSS te a tel lova, Budget-a lang silo, eng engemaw nikum laa lang si, kuminah chuan lang silo kha a awm a, a tul lohna lai te pawh a awm a ni ang e.

Tin, heng bakah hianin Pu Liansailova khan a ngai pawimawh riau in ka hria a. Ani hi Director te pawh a lo ni tawh a, kan dan leh dun mumal zawk kan neih theihna tur atan khanin nimirah tepawh zawhna kan chhang tawh a. Theihtawpin tan kan la a ni. Revenue hi ka enkawlina a la rei lova, mahse kan land records te, kan ram neih dan phung te, nakin zeal kan tu leh fatena harsatna an tawh lohna tur atan chuan uluk tak maia thil ruahman hi angai a ni tih hi kan hria a. Chuvangin, a Department-ah pawh thahnem ngai taka thawktute neiin hma kan la chho a. Cadaster survey pawh hi tunah chuan kan bei ngawrh khawp mai a. Engtikah nge zawh hun tur min zawh kha chu ka chhang thei chiah lova. Hei hi hna hautak deuh mai a ni. Mahse ngawrh takin hma kan la ani tih kha min lo hriatsak ka duh a.

Heng bakah hian summary survey te kan nei a. Chubakah chuan Photo survey kan ti a, hei hi Pu Speaker, thil danglam deuh a ni a. Land record operation tih puitlin nan ramhnuai a hmum tehkuat sen loh tam tak hi a awm a ni. Va kalpawh theih lohna tur ang chi hi. Hengah hianin Ariel Photograph hmangin survey tih mek a ni a. Thlawhtheihna atanga thlalak leh remote sensing photo atanga thlalak hmangin Mizoram zau zawng hi kan cover deuh vek tawh a ni tih ka sawi duh a. Control Survey neih mek niin detail survey-ah pawh hma kan la mek a ni.

Tin, Computerisation of Land Records hi wawini-ah hian kan kal pui chho zel a. Pawisa pawh kumtharah hian hmuh belh kan in beisei a. Central sorkara Department of Land Resources atang hian achievement tam tak kan nei tawh a. No. of House Pass issue tawh 2000-2008 hi kan hriat atan 221989 a tling tawh a. LSC hi 50683 a tling tawh a, Pre-patta hi 24176 a tling tawh a ni. Chutiang khawp chuanin Pu Speaker, Land Record-ah pawh hian chhinchhiah tlak in hma an lo la tawh a, k an Minister hmasa hunlai atang tawhin theihtawpin tan an lo la tawh a ni. Tin, kan hriatzau nan tax kan collect hi kan hriat a tha in ka hria a. Hetah hianin 2005-2006 kha ka'n sawi lawk ang a, tahkhan nuai 240 kan collect a. Tahchuanin, kumin hianin engzatnge kan hmuh theih dawn kan Chiang lova, kum a la ral chiah lova. Kan target hi chu kan thleng thei turah chuan kan ngai a ni tih ka sawi leh duh a ni.

A tawpa ka sawi duh chu Land Revenue chungchangah hian mipui hianin thil zir tur tamtak kan neiin ka hria a. Entirman - kan chhiah pek chungchangah hian na kan ti hma ve deuh lutuk a. Citizen tha, khua leh tui tha Mizoram mi diktak kan nih dawn chuan kan tih ve tur ang hi wawiinni-ah hian kan inzirtir hi a va tul em awm ka ti a. Hma kan lak nasat pawh a la ngai hle a. Rin aiin thil tamtakah hma kan sawn e kan tih lain helamah hian kan lo la hnufum viau niin a chang chuan ka hre thin a. Amaherawhchu, hei zirtima kan pek dawn ai chuan tih loh mai, kan ram pawh record neih loh mai kan duh lek lek mai. Khatiang kha a fello a, chuvang chuan Revenue-ah hian a biktakin kan ni a. Tin, Environment & Forests ah pawh a ni vek tho. Khua leh tui tha ni tur hian wawinah hian kan mawh hi kan in hriattir thar leh hi a tul hle a ni tih hi a tawp nan ka'n sawi duh a ni.

A tawp berah chuan hei Department lian ber, Mizoramah chuan sorkar hnathawk 26% awmna Department, Education hi ka'n sawi duh a. He Department hi a lian a, chuvang chuan then pawh a tul kan ti a. Chuvang chuan, hun reilote-ah bifercation hi kan tifel thei turah kan ngai a. Kan Chief Minister pawhin hei hi chu kan ti dawn nia a ti a. Chuvang chuan hun reilote-ah bifercation hi ti thei turah ka ngai a ni. Hei, Assam state-ah te chuan Education hi Directorate 5 aia tlem loah an dah tawp a ni. Kan ramah hian kan hre vek a, Agriculture pawh hi hmun thumah kan inthen tawhin ka hria a. Minor Irrigation nen lam. Education a lian ber si hi kan han ti ve thei turah kan ngai a. Kan then har ve khawp mai a, mahse kan ti thei turah kan beisei a ni tih ka'n sawi duh a.

Tin, nichinah kan member khan thahnem min ngaihpuia, ka lawm khawp mai a. He Department hi a dik khawp mai a, Association pawh hi kan tam a ni. Department dangah chuan Association hi 2/3 bak hi an awm lovin ka hria a. Education-ah chuanin hmanni khan kan han belhkhawm a, 33 vel an awm a ni. Kei pawhin ka hre seng lova, a buaithlak khawp mai. Engemaw harsatna rawn thlen tur tamtak kan neih na karah hian a then kan tih theihn vek loh, hunbi neia min rawn tuk, ultimatum min han pe tawk kan tawng tam a, amaherawhchu a tul ang angin hma kan la a, tih theih chin kan nei a, tih theihloh chin kan nei a, tiang chuan a tul huna firm tha a, awm tura min duhna tepawh kha kan rilruah kan lo hria ang a.

Thildang ka sawi hmian ka'n sawi duh chu heng kan Department - Education, Forests, Information te, Land Revenue hi ka la chiang lutuk lova. Henga kan Officers te an thawh hahna hi ropui ka ti a. Project siamah ngat phei chuanin kan mizo tlangval te hi an lo va tha em ka ti a. Kar khat chhunga zawh tur kan tih pawhin an zo thei zel mai a. A chang chuan chawlhni ah te pawh Pu Speaker, an bei a. Heng an thahnem ngaihna hi ka'n sawilang hmasa duh a ni.

Education ina kan mamawh ber tun dinhmuna Department ang te leh a sorkar ang pawha kan rilrua lian ber chu literacy-ah pakhatna chu India Today chuan min han puang ta a, September, 2007 khan Pu Speaker, a lawmawm khawp a, Kerala chu kan han lehpel ta a. Amaherawhchu, a literacy pialmah khan House-ah hian tuman in sawi lova. India Today nikum September thla-a chhuak khan Best State Award in Primary Education a ti a. Elementary Education-ah Primary leh Middle School khalama India rama Union Territory ah States leh khang zawng zawng ram bung 35-ah khanin lawmman pakhatna min dawn tir a. Mark 100 ah Mark 62 kan hmu a ni. Hei in sawi loving tih ka hlau deuh a, kan Trophy an rawn dah a, hei a mai mai lo viau a ni. A chhan chu kan Hon'ble Higher & Technical Minister, kan Colleague Pu Zama hi Delhi a awm lai a ni hlauh mai a, khulaiah Ashoka Hotel-ah khuan India Vice President Pu Hamid Ansari kha khuallian a ni a. Tin, Pu Chitam Baram, Union Finance Minister a awm bawk a, Chief Minister Delhi-a awm ho kha an awm deuh vek bawk a. Mi pawimawh tak tak awmna-ah khan function ropui lutuk, a ni ti raw Pu Zam? Tahkhanin kan state aiawhin a zuk dawng a ni. Chuvang chuanin literacy ringawt ni lo, elementary-ah hian kan ti tha thawkhat niin kan hre ve tlat a ni. Chanchinbua chhuak nilovin, kan lawm ve viau a ni. Engpawhnisela, tui let hnua straight award kan dawn wawi khatna anih avang hian Pu Speaker, han tarlan kha Pu Zorama kaihhruai sorkar an thleng ve reng reng kha kan lawm viau a ni tih kha ka sawi duh a ni. Kan zavaia thawh hona a ni tih pawh kan hriat ka duh a ni.

Chuan, hei thalai hmakhua ngaih lampang hi tun Session-ah hin kan sawi uar khawp mai a, a dik a ni. Keipawh ka vei berte zing ami a ni a, hnate pawh hi la lo lutukah hian kan insawi lek lek in ka hria a. Ka Department chan chauh hi ka'n sawi ang a, adang chu ka hre vek lova. Pu Speaker, hei kan han belh khawm a, nizan khan. Education a zirtirtu leh thawktu kan lak zawng zawng hi kum 6/7 vel kalta atang khan kan han chhut a, a nghet te, a nghet lo te nen khan Hindi te pawh tiam vek khan a lo tam khawp mai a. Mi sangnga leh zaruk leh sawmkua leh paruk (5696) kan la a ni, tam tak a ni. India ram kan thenawm state kan thiante ho ka zawt a, tiang hi an la ve reng reng lo an ti tlat. Chuvang chuan, thalai te hi kan lo la tam viau a, thalai ho chu, putar kan la vak lo, a theih loh. Sangnga leh zaruk sawmkua paruk record-ah a ni a. Environment & Forests ah hian engzatnge kan lak record ka lo nei lova, kan la viau a ni.

Chuvang chuan, tunah hian Hindi pawh hi India ramah khawi state ah mah Primary School-ah Hindi zirna an nei lova, Mizoram chu duhsak takin min rawn pe a. Tunah an sanction hnukungah phei chuan Hindi zirtirtu pakhat Primary a thawkin Rs. 8800/- vel hlauh tur angte khan an rawn ti a, a tha em em mai a. Tunah hian zanga nikuma kan kal kha zaruk sawmriat leh pasarih kha a lo thleng leh bawk a. Chumi nena siam rem chuan tikhan an han chawl lailawk a, kan han thawh tir a, zanga te hi 11th Plan an sanction zelna tur atan tunah hian sanction kan nghak leh mek a. Chuti anih chuanin 1587 Hindi zirtirtu kan la dawn tihna a ni a, a ropui khawp mai. Pu Hiato kha a awm lova, District Council pawh hei hian a huam vek dawn tih kha ka sawi duh a ni.

Tin, chumi rual in District Council a Middle School 1994 bawr vela Mizoram State Sorkar atanga Council a, lo transfer takte vawiinnia Mizoram sorkar a lo luh duh chungchang Pu Hiato khan a sawi kha hei hi theih tawpin tan kan la mek a, kan Chief Minister hovin Meeting hun remchang kan fix ang kan ti a, amaherawhchu District Council pakhat inthlang thar an awm avangin CEM leh EM te koh tel kan duh avangin kan nghak mek a. Kan DCA Minister te pawh telin tiangchuan meeting hun remchanga ko turin hemi chungchang hi ngaihtuah ho turin hma kan la a ni tih kha ka'n sawi duh a ni. Chuan quality hi nia, a pawimawh khawp mai.

Hei, Education-ah hian kawng tamtakah hming thatna kan neih lain tuna kan ngaihpawimawh ber chu ber chu kan zirlai naupangte hi eng hna pawh thawk tura Pu Speaker, vawiini-ah hianin qualified tura kan buatsaih a pawimawh khawp mai. Mizoram in University kan nei a, kan Vice Chancellor kalchhuak ta kha zawt a, "Mizorama kan University-ah hian full... University anihna angin Department subject zawng zawng hawng kim ta ila, mizo fate hian kan luahkhat thei ang em?" tih ka zawt mai mai a, ka hre tho a, a chhanna chu 'kan theilo reng reng, Professor tur kan neilo, Reader tur kan nei lo' a zavaia zofate luahna tur chuan. Entirman - Medical lamah pawh han sawi ta ila, MBBS chu kan tam, Specialit pawh engemawzat chu kan nei, mahse vawiini-ah hian Super-Specialist te, Referral Hospital ang tak taka sawm rual han dahna tur chuan mizo fate zingah engzat nge kan neih kan tih chuan 2 chiah kan nei. Pakhat Dr. Faka phei chu NEIGHRIMS in min lak thlak sak daih a, pakhat chiah Pu Sanghmingthanga fapa niin ka hria, Mizoramah kan nei a ni. Chuvang chuan, literacy-a san kan han tih te, thildanga kan hmingthatna kha a tha tho, mahse khalamah kan thiamna in a daihzaina tur atana hma kan lak hi Pu Speaker, a tul hle a ni.

Hei, Pilot te pawh hi a tha ber e tihna lam ni lovin, mizo fate zingah engzatnge kan neih kan tih chuan pahnih chiah kan nei. Pakhat chu Air India-ah kan nei a, pakhat leh Indian Airline-ah kan neiin ka hria a, a bak kan nei miah lo. Chuvang chuan, kan thiamna daihzai zawnga hma kan lakna tur hian kan ti a, quality drive pawh hi nasa takin tunah hian kan bei a, Mizorama district-ah tunah hian panga kan tlawhchhuak tawh a, karlelah khian Aizawl distrit hmun thumah kan bei leh dawn a ni. Champhai leh Serchhip ah te tiang khan quality drive tak tak entinng e zirtirtute pawh hianin an zirtirna kawngah hian an naupang an enkawl te hi quality tak tak, thiamna tak tak nei thei tur atana thiamna an pek ang tih ngaihtuah a tul ta a. Chu chuan thil tamtak a keng. Pu Liansailova kan MLA zahawmtak sawi pawh kha a dik chiah. Heta kan syllabus te, Pu Andrew han sawi SCERT han tih changtluna thil tak tak quality drive na tur atana thil pawimawh tak an ngaihtuah tur ang chi pawh kha kan siam a ngai tlat. Hei hi chu vawiinni-ah a pawimawh a ni tih hi ka sawi duh a. Hemi anih loh chuan vawiinni-ah Mizoramah hian thiam tam tak si, mahse hna tak tak thawk dawna qualified silo kan awm dawn.

Hmanniah Pu Speaker, Bangalore-ah ka kal a, ka lawm ve em em mai a, a chhan chu zirlai naupang kha an lo tam hle a, sang dawnlai an lo awm a, tahchuan tam tak kha khulaiah hnathawk an lo awm a ni. Chung chuanin Mizoram sorkarah an thawk lova, khulai a Bangalore a company-ah te, corporation-ah te an lo thawk a ni. Engzatnge in hlawh? Tih ka zawt a, Graduate ho kha Rs. 20,000/- atanga Rs.50,000/- inkarah hi chuan kan tla deuh vek, kan hlawh deuh vek an ti. An lo hlawh tha khawp mai. 'Nuam in ti em' ka ti a, 'kan ti khawp mai' an ti. Ram pawnah pawh hianin hnathawh tur hi a tam, kan qualified chuan. WIPRO khumi Kolkatta ah pawh khuan Salt Lake-a company lian deuh maia an hotupa khuan hmanah lengah min sawm a, tahchuan 'I duh phawt chun mi 45 he WIPRO company-a hnathawk tur hian sing tel hlawh turin Mizo nula/tlangval kan la thei ang' tiin min hrilh a. Amaherawhchu, chutiang tur chuan engeni an qualification tih ka han zawh khan Mizo nula/tlangval zingah hian quality kha an awm mang bar tlat lova. MCA te kha an lo duh a, a buaithlak riau mai a. Tin, qualification mai ni lovin, an record kha a that alo ngai a, chuvang chuan helamah hian tan kan lak chu a ngai a ni. Quality kan drive dawn tak tak chuan Pune-ah khuan tlangval pakhat a hming ka hre ta lova, kum thum kalta khan Japan Computer Company khan kha tlangval kha BCA kumhnhna a tih mek, kum khat ala bak lai khan an rawn hre daih mai a 'kan company a thawk turin kan book lawk che a ni, Rs. 1,50,000/- aia tlemlo India pawisa kan pe ang che' an ti daih. Chuvang chuan, thil tih tur tamtak a awm. Mahse helamah hian tan kan lak a ngai a. Quality tak tak tur chuan thil tamtak, zirtirtutte inpekna pawh a ngai tel a ni. Kan zirtirna kalphung pawh kan thlak danglam a ngai hle a. Nasa takin vawiinni-ah hian khati zawng khan tan kan la chho tan a ni tih kha Pu Speaker, he House-ah hian ka'n hriattir duh a ni.

Chumi rual chuan zirna Environment hi ka sawi leh duh a ni. Nichinah khanin kan MLA zahawmtak Pu Rohluna kha niin ka hria a, naupang sawisak tih vel em ni? Khami chungchangah khan India ramah pahnhna kan nih kha. Chawlhkar thum kalta khan Pu Speaker, ka lo hmu a, kha paper cutting kha, kan Director te 'Ka Xerox a, lo ngaihtuah teh u hei hi' ka ti tawh nghe nghe a. Kan han en a, kan han enquire a. Sorkar School lampang angah tak hi chuan naupang tlema han hrem leh tih hi kan ngah lo, English Medium School-ah hian a lo tam deuh hlek a ni tih kan han hmuchhuak a. Engpawh nise, helaiah hian hma kan la e tih ka'n sawi duh a. Nia, tunlaih Supreme Court te a awm a, inhrem leh engemaw hian mi a siamtha lo tih kan hria a, helai hi kan lo hria e tih kha ka'n sawi leh duh mai a nia.

Tichuan, Building Project te, Development thil tamtak vawiinah hian kan hmalakna sawi tur a awm a. Kan High School lampang hi ngaihthahin a awm rei viau mai a. Pu Speaker, vanneih thlak deuh maiin project lawmawm deuh mai 'Success Project' an ti a, Universalization of Secondary Education Project vawiinah hian Mizoram kan hmang ve dawn ta a. Pu Thlenga khan a pawisa zat kha a sawi dik lo deuh hlek a nia. Nuai 481 ni lovin, nuai 48716 a lian project kum li chhunga, kum nga chung ti mai ang, zawh tur atan hei hi

Central sorkarin min approved ti tih deuh a ni Pu Speaker. Mizoramah kan High School zawng zawng Aided, School zawng zawng tiam vek khan nuai 40/50 telin kan sa tha vek dawn a. Tin, SSA reader kan han tih ang deuh khan Secondary Reader kha Rs. 14,000/- hlawh chi in engemaw zat kan la dawn bawh. School building bakah khan equipment te, furnitures tha chi in kan thlak vek ang a, School in compound an neih chuan kha compound chungah khan Basket Ball, Volley Ball Court te kan siam ang a, field laih tur an neih chuan a laihna tur ang chi pawh kan ruahman dawn a. Hostel sakna tur atan ruahmanna lian tak tak kan buatsaih bawh a.

Chuvangin, heng kan han sawi tak tak hi chuan sorkar leh zel pawh hi a ngai anih hi mawle m in ti nawlh nawlh mai a ni, a laklawh ve si a. Engpawhnise, nuai 48,000 chuang project kan nei a ni tih kha ka han sawi duh a, a lian khawp mai a. Hei hi North East mai nilo, India ram State zawng zawng ah he project hi kan kal pui d awn a, Mizoram hian a project kan theh lut hmasa ber a, kan Chief Minister zahawmtakin PMGSY project kan hmasa ber e a tih ang deuh khan a hmasa berah kan tang a. Hmannia an Joint Secretary in minrawn biak chuan Mizoramah hian project siam leh a kalpui dan a in duhdan kha 90% vel kan ring nghal e a rawn ti a, kan duhdan ang takin kan kalpui thei dawn a ni tih kha Pu Speaker, ka'n sawi duh bawh a ni.

Chumi rualin thil duhtawkloh tamtak kan la nei, Head Master nei lo School kan tam lutuk tihte pawh diktak chuan MPSC in Head Master minrawn pe posting kan ti a. Entirnan - Buarpui te, Thingsai te a kal turin an decline zel a, a buaithlak ve lutuk a, hrem ngawt theih si lova, chuvangin MPSC ah kan han dil that leh khan thla 4/5 a ral leh a, a buaithlak lutuk a. Khang harsatna te te kan tawhte pawh kha member ten min lo hriatsak ve ka duh a.

Tin, amalgamate chungchangah khan Pu Zira khan thil kha a hrechiang duh riau a, hei mumal taka sorkarin decision siam a ti kan ni tih kha min lo hriatsak ka duh a. Keima ho ngeia heng hi ti kan ni tih kha ka'n sawi duh a ni. Tin, chubakah tihluhna hi chuan tih loh hram kan duh a ni. Kan officer thenkhat pawhin tlema an va deal thiamloh lai a awm ve mai thei, a dikan ka ring. Engemaw mihring va indawr hi a awm thei khawp mai a, fimkhur takin hei hi kan kalpui a ngai ani ka ti a. Nimin thleng khan kan MLA bial thenkhat pawh inrawn sawi a, chuvangin helai hi thil fel tawklo tih rawp rawp remlo lai chu a awm ang tih ka ring. Mahse theihtawpin, dimtakin kan kalpui ang tih kha ka sawi duh a ni.

Tin, tukin zawhna-ah khan ka chhang deuh tawh a Pu Sailova bialte, Pu Speaker, I bial Vairengte-a kan High School ang chi tlema dinhmun tha deuha han dahna ang tur chi kha maw? khang kha chu financial year thar a awm ang a, Chief Minister pawhin a ngaipawimawh a, Cabinet-a dinhmun awmze nei deuh hleka dah kan tum a. Tin, Thingsul -a kan Higher Secondary School pawh khi a bialtu MLA hian a vei a, a hmunah kan kal dun a, khangte pawh kha ngaih pawimawhah kan lo nei dawn nia tih kha ka'n tarlan sak duh a.

Tin, Pu Speaker, Mizoramah hian mirethei tana School hi kan mamawh a, churang chuan theintawpin Sorkarin tan kan la a, thil lawmawm deuh chu District zawng zawngah hian Navadaya Vidialaya School kan sa tan mek a, a khirh em em mai a, chu chu en ve ula ka duh khawp mai. District zawng zawngah hian, Thenzawl chu kan nei tawh a, kan Opposition Leader bial, a dangah pawh hian kan nei vek dawn a, nuai 3000 bawr vel thleng hi hemi atan hian District khat tan kan hmu thei dawn a, kan lawm khawp. Tin, keini pawhin thang kan kam ve chu, hetiangam kan pe che u anih chuan local mi hi qualified an awm chuan in la ngei ngei tur a ni kan ti a, lak ngei pawh an tuminka hria a. IV Grade, Chowkidar, Zirtirtu thlengin qualified an awm chuan a local mi a tam thei ang ber la turin kan inkar bawka ni tih kha ka sawi duh a. Tin, hei Chhingchhip-ah hian Sainik School nei turin hma kan la mek a ni tih kha ka'n sawi leh duh a ni.

Chulovah chuan, India Today-a kan lawmman chungchangah rawn sawi belh lawk ka duh chu Pu Speaker, India Today chuan thil pakhat a commend hi kan hriattlan a tha viau in ka hria a, mihausa leh mirethei te inkar ti zimtu hi hmasawna vang a ni ngawt lo a ti a ni. Hmasawna chuan retheihna a tikiang lek fang a ni tiin a commend a. Sorkar rorelna diklo leh mipuiten remchanna chi hrang hrang an dawn loh vangte a ni thei bawka. Hetih lai hian literacy leh mipui mimir hriselna lama sum sengso si lova Financial Deficit ngah em em si India ramah hian State a awm theih. Entiran - Bihar State-ah ziak leh chhiar thiamna lamah chuan 46% a nih lain Mizoramah chuan 90% kan ni ta a, Education lama hmasawna leh per capita income hi a inkungkaih tlat a ni tih a lanna chu Bihar State-a an per capita income hi mipakhat thawhchhuah Rs. 6311/- anih lain Mizorama per capita income chu Rs. 27733/- ani tiin a rawn tarlang a ni.

Ka'n sawiduh lai tak chu India hmarchhak state-ah hian tunah hian India Today-ah pawh hian uluk takin Assam data hi kan hmang ber a tunah hian hmarchhak state te anga mumal tak hmuh a harsat avang hian Assam in an hmanah hian tunah hian Planning Commission - in chu chu a pawm a ni a, diktak chuan hmarchhak state, North East bial atanga mihring cheng zawng zawng zat atanga chhut chuan mirethei leh mi hausa inkar tam hleihna ration hi 20% a ni a. Mizoram bikah phei chuan chhinchhiah tlak khawpin a tlem tlat a, 9.5% chauh a ni tih ziak a ni a. Ka sawi duh chu Education hi a pawimawh ve na em em chu helamah Economic Development nen loh theih lohvin a inkaihna wih tlat mai a ni. Hei hi kan hriat a pawimawh in ka hria a, engemaw tia thil kan sawi kha a diklo thin e, tiin ka rawn charge reng reng lo che u a. Mahse, thil nihdan phung, khawvelin dik an tih ve chin lai a awm a ni tih erawh chu kan hriat ka duh a, chu chu ka'n tarlang leh a ni.

A tawp berah chuan kan hmalakna hi mirethei thleng phak hi a tam ve riau mai a, tlem minute hnih khat lek a tawp nan tarlan ka duh a awm a. Hei, midday meal kan tih chhunchaw hi a hautak khawp mai a. Naupang pakhat tan Rs. 2.50/- nikhat atan kan pe a, nikum khan nuapang 1,00,043 lakhs kan chawm a ni. Chuta kan sen chu Rs. 550/- lakhs a tling a ni.

Chawchhun ringawt pawh hi mi 1659 kan la a, chuta kan sen chu 238 lakhs a tling a ni. Tin, hei choka sak a ngai a, chu chu Rs. 6,00,000 in kan sak tawh hi 187 a ni a. Sak leh tur hi kan la ngah khawp mai a, hmalak theih mai tur 813 kan nei a ni. Tin, thil buaithlak deuh chu Gas connection a lo ngai a, double connection kha school 728 ah pekchhuah turin kan peih a. Hetah hian sum tamtak a ral leh a. Tin, naupang pakhatin tam kuma buhfai an mamawh hi gram 100 nikhat atan pakhatin a mamawh a. Thlatina buhfai kan dawn hi quintal 2050 a ni a, thla 10 chhung naupang chhunchaw pe ang-ah kan inngai a, tah hian thla 10 chhunga buhfai kan mamawhna hi quintal 20502 a ni. Tunah hian Lunglei District-a Lungsen block-ah sawn Tlabung-ah te pawh anih chu. Helaiah hian thil lawmawm deuh chu Middle School tan bik midday meal hi pakhat tan Rs. 3/- nikhata sanction in kan pe ta a ni tih kan puang duh a ni. Hei hi thil lawmawm tak a ni.

Tin, hei kohhran hote nen thawhhona thatak mai Mizoram Presbyterian te, Mizoram Baptist kohhran te, Central YMA te, MHIP hote nen thawhho pui kan nei ta nual mai a MoU te kan signed a, anni hian min tanpui a, naupang kum 6-14 School kaltir turah chuan nasa takin a pui a. Tiang chuan theihtawpin tan kan la ho a ni tih ka'n sawi duh a. Hetiang hi Central Sorkar pawhin hmundangah an la hmu ngai si lova, an ngaipawimawh hle a, lawmthu te min rawn hrilh a. Tin, Mizoram Synod te leh Mizoram Baptist kohhran in an enkawl School te phei kha chu heng facilities - free text book te pawh hi an dawng ve vek a ni tih te pawh ka'n sawi duh a.

Tin, kumin khan Pu Speaker, Mizorama Primary leh Middle School zawng zawngah Football pahnih kan pe vek tih ka'n sawi teh ang. Opposition bial leh bial lo kan thliar lo, kan pe vek a ni. Tin, ziakloh bu, bu 4/5 kan pe theuh bawka, pen leh pencil a thlawnin kan pe theuh bawka. Mirethei nu leh pa tamtak hemi hmang hian kan va tanpui a ni. Sawitur a tam a, kan sawi seng lo ang a.

Tunhnaiah hian America rama International Alliance for Youth Sport te nen kan thawhhona kha in lo hriat ka ring a, MoU kan signed ho a. Hei, nimin khan thil lawmawm deuh chu America chu America nge nge in nih hi mawle, in va han rang em em ve kan ti a. Thla hmasa ni 18 ah MoU kan signed a, ni 19 ah Assam Rifle lammual-ah launching lian deuh kan nei a, International President Pu..... te an lo kal a, an thleng thla chauh a, thil an lo thawn a, TNT tan bik khanin lo pe hmasa phawt ula an ti a. America Football ringawt hi 60 an rawn thawn a, Jersey hi 232, Track Jacket hi 41, Track Pant 38, Kekawr bul 93 an rawn thawn a. India pawisa a Rs. 50,000/- hu vel an rawn pe nghal a, kha kha chu kan MoU piahlam a ni. Lehkha an rawn thawn a, Mizorama District 8 ah Sport Academy 8-ah min rawn pui dawn ta a, mahse nimin piah maia lehkha kan hmuh ah chuan School 60-ah i ti law law ang u an rawn ti a, a lawmawm dawn khawp mai. America ram atang khan International Alliance for Youth Sports atang hian sport atana mamawh thil tamtak min rawn pe dawn a, tahchuan training min pe dawn bawka, an tum dan phei chuanin April thla-ah training min rawn pe turin mi 2 an rawn thleng dawn a. Tin, Mizoram atangin mi

pakhat America ramah training a kal turin min tum sak dawn hawk a. Chungte chu hmabak thil tamtak a awm a. Hun reilote-ah a tak takin helaiah thawhhona kan nei thei tur hi a lawmawm khawp a.

Hemi inaa kan tum ber chu sport hi vawiini-ah hian infiamna hi eizawna tling khawp a ni tih hi naupangte inzirtir kan tum a. Tin, Chandigarh-ah hian min chawm sak ngat a kan SSA naupangte 7 niin ka hria, kum 7 atan min lak thlak sak a, kan lawm khawp mai. BPL family atanga chhuak te an ni a, min chawm sak tawp mai a ni. Tiang chuan vawinah hian thawhhona tha tak mai ram pawn ami te nen kan nei zel a. Tin, quality education atan Cambridge University in Mizorama zirtirtu 16,000 kum 5 chhung training English language-ah leh General Teaching Skill a min han tihsak pawh chaktakin tunah hian kan kalpui mek a. Hun reilote-ah he training pawh hi awmze nei deuh hlekin kan kalpui thei turah kan ngai a. Tiang khan kawng hrang hrangah quality kan neih tak tak tur atan hian sorkarin kan theih ang angin hma kan la ve ani tih hi he House-ah hianin min hriatpui kha ka duh a ni.

Awle, ka sawi zel tawh lo mai ang a, Pu Speaker, vawiini hian ka demand pali (4) -

- 1) Demand No.6 - Land Revenue & Settlement -- Rs.10,03,95,000
- 2) Demand No. 20 - School Education - Rs. 259,91,85,000
- 3) Demand No. 26 - Information & Public Relation - Rs. 5,28,55,000
- 4) Demand No. 36 - Environment & Forests - Rs. 28,97,80,000

Total - Rs. 304,22,15,000 hi he House-ah hian min pass pui turin ka rawn thlen e.

S P E A K E R

: Darkar khat leh minute 15 vel bei thin khan minute 52 -ah a ti a, a duhtawklo deuh hlek anih pawhin a lawmawm e. Tikhan, Dr. R. Lalthangliana, Minister zahawmtakin a demand te rawn wind up in, pass a rawn dil a. Heng Demand No. 6 - Land Revenue & Settlement - Rs. 10,03,95,000, Demand No. 20 - School Education - Rs. 259,91,85,000, Demand No.26 - Information & Public Relation - Rs. 5,28,55,000, Demand No. 36 - Environment & Forest - Rs. 28,97,80,000 avaiin Rs. 304,22,15,000/- te hi pass remti apiangin 'remti' ti rawh ule. 'Remtilo' kan awm em? Awm chuan 'remtilo' ti ula.

Awle, Dr. R. Lalthangliana Demand No. 6,20,26 leh 36 avaiin Rs. 304,22,15,000/- te hi House in lungrualtakin a pass a ni.

Kan tum viau na a, kan tin leh ta lo deuh hlek a, kan Minister Pu H. Vanlalauva'n a Demand te han wind up sela, rei lutuk lo turah ngai ila. Kan pelh pawhin zawh theih hun hunah kan zo mai dawn em ni ang? Pu H. Vanlalauva, wind up tur leh pass dil turin ka sawm e.

**PU H. VANLALAUVA
MINISTER**

: Pu Speaker, ka lawm e. Zanlam inkhawmduh theuh kan ni a. Mahse, tan a hma lutuk tawh lova, tlem azawng chu sawi ve thei turah inngai ila. A hmasa berah lawmthu ka sawi duh a. Ka enkawl

Department te member ten an sawinaah thahnem ngaihna thila thurawn leh rawtna a ni deuh vek a. Kei leh ka thawhpuiten an ngaih mawh zawngte leh ngaih pawimawh an sawi zawng zawng kha kan chhinchhiah in kan record e. Tawngkamin riak lo mah ila, ataka tih puitlin kan tum dawn a ni tih ka'n hrilh duh a.

A hmasa berah chuan Prison Department thu hi han sawi hmasa ila, sawi kan tam lova. House-a kan sawi tam leh kan phulpui hlut hi chu pawr a tam deuh a ni em tihte pawh ngaih dan a awm tho mai a, sawi kan tam lutuklo hi a lawmawm lamah kan ngai a. Pawr lutuk awm lemlo niah kan ngai a ni. Kan Jail dinhmun hi District Jail 5 leh Central Jail 1 hi tuna kan hman lai mekte chu an ni. Central Jail, Aizawl capacity chu mi 545 awm theihna a ni a, District Jail, Aizawlah hian 110, Lungleiah 173, Saiha 95, Kolasib 114 leh Champhaiah 126 a vaiin mi 1163 awmtheihna tur a ni a.

Heng bakah hian District Jail thar 3 buatsaih mek a ni a. Hei hi a jail building chu peih thawkhat an ni tawh a. Mahse thawktute awmna tur quarter te buaipui mek a ni a. Tin, tui leh electric supply te ngaihtuah mek a ni a. Heng hi Lawngtlai District Jail te, Serchhip leh Mamit District Jail te an ni a. Hei bakah hian memberte sawi angin Vairengte Check Gate avang khuam Kolasib lam an lun deuh hlek a. Chuvangin, Vairengte, kan Speaker zahawmtak bialah sub-jail mi 50 awmtheihna tur ruahman mek a ni a. Chungte chu tunah hian hna tan chhoh mek a ni.

Tin, Tlabungah hian sub-jail sak a ni bawk a. Hei hi indaihlohna avangin hawn theihloh in a la awm rih bawk a ni. Tin, sawi tawh angin kan Jail hi misual hremna ni lova misual siamthatna ni turah kan rilruah a awm avangin, jail tangte siamthat hna hi kawng hrang hrangin hmalak a ni a. Chutah chuan tlawmngai pawl NGO kan tih, MZI leh ZEF te, set-free te, zoram entute leh pawl hrang hrangin thahnemngai takin jail tangten nundan kawngtha an zawh theihna turin hma min lakpui a, an chungah kan lawm em em a. Tin, sorkarin Board of Visitor jail tinah min pe a, an ni hian a khat tawkin jail te tlawhin, thurawn tha tak tak te an pe a, kan thawhhona pawh a tha em em a, kan tangkaipui hle a ni.

Tin, nikum Budget Session-ah khan Mizoram jail manual neih theihn kan inbeisei thu kan sawi tawh a, mahse Law lamte thurawn avangin tunah hian kan ennawn leh mek a, zawh tep a ni a. Reiloteah Assam Jail Manual hi banin Mizoram Jail Manual hi hman theih kan in beisei a ni.

Tin, Mizoram Jail enkawl danah India ram state hrang hrangte in enkawl dante kan zir a, kan en ve a. Thawktu officer leh staff te enkawl dan pawh chungah chuan kan hniam biklo hle in kan hria a, training pawh kan in pe tha thawkhat a, a lawmawmin kan hria a. Tin, Prison Directorate Office-ah workside hawn tawh a ni a. India ram state-ah a nei hmasa ber pawl kan lo ni ve a, lawmawm kan ti em em a ni. Tin, jail tangte hian jail chhungah infiamna chi hrang hrang - volley ball, Table Tennis, carom board, draff board leh infiamna indoor games te pek an nih bakah TV pek vek an ni a. Tin, chubakah chuan an thlarau lam nun siamthat nan rawngbawltu hrang hrang ten jail chhungah rawng rawn bawlin, chung mite rawngbawlna chu nasatakin kan tangkai pui baw a ni. Tin, jail tangte tana adult education lehkha zir theihna pek an ni a, Central Jail bikah pheh chuan tunah hian IGNOU hnuaiyah BA thleng zir theihna siamin tunah hian lehkha zir an thahnem ve hle ta a ni.

Tin, chubakah Industry lamah te puantah leh puan thui leh furnitures siam leh pa khawite leh juice bag siamte inzirtirin hmalak a ni a. Hetah hian hma kan sawn hle a, lawmawm kan ti a.

Tin, chubakah chuan jail-ah library te kan han siam ve a, chung chu tang ten an duh hun huna an chhiara, an dah leh thin turin buatsaih a ni a. Hengte pawh hian min ti hmasawn viauin kan hria ani. Tin, tunah hian jail security a lo that zawk nan tunlai hmanraw changkang tun maiah hian lei tura hmalak a ni a, chungte chu Closed Circuit TV, CCTV, Digital Camera, Computer, TV, Door Frame Metal Detector leh thil dang dangte lei tura inbuatsaih a ni a. Heng bakah hian kan jail neihsa tih changtlun leh hmasawna turin project siamin tunah hian theihluk mek a ni a. Chung zingah chuan Video Conferencing an tih, jail tangte Van-a phur chhuak a, court-a kalpui tawh lova, jail atanga Magistrate hma-a an din theihna tur, jail chhung atanga gate pel lova court a an din theihna tur, chutiang hmaruate chu neih tumin theihtawp chhuahin hma kan la mek a ni. India sorkar pawhin min phalsak ngei kan beisei a ni.

Tin, jail tangte tan Computer zirna thawn thuai tumin tunah hian hmalak mek a ni baw a, chutiang chuan kawng hrang hrangin hmalakna kan nei a, tunah hian kan budget hi nikum lam aia tlema lo pung chhote nen tangkai taka hman a, hlawhtling taka Mizoram jail te kan enkawl na hna hi kalpui kan tum a ni tih kha ka han sawi theih tawk ni mai sela, a tha in ka ring.

Tin, chubakah chuan District Council Affairs (DCA) chungchang thuah hian sawitur a tam viau na in hun a chep avangin kan sawi tam vak lo mai ang a. Kan hriat theih angin Autonomous District Council pathum Lai, Mara leh Chakma ten kawng hrang hranga hma an sawn theihna turin Mizoram sorkarin theihtawpin hma a la a, theihtawp a chhuah a, chungah chuan kan duhthusam nilo mah selangin plan pawisa pawh thawktu hlawhte lo sang chho zel bawk nen, tlem tlemin tihpun chhoh zel a ni a. Tin, Department hrang 18 hnuaiyah

tamtak thawh an ni ve tawh a, vawiini-ah chugte chu kan han pholang hma lovah ngai ilangin. Tunah pawh hian theihtawp chhuahin hmalak chhoh mek zel a ni a. Tin, hengah hian MLCR atang pawhin sum engemawzat heng Council atan hian haichhuah a lo ni ve tawh a. Tin, chung chu thatakin hman an ni a, chuvang pawh chu a ni mai thei a.

Revenue Collection chungchangah pawh hianin hma kan sawn ve hle a. State sorkar duhdanin chhiah lakluh lamah hian duailo hle ah kan inngai a. 2006-2007 khan target nuai 103 a ni a, chu chu nuai 6,35,540 a khumin nuai 10,934,540 kan chung lut ve ani. Tin, kumin 2007-2008 hianin target chu nuai 109,05,000 a ni a, vawiin thlenga Revenue kan lakkhawm tawh kan hriat theih chinah nuai 115,39,319 lai a ni tawh a, hei hian Mizoram sorkarin revenue collection a min beiseina pawh kan khum a ni tih ka sawi duh a.

Tin, District Council te inthlanna atan hian fund 2004-2005 atang khan budget head thar pek kan ni ve a. Chumi hnuah chuan 2004-2005 ah Rs. 65,16,000/- pek kan ni a. 2005-2006 ah Rs. 76,23,000/-. Tin, 2006-2007 ah Rs. 1,74,000, 2007-2008 ah hian Rs. 72,00,000/- a vaim tuna kan hmuh tawh chu Rs. 215,13,000/- a ni. Tichuan, MADC ah ni 3.7.2007 -ah General Election neih a ni a. Tin, nimin maiah ti mai ila CADC ah ni 5.3.2008 ah General Election neih a ni bawk a. Tin, LADC-ah hian ni 6.6.2007 ah khan Executive body thar kan siam bawk a, chu chu inthlan chungchangah thu-ah kan dinhmun a ni a. Tin, Village Council inthlanna hi MADC-ah hian ni 11.5.2006 ah neih a ni a. Tin, Lai Autonomous District Council ah October 2007 chhunga zawhfel a ni tawh bawk a. Tin, tunah hian CADC (Chakma Autonomous District Council) chhungah kan hma lawk May thla-ah khian Village Council inthlanna-te neih tum a ni bawk a ni.

Tin, abik takin hetah hian ka'n han sawilan duh chu heng MDC inthlanna-ah te, Village Council inthlanna-ah te buaina lutuk leh Law & Order chungchangah harsatna lutuk tawh lovin, tluang taka zawh a ni thin hi a lawmawm kan ti a. Chuvang chuan he House zahawmtakah hian lawmthu pawh ka'n sawi a. Tin, Chakma Autonomous District Council Constituency hi 13 ni thin kha tun inthlan hnunung ber ni 5.3.2008 ah kha chuan Constituency 17 a lo ni ta a. 13 ni thin kha bial 4 in tihpun a ni a. Chumi-ah chuan Constituency Delimitation ina a ruahman angin engkim feltaka kalpui a ni tih ka'n sawi duh bawk a ni.

Tin, District Council te tana hman tur Dan (Acts and Rules) te, Regulation chungchangte han tarlan leh lawk ka duh a, chungte chu LADC-ah Land Holding and Settlement Rules, 2006 siam a ni a. LADC -ah Revenue and Assessment (First Amendment) Regulation, 2006 te. Tin, LADC- ah Trading Regulation, 2004 te, LADC Village Council Act, 2007 te, LADC Revenue Assesment (Second Amendment) Regulation, 2006 te. CADC Constitution Conduct of Business etc. (Amendment) Rule, 2007 te. Tin, MADC Constitution Conduct of Business (Amendment) Rules, 2007 te leh Rules dang engemaw zat kan siam thar ve a ni.

Chuvang chuan, Administration lam thilahnma kan sawn theihna turin heng Acts leh Rules te pawh hi uluk taka buatsaih a ni a. Tin, hei bakah hian Lai, Mara, Chakma Council Pension chungchante pawh tunah hian enfel chhoh mek a ni a. Reiloteah Cabinet-ah hian thlir theih tura buatsaih a ni tih ka'n sawi duh a. Tin, a ilangpuiin kum 2007-2008 ain tunah hian kan budget pawh a lo pung chho ze a, chuvang chuan lawmawm kan ti tak meuh a. Heng hmang hian hna diktak leh taima taka thawh tumin kan inbuatsaih a ni tih vawiinni-ah hian ka'n sawi duh a ni a.

Tin, a tawp berah chuan R.D chungchang hi a sawitu pawh kan thahnem deuh hlek a. Hetah hian sawitur tamtak a awm. Amaherawhchu, zaninah kan sawi tam lovang a. Pu Speaker, inkhawm kan duh si a. A hmasa bera ka'n sawi duh chu kan Demand for Grant 2008-2009 Budget Bu (a bupui berah) khan Demand No. 38 - Rural Development para tawp ber dawttu-a Border Region Grant Fund tih kha 'Backward' tihtur niah kan ngai a ni. Khalai kha engemaw printing mistake alo awm palh pawh a ni mai thei e. Kha kha kan hriat a tha in kan hria a.

Tin, Rural Development kum 2007-2008 chhunga an hnathawh te sawi dawn ilangin hunin min daih tawh lova, chuvang chuan tihngaihna a awm tawh lovah ngai mai ilangin a tha in ka ring a. R.D Department hmalakna tam ber hi Central Scheme leh Programme an ni ilangpui mai a, chungte chu atlangpuiin SGRY te, NREGS te, IAY, IWDP te, BADP te etc. an ni a. Tin, heng bakah hian State Plan Fund atang pawhin BAFFACOS te, Social Education te, Housing for Project Staff Minor Work tih te leh adang dangte khawih anni a. Hengah hian hnathawh tawh BADP hnuai a ni emaw, thil dangah pawh tamtak a awm a, vawiinah a thalo lai deuh te, a fello lai deuh te, han sawisel phu ngawih ngawih te pawh a awm ang, chutihlai chuan BADP hmang kawnglahi tepawh sawlai ah CADC area-a an kawnglahi BADP atanga an laih te chu tun tum kan Election a kan observer tepawh khanin Camera nen thawkin kan BDO te an teh tir a, a zau zia leh a mawizia te an hrilhfak a, lawmawm kan ti hle a, ropui pawh kan ti hle a.

Tin, chung bakah chuan vawiinah kan rilru khawih ber leh tampui mitthi kan han tuar chhoh a kan inhnem na leh kan nghahfak ber chu NREGS hi a ni kan ti lo theilova. Heng hi kan hriat chian pawh a tul em em reng a. Zaninah ka'n sawilan duh chu Rural Area tana tih a ni a, he NREGS (ni 100 inhlawhna kan tih) hi. A main Act in a sawi dan, rural area a hrilhfah dan chuan Urban Local Body emaw, Cantonment Board emaw awm lohna hmun kha, NREGS hman theihna tur a ni a ti a. Chutiang taka kan hrilhfah dawn anih chuan Mizoramah chuan khawimah chutianga khawpui Urban Area tak tak, local bodies awmna kan la nei lo kan ti thei ang a. Amaherawhchu, Aizawl hi a nih ve avangin Aizawl khawpui huapa hman kan duh a, sorkarin hma a la a. Tin, a main acts-ah hian a thianga vekin a lang. Mahse, Central sorkar mitmei veng takin kan duhna leh kan tumdan leh kan inbuatsaih dan te tunah hian kan hrilh mek a ni a, kan inbuatsaihna-ah chuan Aizawl khawpui pawh kut hnathawka eizawng, lo leh huan

neitute Aizawl khawpuia cheng site pawh huap vek turin tunah hian inbuatsaihna kalpui a ni a. A chhan chu Municipal Sorkar te kan la neih rih loh bawk avangin chulaiah chuan Central sorkar erawh chu an mitmei veng takin, anmahni rawn chungin tunah hian kan kal a ni tih ka han sawi duh a.

Tin, herniah hian tukin zinga zawhna -ah pawh khan kan sawi atwh ang khan ni 100 chhunga an inhlawhna tur kha 2007-2008 chhungah khan lo thawk zo lo deuh mah selangin 2008-2009 ah ni 365 awmna-ah hian ni 100 an tlin lohna kha ti tling tura hmalak chhoh kan tum a ni. Hei hi kan sorkarin a ngaihtuah a, nichinah pawh kan sawi tawh ang khanin tunhma-a kan thawh dan zawng zawngah chuan kawtlaiyah emaw, ramhnuaiah emaw, khawtlang tana assets siam turin hna an thawk a, an inhlawh a ni a. Amaherawhchu, hetiang a tampui mitthi kan lo tawh takah chuan Central lam pawh biak a ni nual tawh a. Hengah hian inhriatthiamna nei a ni 100 inhlawhna mirethei inhlawhfate hian anmahni lo ah, anmahni huanah hna an thawh theihna turin sorkar a inbuatsaih tih pawh ka sawi tel duh a ni.

Tin, R.D hnathawh chungchang kan sawina-ah hian member zahawmtak Saiha bialtuin han hrilhfiyah tura min duh a neih kha ka hriatsual loh chuan Sericulture fund kha la pek loh niin a hria a, a ngai pawimawh hle in ka hria a. A dinhmun taka chu he scheme hi installment thum-a tih turin Central sorkarin min pe a, 1st leh 2nd Installment hman zawh tawh a ni a, 3rd Installment pawh hi release tawh a ni. Hetiangin, MADC atan nuai sawmnga pakhat leh 7804, LADC atan nuai sawmnga pahnih leh za pathum, CADC atan nuai sawmnga pahnih leh sawmhniyah pathum a ni a. Mahse, chu 1st leh 2nd hnathawh kha complaint deuh hlek a awm avangin sorkarin a last a tana pawisa hman tur hi diktak leh thataka hman anih theihna turin uluk takin a hmunah an mamawh dan leh a tul dane enfiah a, heng thil hi chhonzawm nise tiin kumin February 6, 2008 ah khan a ngaihtuahin a rel a, chumi ang chuan enfiah a ni tawh a. Hei hi hun reilo teah release theih anih beisei ani tih kha Saiha bialtu pawh kha kan han hrilh nisela a tha in ka ring a.

Tin, BADP hna enkawl chungchang kan Council te kutah dah turin Chief Secretary Chairman na hnuaia Committee in a lo rel tawh kha tihdanglam a ni leh em ni? han tih pawh kha tihdanglamna engmah a awm lova, kha kha a pangngaiin a kal a, mahse chu a hna select chungchang thil erawh chu tunhma-a lokal phung pangngai ang a kal turin tunah hian sorkar a inbuatsaih a, khang lo rel tawh kha sutna leh tihdanglamna a awm lova tih kha kan chhanna ni sela. Tin, heta a zawhna pakhat backward area fund chungchang thil pawh kha hetiang hi a dinhmun a ni a. Backward rural grant fund hi tunhnaite-ah RD Department hnuaiah dah a lo ni a. Tin, he Scheme a hnathawh nan hian Saiha District tan cheng vaibelchhe kua, nuai thum dah a ni a. Tin, Lawngtlai District tan vaibelchhe 9.94 Centrl sorkarin a dah a. Chu chu tunah hian released a ni tawh a, hun reiloteah hnathawh tan theih beisei a ni tih kha House ka'n hrilh duh a ni.

Tin, thu lawmawm tak pakhat ka sawi leh duh chu kan Chief Minister zahawmtak leh kan MP te thahnem ngaihna avangin Mizoram khaw hrang hrang leh veng hrang hranga kan Community Hall te hnathawh laklawh, mahse a fund Central lam atanga rawn tihtawp a, scheme rawn tih tawp tawh si kha DoNER Minister hnen lamah theihtawp chhuahin an nawr a. Tunah hian Minister lam atangin heng thilpek ropui tak hi kan hmu a. Kumin atan nuai 470 kan Community Hall khaw hrang hrang, veng hrang hrang amite kan chhunzawm leh theihna turin pek kan ni a. Chutah chuan cheng nuai 148 1st Installment atan released sak nghal kan ni bawk a ni tih kha House ka hrilh duh bawk a ni.

Pu Speaker, sawi tur tam hle mahse vawiinah, kan hun a chep deuh avangin heng ka Demands -

Demand No. 16 - Prison - Rs. 9,11,10,00/-

Demand No. 27 - District Council Affairs - Rs. 84,96,00,000/-

Demand No. 38 - Rural Development - Rs. 88,98,30,000/-

A vaiin Rs. 183,05,40,000/- hi he House hian min pawmpui turin ka ngen a ni e, ka lawm e.

S P E A K E R

: Awle, a dik khawp mai. Mahse, helaiah langlo deuh khilamah te pawh khian an awm ve a nia. Khi an phar ve sup sup mai. Awm miahlo chu an ni love, keipawn

ka han hmu. Amaherawhchu a point ber zawk erawh chu hetiang nikhua hian Department a Administration Head te, Department Head te tan chuan hei hi a pawimawh em em a ni. Awle, tikhan Minister zahawmtak Pu H. Vanlalauva a demand kan sawihonate wound up in, pass a rawn dil a. Heng -

Demand No. 16 - Prison - Rs. 9,99,10,000/-

Demand No. 27 - District Council Affairs - Rs. 84,96,00,000/-

Demand No. 38 - Rural Development - Rs. 88,98,30,000/-

A vaiin Rs. 183,05,40,000/- te hi pass remti apiangin 'Remti' ri rawh u le. Remti lo kan awm chuan 'Remti lo' ti rawh ule.

Awle, Minister zahawmtak Pu H. Vanlalauva Demand No. 16, 27 leh 38 a vaiin Rs. 183,05,40,000/- te hi House in lungrual takin a pass a ni.

**PU H. VANLALAUVA
MINISTER**

: Pu Speaker, ka lawm e.

S P E A K E R

: Tikhan, vawiina kan business chu kan duhdan angin nidang aia hma deuhin kan zo ta a, a lawmawm e. Kan chawl tawh ang a, Thawhtanni ni 24.3.2008 zing dar 10:30 AM ah kan thukhawm leh dawn nia. Naktuk Good Friday lo thleng tur leh Easter Sunday atan inzavaiin duhsakna ka hlan che u a ni.

Sitting is Adjourned 4:27 PM.